

აკაკის

თ ვ ი უ რ ი

ქრეშელო

№ 13343

წელიწადი პირველი

№ III



თბილისი

Типография Е. И. Хеладзе. || სტამბა ეკვთიბე იე. ხელადისა

1897

Дозволено цензурою. Тифлисъ, 20-го октября 1897 г.

შინაარსი

გ ა ნ უ ო ფ ი ლ ე ბ ა

I

I	ოცნება, ლექსი	83-1
II	სიტყვა თქმული თელავში სადილზე .	3
III	ქართული კატრიოტობა, ლექსი	11
IV	სიტყვის ბანზე აზღვება	13
V	ქართული ფულის თავ-გადასავალი . .	21
VI	წვრილ-წვრილი ამბები და ნაკმენები . .	41
VII	ბამოცანები	47

გ ა ნ უ ო ფ ი ლ ე ბ ა

II

VIII	ჩემი თავ-გადასავალი	1—64
------	-------------------------------	------

გ ა ნ უ ო ფ ი ლ ე ბ ა

III

IX	კუჭია, ზღაპარი	1
X	ს. ვალე, (მასალა „ვინმე მესხისა“) . . .	5

XI	ხალხური, ლექსება (შეკრებილი გრ. აფშინაშვილისაგან)	21
XII	ზღაპრათ ხალხური „ვეფხისტყაოსანი“ (ჩაწერილი სოსიკო მერკვილიძისაგან)	33
XIII	ხალხური ლექსი (ჩაწერილი ს. ქვარიაშვილისაგან).	56
XIV	განცხადება.	

ოცნება

თვალ-აბმული, თბილ ოთახში,
გალიაში ზის ბუღბუღი,
მოსილულა და ჭკონია
‘ხამთარშიაც გაზაფხული!..

წალკოტს ხედავს აყვავებულს,
ვარდებს კოკრათ გადაშლილსა;
«იაფ-ნანას», «ვარდო-ნანას»
ჩვეულებრივ უძღერს ტკბილსა!

ტანში უკლის ჟრუნტელი,
იქანცება... იწვის... დნება!..
და ცხადზედაც უტკბესია
მატყუარი ის ოცნება!..

სიბერის დროს მგოსანს გულში
შეჭნარვია სიუვარული...
კიზნოტიზმურ, ცბიერ-ძალით
კრულია და გამსჭვალული.

ხედავს სატრფოს სსიგ-მოსილსა
ქვეყნის დარბათ, ზეცის სწორბათ;
შეჭყურებს და ემატება
სიჭაბუკე ერთი ორბათ.

გულს ჩანგურბათ აკოპიტებს,
ზედ გაუბამს სულის ძაფებს
და, კედრბით, სიკვდილის წინ
ერთხელ კიდევ შემოძახებს:

«შენ გეტრფობდი!.. შენვე გეტრფი,
საიმედო ჩემ საფიცარს!..
და შენ მხოლოთ ახატისარ
ამ ჩემ წმინდა გულის ფიცარს»...

სიტყვა თქმულა თელავში ს:დიღზე

ბატონებო!

ჩვენი ძველების სიბრძნემ რუსთველის პირით გვიან-
დერძა, რომ

«ზოგჯერ თქმა სჯობს არა თქმასა,
ზოგჯერ თქმითაც დაშავდებისო».

და ეს გადმონაცემი ავგაროხათ უნდა გვედვას გულ-
ზე დღევანდელ ქართველებს, მით უფრო, რომ კარგათ
ვერა გვაქვს გამოკვლეული, სად რა უნდა ვთქვათ ხოლ-
მე და როდის რა? აზრიანი ცხოვრება-კი ყოველთვის მო-
ითხოვს, რომ არა თუ საქმე, თვით სიტყვატ-კი, გარემოე-
ბასთან შენაწონი, დრო და ვითარების საკადრისი უნდა
იყოს. მაგალითად: როცა მძინარს ვაღვიძებთ, მაშინ სა-
ჭიროა, რომ ახლოს მივიდეთ მასთან, ჩაეძახოთ, ჩაეპყვი-
როთ, ვუკიჟინოთ და ხან-და-ხან ხელითაც შევეხოთ,
ვანძრიოთ და ვაჯანჯგალოთ, რომ გამოვადვიძოთ რო-
გორმე. მაგრამ რაღაი კი გამოთხიზლდება და ზეზე წა-
მოდგება, მაშინ ესეები საჭირო აღარ იქნება და მხოლოდ
იმას უნდა ვეცადოთ, რომ მღვიძარი სხვა გზაზე დავაყე-
ნოთ და საქმეზე მივუთითოთ.

იყო დრო, და მას აქეთ დიდ ხანსაც არ გაუვლია,
რომ ჩვენი ხალხი საერთოდ ძილისაგან იყო წადებული

და გამოღვიძება ეჭირვებოდა. მესამოცე წლების ახალგაზდობამ გამოაღვიძა ის მართლა და ჩიჩინით, კიჟინითა და ჯანჯგალით. ეს ჩიჩინი იყო მაშინდელი მათი მჭევრმეტყველობა, სიტყვა-კაზმულობა და კეცა-კეცა, მრავალსართულიანი პატრიოტული ფრაზები. დღეს ესეები მაგდენათ გამოსადეგი აღარ არის, რადგანაც, ცოტათ თუ ბევრათ, გამოღვიძებულ ერს სიტყვასთან საქმეც ეჭირვება და ეს რთული მოვალეობა კისრად აწევს დღევანდელ ახალ-თაობას. მტერი მძინარზე უფრო თამამად მიდის, ვიდრე მღვიძარზე; ფხიზელს თვითონაც უფრთხილდება, უფრო რთულ-იარაღსა ხმარობს და თანვე ხერხს ეძილება. ამიტომაც დღევანდელი მტრის მოგერება უფრო ძნელია აღრინდელისაზე და, რასაკვირველია, დღევანდელ ახალ-თაობასაც უფრო მეტი სიფრთხილე და მეცადინეობა მართებს... აქ სიტყვამ „ძილი“ მოიტანა და უდროვო არ იქნება, რომ ამ „ძილზე“... ქართველების ძილზე, ცოტა რამე ვთქვათ!. ქართველებს რომ თითქმის ეს ერთი საუკუნეა გვძინავს, ამის დაფიცვა აღარ მოხერხდება!.. და ან კი რა საჭიროა?! მსოფლიო კანონი თანასწორად მოქმედებს ყველაზე!. მისი კანონი დიდზე და პატარაზე ერთნაირად გადუვალია: რაც-კი არსებობს და მოძრაობს ქვეყნათ, იმან ხან-და-ხან კიდევ უნდა შესვენოს ხოლმე. ბარათაშვილი ამბობს: მინდა მზე ვიყო და საღამოს ნიტომ ჩავიდე, რომ მეორე დღეს, შესვენებული, უფრო მეტის ძლიერებით ამოვბრწყინდე და გავანათლო ქვეყანაო. ეს თვითაც სხივოსანი და ნათელი ფანტაზია ყველასათვის საგულისხმოა. თუ მაღლა ცაშიც-კი ეჭირვებათ შესვენება, ქვეყნათ მიწიერი საღლა წაუვა ამ კანონს?..

ქართველების ძილიც კანონიერია და შემცდარი

არიან ისინი, რომელთაც ეს ბუნებრივი მოვლინება სიკვდილის ნიშანი ჰგონიათ.

ისტორიული სიმართლე მაჰაპარაკებს და არა პატრიოტული გატაცება, რომ ჩვენ, ქართველები, ვეკუთვნით რჩეულ ხალხს და ჩვენი წარსული გასაოცარია: უძველეს დროიდან დაწყებული, მისთანა ხალხი არაეინ გამოჩენილა, რომ ამ პატარა ქვეყანას არ მოზღვავეოდეს!.. ეგვიპტე, ბაბილონი, ასურეთი, არაბეთი, მონღოლეთი, საბერძნეთი და სხვანი... სულ ამ პატარა ქვეყანას ეძლეობოდენ... საქართველო იდგა, როგორც სალი კლდე ზღვის პირათ, რომელსაც უზარმაზარი ტალღები ზე ეხლებიან, მაგრამ, დაუძღურებული და ქაფათ ქცეული, უკანვე იქცევიან... უფრო უახლოებელს დროში მაჰმადიანობამ ჩაპყლაპა დიდი ვიზანტია, დაიმონა სლავიანის ქვეყნები და ამ პატარა ქვეყნის კუთხეს-კი ბოლო ვერ მოუღო... ჩვენმა მამა-პაპებმა გადიწერეს პირჯვარი, შესძახეს ერთმანეთს: „კირსა შინა გამაგრება ისე უნდა, ვით ქვით-კირსაო“ და, სარწმუნოებასთან ერთად შეხორცებული ეროვნება, გამტკიცეს!.. წმინდა ჯვარი ქრისტესი შეუბღალავათ მოიტანეს მეცხრამეტე საუკუნის კარებამდე და სასოებით გადასცეს ერთ-მორწმუნე ერს... გადასცეს და თავი კალთაში ჩაუდგეს, რომ ტკბილათ დაძინებოდათ, დაღალულობის მოსახდელათ... და თუ იმ აუცილებელი ძილის დროს ვინმემ რამე მოსტაცა და ან მოჰპარა მათ, ეს დამნაშაობათ არ ჩაეთვლებათ და არც გასაკიცხი არიან: მძინარ გმირზე თხიზელ ნაცარ-ქექიას უფრო ეტყობა სიცოცხლის ნიშან-წყალი, მაგრამ ეს კიდევ ნებას არ აძლევს ნაცარ-ქექიას, რომ მძინარ გმირს უკიჟინოს!.. გმირი გამოიღვიძებს და რაც მღვიძარ ნაცარ-ქექიას დიდი-ხნობით უკეთებია, იმას ცოტა ხანსაც მოასწრებს. დიახ, დღეს იღვი-

ძებს ჩვენი ერი, რომ კვლავინდებურათ იმოქმედოს, გაუმკლავდეს გასაჭირს და ებრძოდოს მტერს. მართალია, ძველათ რომ მტრები გვყავდნენ, ისინი დღეს აღარ არიან, მაგრამ მაგიერათ უფრო ძლიერი და უფრო საშიში მტერი კარხე გვადგია. მე ვამბობ იმ ეკონომიურ მტერზე, რომელიც დღეს ყველას თავ-ზარსა გვცემს და ლამის ჩაგვყლაპოს...

საჭიროა ბრძოლა და, თუ კი ჩვენი ძველები, ცალი ხელით რომ ფარ-ხმალი ეჭირათ, მაინც კიდევ ახერხებდნენ მეორე ხელით სამეურნო იარაღის აღებას, ჩვენ წინ რა გვიდგას, რომ ორივე ხელით იგივე სამეურნეო იარაღი ვეღარ ავიღოთ? თქვენა ბძანებთ, რომ მაშინ საჭირო იყო ფარ-ხმალი და ეს იარაღი ყველას ჰქონდაო, დღეს-კი სიმდიდრე და ფულია საჭირო, რომ ჩვენს მოწინააღმდეგეს ვებრძოდეთ და აბა სადა გვაქვსო? ეს თუმცა ერთი შეხედვით ასეა, მაგრამ, თუ ჩაუკვირდებით, სიმართლეს-კი მოკლებულია: დღევანდელ ჩვენს მტრებზე ერთი ათად ჩვენ მეტი ვართ, შეძლებაც ბევრათ მეტი გვაქვს, მაგრამ ჩვენი შეძლება გაფანტულ-გაცალ-ცალკეევებულია და ღათი-კი თითო-ოროლას ხელში მოქუჩულ-მოგროვილი. ერთი რომ ერთზე მივიდეთ საწინააღმდეგეთ, რასაკვირველია, ვერას გავაწყობთ, მაგრამ თუ შეერთებულად ვიმოქმედებთ, მაშინ-კი ძალა ჩვენ ხელში იქნება. მოგახსენებთ სულ უბრალო მაგალითს: ამ დღეებში სულ ორიოდ ავაზაკმა მთელი გორის მაზრა შეაძრწუნა. რომელ მოსახლისასაც კი შევარდებოდნენ, მუსრს ადენდნენ. ან კი რა უნდა ექნათ? ავაზაკები თოფ-იარაღში იყვნენ ჩამჯდარი და იმათ-კი ჯოხის მეტი არა ჰქონდათ რა. შეპყურებდნენ საცოდავთ პოლიციას და ჩაფრებს, რომ ეგება დაგვიფარონ როგორმეო ბოლოს, როცა იმედი დაჰკარ-

გეს, თვითონ ჩაჰხედენ გონებაში. მოიყარეს თავი ერთად, კეტი-კეტს შეუერთეს, ქვა-ქვას და დაუხედენ მტრებს... ასსა და ორას ქვას ბერდანკა ველარ გაუმაგრდა, კეტებს ზმალმა ველარ გაუძლო და მოჰბეგვეს ავაზაკები. თუ ჩვენც მათსავით შევერთდებით, ჩვენს პატარ-პატარა შეძლება-ქონებას ერთი მეორეს მოვანმართ, ჩვენც ეკონომიურათ ძლიერი ვიქნებით და მტრებს მოვიგვრებთ. აქაც საკვირველი ის არის, ამაებს ყველას, რაც აქ მოგახსენეთ, ცალ-ცალკე ყველა ქართველი ამბობს და უჩივის... უეჭველია, თავის-თავათაც აქვს შეგნებული. სიზარმაცესაც ვერ შეეწამებთ ქართველ ხალხს!.. მართალია, ღღეს ქართველებში ურევიათ აქა-იქ გუნდებთან ბულვარ და ღუქან-მეისტრები, მაგრამ ამ გვარები სად არ არიან და რომელ ხალხში? უმეტესობა, მაგალითად, გლეხობა და სოფლის მკირე მამულიანი თავად-აზნაურობა წელს იწყვეტს, ეგება რასმე გაუხდეთ და მაინც მათი შრომა უნაყოფოთ რჩება. ჩვენი ქვეყანაც ისევ ძველებურათვე მდიდარია და გულ-ლია. ჯერ არ მოკმულა, და ან კი რა მოკმამს დადალაღავს მის სიმსუქნეს? ჩვენ მიწებს ნაკელი არ ეჭირვება, ჩვენი ძველების სისხლ-ხორციით არიან ნასუქ-ნაპატივები... ისე ბიჯს ვერ გადავდგამთ, რომ ფეხი წინაპრების სისხლით მორწყულ მიწაზე არ დავადგათ. ისე გუთანი ვერ გავვივლია, რომ სახნისმა ჩვენი ძველების ძვლები არ ამოჰყაროს... იმ თავითვე ისტორიულათ შესისხლ-ხორცებული ვართ ჩვენს მიწა-წყალთან, ნათესაური კავშირია ჩვენ შორის და მიტომაც იბრძოდენ და იცვადენ ჩვენი მამები, რომ ხელიდან არ გაეშვათ!.. ზოგიერთ ღღეფანდღელებს რა გვენადღლება! გული რაზედ უნდა შეგეტკივოდეს და დაგვწყდეს, რომ იმ მამა-პაპის ნაშთზე ღვინისა და შამფანისკის მეტი არ გვიღვრია რა?!..

ექვ, ასეა თუ ისე, ეს ჭირიც კიდევ ადვილათ მოსახლდელია, თუ უმეტესობა ფეხზე ვიდგომებით და ამ თავითვე შევიგნებთ, თუ რა არის მიზეზი დღევანდელი ჩვენის უბედობისა, რომ უმეტესობის შეგნება, სურვილი და შრომაც ვეღარ გვშველის? ვისი ბრალია? რა გვიშლის ხელს და ვის უნდა დავდვათ ბრალი?—ვის და თავადებს!.. მე აქ თავად-აზნაურობაზე კი არ მოგახსენებთ... იმ მეთაურებზე მოგახსენებთ, რომელნიც საქმეს თავში უნდა უდგენ. დღეს დრო იცვალა, საქმეც სულ სხვა გვარია და მეთაურებიც, ე. ი. თავადებიც სულ სხვა ნაირი გვეჭირვება. ქვეყანა მზათ არის აღიაროს და მიენდოს მათ. ხალხისთვის სულ ერთია, რომელი წრიდანაც უნდა გამოვიდნენ ის თავადები, ოღონდ-კი მეთაურობა შეიძლონ: გლეხობით და მღვდლის შეილობით არავენ დაიწუნებს მათ. მაგრამ, სამწუხაროთ, ჯერ ვერსად ვხედავთ... დღევანდელი ჩვენი ინტელიგენცია სუსტია საზოგადოთ!.. ქვეყნის წინ წაძლოლა, მეთაურობა არ შეუძლია.

აბა, მიბრძანეთ, რა მეთაურია და რა თავადი ხალხისა ის ინტელიგენტი, რომელსაც იმდენათ უყვარს სამშობლო, რამდენათაც ის მხოლოთ სასარგებლოა მისი პირადი კეთილ-დღეობისათვის და, თუ ვეღარას ჩამორჩა—წიხლსა ჰკრავს და ჩალა-ბზეზე გაცვლის! აბა ის ინტელიგენტია, რომელსაც გონება ჯიბეში უძევს და გრძნობა კუჭში? ქვეყანას წინ ვერ წაუძღვება!.. კარგ შვილს უთუოთ კარგი გამზდელი დედა უნდა ჰყავდეს და დედები-კი არსად არიან... დღევანდელი ჩვენი ქალები აღრინდელის აჩრდილიც არ არიან. ჩვენი დედები მართლა დედები და ცოლები იყვენ. მიტომაც დაურქმევიათ „ცოლი“ ე. ი. „ცვალი“ რომ ქმრის გამონაცვლება შეძლებოდა, ანუ მეუღლე, რომ ქმართან ერთად ცხოვრების

ულელი გაეწია. დღევანდელი ქალები, მხოლოდ „ჟენები“ არიან, რადგანაც სიტყვა „ჟენა“ სანსკრიტულად მშობელს, ანუ მომგებს ნიშნავს და ამათაც ხომ მეტი არა შეუძლიათ რა. ამას ძიტომ კი არ მოგახსენებთ, რომ ქალები გაფკიცხო და შეურაცხ-ყოფა მივაყენო, მით უფრო, რომ იმათ ბრალი არაფერში აქვთ!.. მათი უვარგისობა დროთა ვითარების ბრალია და მეც გულის ტკივილი მალაპარაკებს, ის უიმედობა და გულის ტკივილი, რომელიც საფლავში თან უნდა ჩამყოლოდა, თუ დღევანდელ კახეთის ნახვას ჩემთვის გული არ გაემთელე-ბია!.. ერთი მცირე რამ შეენიშნე თელავში, რომელმაც გული გამიმთელა და ამამფრთოვანა მომავლის იმედით: აქ ახალ-გაზდა ქალებს, ოჯახის შეილებს, ნაცვლათ მისა, რომ სხვებსავე მალალ ფარდებში იფარფაშონ, ხელი მოუკიდიათ პატარა საქმისათვის: გაუმართავთ უსასყიდლო შკოლები ღარიბ-ობლებისათვის, სადაც ასწავლიან ხელ-საქნარს, მეოჯახობას, უცხო ენასთან ერთად მშობლიურსაც და დროს შესაფერაოდ და საკადრისათ სწორ გზაზე აყენებენ მათ; ამისთვის არ ზოგავენ არც ხარჯს და არც შრომას. უეჭველია, რომ აქედან გამოვლენ ის დედები, რომლებიც ჩვენ გვენატრება და მერე მათი გაზდილი შვილებიც ღირსი წევრები იქნებიან მომავალი, სანატრელი ახალ-თავობის. ჩვენ, ქართველებმა, საზოგადოდ გადაჭარბება ვიცით ხოლმე. აი, თუ გინდა, ეს დღევანდელი თქვენ მიერ ჩემი პატივის ცემა გადაჭარბებულია... მე ამდენის ღირსათ არ მიმაჩნია ჩემი თავი და მხოლოდ თქვენსავე მაღლიერ, გულ-უხეობას მივაწერ!.. დიახ, საზოგადოდ გადაჭარბება ვიცით ხოლმე და მცირეც დიდათ გვეჩვენება... მაგრამ დღეს კი მე აქ მეტს არას ვაჭობ იმ პატარა შკოლების შესახებ. მეც

კარგათ ვიცი, რომ ისინი საკმაო არ არიან საქართველოს ბედნიერებისათვის, მაგრამ, როგორც ნიშანი კეთილ-მომავლისა, სასიხარულო და საიმედო მოვლენაა!.. პატარა ცისარტყელა ვერც ათბობს, ვერც ანათებს, მხოლოდ თვალს იტაცებს და სჭრის, მაგრამ მაინც გამოდარების ნიშნათ არის მიჩნეული. გვალვის დროს ერთი პატარა ღრუბლის ნაგლეჯიც, სადმე ცის კიდეში გამოჩენილი, ქვეყანას ახარებს. შეჩერებიან მუშები და ამბობენ: ღმერთო შენს მადლს! კარგი ნიშანია: ამ პატარა ნაგლეჯს სხვებიც შეუერთდებიან, ცას დაფარვენ და მოგვევლინება წვიმა, ქვეყნის განმანდლებელიო. საკვირველია, მესამოცე წლებშიაც, როდესაც მამათა-სქესის ახალ-თაობა გამოდიქებას აპირებდა, ის პატარა ცისარტყელა კახეთში გამოჩნდა და ის ღრუბლის ნაგლეჯებიც აქედ დავინახეთ. რასაკვირველია, მიხვდებთ, რომ აქ იგულისხმება თქვენნივე შვილი ბ-ნი ილია ჭავჭავაძე. ახლაც კიდევ სადღაღათ-სქესო ნიშნებსაც აქვე ვპოვებთ. ჩანს, რომ ეს საქართველოს ყოველ კუთხეზე მეტათ წამებული კახეთი ჩვენთვის ახალ-ბეთლემად დაუნიშნავს განგებას და ღმერთმა ინებოს... ვისურვებ მის ბედნიერებას საზოგადოთ და კერძოთ თქვენთვისაც, როგორც მის მცირე წარმომადგენლებისას.

ქართული პატრიოტიზმი

—
როდესაც ჩემ წინ სუფრასზე
ცხელი, შუმუნა მწვადია,
მაშინ მე სამშობლოსათვის
ყოველი კარგი მწვადია!

—
როცა გადავჭკრავ ნუნუსს
თას-ყანწით, გინდა გულითა,
მაშინ მეც ზეცას ვავედრებ
ამ ჩემ სამშობლოს გულითა.

—
როდესაც ვეტრფი ქართველ ქალს,
ვეძლევი ნეტარებასა...
ვეღარ ვფარავ!.. სსხალხოთ
ვამბობ ჩემს აღსარებასა:

—
«მრავალჟამიერ! ჟამიერ,
ჩვენ ტურფა საქართველოსა»!
ვიტყვი და შეუზოგარათ
გადავჭკრავ სადღეგრძელოსა.

მაგრამ ესენი სუეველა
თუ აღარ შექნა სელათა,
წიხლსა ვერავ შინაურობას
და გავიჭრები ველათა.

დავეწაფები გულით კვასს,
გავსინინდები ქაშითა
და, კუჭათ გადაქცეული,
გულს დავიუბრავ ფაშვითა!..

დაძავიწედება ქართული
ჟუჟუნა, შავი თვალები!..
ჩიხსასაც არა უშავს რა,
სკვითის ქალს ვენაცვალები!

თუ გსურთ, რომ დავრჩე ქართველად,
ვისდიდუ მშობლურ ვალებსა,
ნუ გამოძილევთ ღვინოსა,
ცხელ ძწვადს და ლამაზ ქალებსა!..

სიტყვის ბანზე ავტობა.

დიდი ფაცა-ფუცია დღეს თფილისში: *) გახურებული ეძებენ ქალაქის თავს; ხან ერთი კუთხისაკენ გარბიან და ხან მეორისაკენ, მაშინ როდესაც ყველამ კი კარგათ იცის, რომ ვინც უნდათ არჩეულიც ჰყავთ და სხვა და სხვა კანდიდატების დასახელება უბრალო „ასკი-კუკუს“ თამაშია და თვალის ახვევა. ბისმარკიც რომ იყოს ქართველი, მაშინაც არავენ მიაშაფებს მას დღეს ქალაქის მოურავობას. მაშ, რაღათ ასახელებენ მათ? საბოლიშოთ და სალაღობოთ!.. მათი გულ-წრფელობა ამ შემთხვევაში უკუდო [დიბლომატობა არის და სხვა არაფერი. „ნიკოლაძე კარგი იქნებაო“ — ამბობენ. რომელი ნიკოლაძე?! ის ხომ არა, რომლის რჩევასაც, როცა მათთან იყო, ყურადღებასაც არ აქცევდენ... ჰავჰავაძეო?. რომელი?! ტრინინის ავტორი?! რა თქმა უნდა, ძალიან ებიტნავებათ! ზუბალოვიო? რომელი?! ის რომელიც, როცა მათთან იყო, ეჯავრებოდათ, როგორც მართალი და ღირსეული კაცი? არა, ეს სუყოლიფერი იაფი ფასის ლათაიაა. აკი იყო ამორჩეული დიმიტრი ყიფიანიო, — მეტყვიან, მართალია, მაგრამ ის აუცილებელმა საჭიროებამ ამოარჩევინათ მხოლოთ და ანგარიშმა: ოცი, ოც-და-ათი წლის აწეწილ-დაწეწილი, აბურდულ-დაბურდული საქმე გამოაწყობიეს, კანცელარია რიგზე დააყენებიეს, იმსახურეს

*) ეს წერილი მესამე ნომრისთვის აწყობილი იყო, როდესაც ქალაქის არჩევნები გათავდა.

და, როცა გამოსასწორებელი აღარა იყო რა, მაღლობის მაგიერათ, უბრალო ხმონათაც აღარ აირჩიეს არა თუ ქალაქის თავად. ივანენკო? მე და ჩემმა ღმერთმა, რომ კარგი ასარჩევია მათთვის, თუ კი მათი წესდება ნებას მისცემს მათ. ცხადია, რომ ისევ ერთი მათგანი უნდა აირჩიონ, მაგრამ ვინ? იზმაილოვის შემდეგ კ. ა. ბე-ბუთოვს ვერავინა ჯობს, მაგრამ ის ხომ სხვა საქმეს ადგია და ვერ მოაქცენენ. ალიხანოვი არ თანხმდება, ევანგულოვი ყოყმობს, ბორის-გოდუნოვობს!.. რეიტერი? წესდების წინააღმდეგი იქნება. დარჩა ისევ მარტო გ. თუმანოვი და, ჩვენი აზრით, უკეთესსაც ვერ გამოძებნიან!.. მაგრამ, ვაი, თუ არ აპატიონ ის, რაც ვითომ და ღირსებათ ჩაუთვალა მათმა გაზეთმა: „ერთ ღროს ის ქართულ ინტერესებს მისდევდა“. მაშ, ვისლა აირჩევენ? რასაკვირველია, ევანგულოვს. სხვების დასახელება-კი უაზრო, ბანზე სიტყვის აგდება!.. რას ნიშნავს „ბანზე სიტყვის აგდება“ და საიდან წამომდგარა ეს ანდაზა?

კაცი რომ ლაპარაკის ღროს გადაუხვ-გადმოუხვევს და პირ-და-პირ პასუხს არ იძლევა, იმაზე იტყვიან: „სიტყვას ბანზე აგდებსო“. ეს ანდაზა ძველის-ძველია. ეტყობა, რომ ჩვენ მამა-პაპებსაც ცოდნით სიტყვების გაბანდ-გამობანდვა პასუხის ასაშორებლათ, და სიტყვის ბანზე აგდებაც ისე, როგორც ჭირვეულ ბავშვების მოსაშორებლათ ბურთს მალლა ბანზე ააგდებენ ხოლმე. „სიტყვის ბანზე აგდებას“ დღეს ჩვენში უფრო მეტი ბაზარი აქვს, საღიპ-ლომატო იარაღათ არის გადაქცეული და უფრო მზაკრული ხასიათიც აქვს, ვიდრე ძველათ. საქურდალზე რომ ვინმეს მიასწრო და ამხილო, ის მაშინვე „ბანზე შეაგდებს სიტყვას“ და პირ-აქეთვე დაგიწყებს მტყუნებას: „რადგა-

ნაც მე და შენ სულ სხვა-და-სხვა ტომის კაცი ვართ და შენ კი ჩემი ტომის ხალხი საზოგადოათ გძულს, მეც მიტომ მწამებ ცილსო“. ტყვილათ კი არ არის ნათქვამი: „წყალ-გაღმა შეედავე და წყალ-გამოღმა დაგრჩებაო“. ქურდი პირ-აქეთ დაგწამებს ცილს: „ამა და ამ კაცს ჩემი გვარის ყველა სძულს და ემტერება!.. არა დაუჯეროთ რაო!“ ამას რომ ყურს მოჰკრავენ მისი ტომის კაცები, ისინიც ზოგი სისულელით და ზოგიც ბოროტი განძრახვით მიექომაგებიან და ატეხენ ერთ ვაი-უშველებელს. რამდენიც უნდა იძახო: «ბატონებო! რა შუაშია აქ უცხო ტომობა? ეს, რომელ ნაციასაც უნდა ეკუთნოდეს, სულ ერთია, თუ შეარცხვენს, თვარა ვერას ასახელებს! პირად საძაგლობას მთელს მისს ნაციას აწერს და მითი უნდა თავი გაიმართლოს!.. ამით ეს ჩირქსა ცხებს თავის ტომის ხალხს და მე-კი, პირ-იქით, ვამბობ, რომ ევ არ არის მისი ნაციის წარმომადგენელი ტიპი!.. მაგისთანა გაფუჭებული აქაც იშვიათია და სხვანი და სხვანი. ,,ამისთანები რაც უნდა იშველო, დამჯერე აღარსად არის!.. ყურსაც აღარავენ გიგდებს და გამოდიხარ პირ-აქეთ შენვე მტყუანი!.. ძალიან მაგარი ხასიათისა და თავ-განწირული უნდა იყოს კაცი, რომ ქურდს ქურდობა ამხილოს, ავაზაკს ავაზაკობა და მეზვერეს მეზვერობა!.. დღეს ამ ხერხს, ესე იგი საპოლიტიკო ბანზე სიტყვის აგდებას, ხელს სკიდებენ, არა თუ სხვა ტომების, თვით შენივე გვარ-ტომის გაფუჭებული მოძმეებიც, რომ წმინდა წყალი აამღვრიონ და შიგ მერე თავისუფლათ ბადე გაშალონ. ამავე ხერხს ხმარობს დღეს ჩვენი ვაჭარი ხალხიც, რომელსაც ჩვენ შემკრებელობითად, გვარ-ტომობის გაურჩევლათ, ყველას ერთად სომხებათ ვუწოდებთ.

საიდან და როგორ გაჩნდენ ჩვენში ეს ვაჭრები?

უხსოვარი დროიდან ჩვენი ქვეყანა უმთავრესად ორ წოდებათ იყო გაყოფილი — დაბალ-წოდებათ და მაღალ-წოდებათ. თვითოვეულ მათგანს თავ-თავისი მოსახლერული მოვალეობა აწვა უღლათ; პირველი ქვეყნის მუშა იყო, მიწის მომქმედი და მეორე — მხედარი, რომელიც ბრძოლის ველზე ათენ-აღამებდა. ვისაც უძღურების გამო ანუ სხვა რამე მიზეზით ამ ორი უმთავრესი მოვალეობის ატანა არ შეეძლო, ის ან ბერათ შედიოდა მონასტერში და ან აღებ-მიცემობას ჰკიდებდა ხელს. ამ უკანასკნელს ეკუთნოდნენ ებრაელები და სომხები. ებრაელები ბაბილონის ტყვეობის დროს გადმოსახლებულან ჩვენში; სომხები-კი მეშვიდე საუკუნიდან დაწყებული გვეგვიზნებოდნენ ნელ-ნელა. ჩვენ იმათ ძმურის სიყვარულით ვეგვებოდით, მით უფრო, რომ მაათი სარწმუნოებისა, ე. ი. გრიგორიანები ქართველობაშიაც ბევრი იყო დარჩენილი.

შემოხიზნულებს მზა ეკლესიები დაუხვდათ და ქართველობამ ისინი მამა-შვილურადაც შეიტკბო. ისინიც ისე გაქართველდნენ, რომ არაფრით, გარდა სარწმუნოებისა, ქართველები: ავან აღარ გაირჩევოდნენ. ბევრმა მათგანმა ქვეყნის ერთგულებისა და კარგი სამსახურისათვის თავადობისა და აზნაურობის ღირსებაც მიიღო; ზოგმა მიწის მუშაობას მიჰყო ხელი, მაგრამ უმეტესობამ-კი ვაჭრობა ირჩია და აღებ-მიცემობაც საკუთრათ მათ ხელში გადავიდა. აი, ამ მოვაჭრე ხალხს, რადგანაც მის უმეტესობას სომხობა შეადგენდა, თუმც შიგ ურეები და დაჩიავებული ქართველებიც ერიენ, შემკრებელობითად დაერქვა სომხობა; ასე რომ ჩვენში სიტყვა „სომეხი“ და „ვაჭარი“ ერთსა და იმავეს ნიშნავდა. ამ წრის ხალხს დიდი უფლება არა ჰქონია რა ჩვენში!.. ისინი საბატონო იყვნენ და გადასახადიც დიდი ემართათ. გაყოფილების საბუთები

ანუ ფარდის წიგნებში, ხშირად შეხვდებით რომ ერთ ვაჭარს, სომეხს ანუ ურიას, რომელსაც, გარდა სახლ-კარისა სხვა ადგილ-მამული არა აბადია რა, ოცსა და ოცდაათ დიდ მემამულე გლეხებს უფარდებენ. დიდი გვარის შვილები მითი უფრო იყვენ შეძლებული, რომ საკუთარი ბაზრები ჰქონდათ, მაგალითად: საჩხერეში, ონში, ზონში, კულაშში, ჩხარში, სურამში, ცხინვალში და სხვა და სხვაგან. სანამ ქართველების ცხოვრება ძველი წესითა და რიგით მიდიოდა, თავად-აზნაურობაც უზრუნველი იყო, რადგანაც ერთი მხრით გლეხები ეჭირათ ხელში და მეორეთი—მოვაჭრე სომეხ-ურები; რაც-კი დასჭირდებოდათ, ყოლიფერი მზათ ჰქონდათ და ფული მხოლოდ სათამაშო, საქეიფო მასალათ მიაჩნდათ. არა თუ ძველათ, რუსობამდე, რუსის შემოსვლის შემდეგაც, სანამ კავკასიის მთები არ დაიპყრეს, იმავე ძველ გზას ადგენ ქართველები. მართალია, ფული რომ დაჭირდებოდა რომელსამე თავად-აზნაურთაგანს, მაშინაც ვაჭარს გამოართმევდა და, დროზე თუ ვერ გადაუხდიდა, პასუხიც მზათა ჰქონდა: „რა დაგემართა, კაცო, რომ მაწუხებ? რა დიდი რამე გგონია ეგ შენი რაღაც ოხერი ფული! აღარ დაგვაცლი?!.. აგერ ჯარში წავალ, გავიმარჯვებ, ჰენციას დამინიშენენ და მაშინ შიგ თავში გახლი შენს ფულეზსო“!.. ამ გვარი პასუხი დღეს თუმცა სასაცილოა, მაგრამ მაშინ-კი ხშირათ გამართლდებოდა ხოლმე და რომ კიდევაც არ გამართლებულიყო, უნდა მაინც ორივე მხარეს მოეცადა. მხოლოდ ბატონ-ყმობის გადავარდნიდან შეიშალა ძველი წესი და რიგი: თავად-აზნაურობას რაც ჰქონდა ხელში, გამოეცალა და უნუგეშოთ დაიწყო ფართხალი, ისე, როგორც თევზმა რიყზე, — გლეხობას რაც ჰქონდა, ის აღარ შერჩა!.. მართალია, პირადათ განთავისუფლდა, მაგრამ

მიწა-წყალი-კი ჩამოერთვა და მცირე ნადელი რაც დაუ-
ნიშნეს, იმაშიაც მეოთხედი უნდა ეხადა; ამას გარდა, პირ-
დაპირ გადასახადს ბევრი შეპარებული გადასახადიც მიე-
მატა და ფული საჭირო შეიქნა!.. ეს ფული-კი არც მა-
ლალსა და არც დაბალ წოდებას არა ჰქონდა!.. რომ კი-
დეც ჰქონოდა, მისი მოხმარება, მიუჩვევლობის გამო,
არც ერთმა არ იცოდა... ორივე მხარე შეკრთა და ფეხი
გადაუბრუნდათ, მოგებაში დარჩა მხოლოდ ის წოდება,
რომელსაც არა დაკარგვია და არა დაკლებია რა, ე. ი.
ვაჭრობა: მათი სიმდიდრე ფული და სავაჭრო საქონელი
იყო და იმათთვის ხომ ხელიც არავის უხლია?!.. მო-
ვიყვანთ სამინუშოდ ერთ მაგალითს: წერეთელს მისი ყმა-
ვაჭარი ცხრაას თუმანს აძლევდა: მარტო-ხელი ვარ და
გამიშვიო. ბატონი ათას ნაკლებ არ შეეღია; მოუსწრო
რეფორმამ და ოკდახუთი მანეთი ერგო იმ ვაჭარში, მე-
ტი აღარაფერი! დიახ, ბატონ-ყმობის გაყრამ ვაჭრობას
ზედი კარზე მოაყენა და მათი ხელობის სარბიელიც გა-
დიდდა. უფულო და ფულის უმეცარი, როგორც მაღალი,
ისე დაბალი წოდებაც ორივე ბურჟუაზიის ხელში ჩავარ-
და და დაეშვა უფსკრულისაკენ. ეს რომ დაინახეს სხვა
მხრის ვაჭრებმა, მოაშურეს ამ ჩვენ მხარეს სხვა-და-სხვა
ქალაქებიდან: ნახიჩევნიდან, ერევნიდან, განჯიდან, აზრუ-
მიდან და სხვა. შეიქნა ეკონომიური ბრძოლა! მაგრამ რას
ვამბობ? რის ბრძოლა?!.. ერთი მხრით დაგეშილი მგლე-
ბი და მეორით-კი საბრალო ცხვრები!.. ცუდი დრო და-
დგა აქაურ მცხოვრებლებისათვის... ბოლოს, როცა იქნა,
ზოგიერთმა შეგნებულებმა თვალი გამოახილეს და ყველ-
რება დაიწყეს: „შეგვკამეს ვაჭრებმაო“! მაგრამ ბურჟუ-
აზიამ სიტყვა ბანზე ააგდო და ფარად სომხობის გვარ-
ტომობა იხმარა: „გეტყობათ, რომ თქვენ მტერი ხართ

მთელი სომხობისა, თვარა ჩვენც არ დაგვიწყებდით მტრულათ უკრებას?!.. ეგ, ამ დროში, არ ეკადრება თქვენ განათლებულობასო!.. ნაციის ათვალწუნება უმეცრების ნიშანია და ბარბაროსობისო!“ — „რა ბძანებაა! რა შუაშია აქ გვარ-ტომობა? სომხის ნაციის მიზანი (ჩვენ ვტიქრობთ) სრულიადაც არ მოითხოვს იმას, რომ სხვა ხალხი ამოთხვრას და გადაყლაპოს!.. თქვენ არა ბძანდებით სომხობის წარმომადგენელი!.. თქვენ მხოლოდ საკუთარ თავსა და კუჭზე ფიქრობთ და გვარ-ტომობას-კი მხოლოდ ფარად და პირბადეთ ხმარობთო!“ — ასე დაიძახეს ზოგიერთებმა ჩვენში, მაგრამ გამგონი ვინღა იყო, როდესაც უმეტესობა ღრიალებდა და ზუოდა?!.. ქართველების მხრითაც ფუჭმა ინტელიგენტებმა და ცრუ ლიბერალებმა — აქაო და გაუნათლებლობა არავინ შეგვეწამოსო, პირზე ხელი დაიფარეს: გაჩუმდენ, ხმას აღარ იღებდენ!.. ამით ბურჟუაზიამ თავი უფრო აიშვა, გათამამდა და ხელ შეუშლელათ გააბ-გამოაბა ქსელი. ხალხი გულში იკლავდა ჯავრს და ნაღველი თან-და-თან უსივდებოდა. სიძულილი ჩამოვარდა, რომელსაც ბოლოს კიდევ უნდა გამოეხეთქა; მაგრამ ამ დროს ვითომ და გამოდის ასპარეზზე სომხის ახალგაზდობა, ნამდვილი ახალ-თაობა და სულ სხვა პროგრამმა შემოაქვს ცხოვრებაში!.. აი, რას გვეუბნებიან ჩვენ, ქართველებს, (თუ დასაჯერებელია): „თქვენ მართალი ხართ! ეგენი არ არიან სომხის ინტერესების წარმომადგენელი!.. სადაც თაფლია, მაგათი ბაღდადიც იქ არის! ეგენი ისეთივე მტრები არიან ჩვენი, როგორც თქვენიაო; ჩვენ არ მოგვეწონს მაგათი საქციელი, არ თანავუგრძნობთ მაგათ მოქმედებასო“ და სხვა... — ეს აღსარება წმინდა გულითაც რომ არ ყოფილიყოს ნათქვამი, მაშინაც არ უნდა დაგვეგდო უწყურადღებოთ, მაგრამ

მიწა-წყალი-კი ჩამოერთვა და მცირე ნადელი რაც დაუნინშნეს, იმაშიაც მეოთხედი უნდა ეხადა; ამას გარდა, პირდაპირ გადასახადს ბევრი შეპარებული გადასახადიც მიემატა და ფული საჭირო შეიქნა!.. ეს ფული-კი არც მალალსა და არც დაბალ წოდებას არა ჰქონდა!.. რომ კიდევც ჰქონოდა, მისი მოხმარება, მიუჩვეველობის გამო, არც ერთმა არ იცოდა... ორ-ვე მხარე შეერთა და ფეხი გადაუბრუნდათ, მოგებაში დარჩა მხოლოდ ის წოდება, რომელსაც არა დაკარგვია და არა დაკლებია რა, ე. ი. ვაჭრობა: მათი სიმდიდრე ფული და სავაჭრო საქონელი იყო და იმათთვის ხომ ხელიც არავის უხლია?!.. მოვიყვანთ სამინუშოდ ერთ მაგალითს: წერეთელს მისი ყმა-ვაჭარი ცხრაას თუმანს აძლევდა: მარტო-ხელი ვარ და გამიშვიო. ბატონი ათას ნაკლებ არ შეეღო; მოუსწრო რეფორმამ და ოცდახუთი მანეთი ერგო იმ ვაჭარში, მეტი აღარაფერი! დიახ, ბატონ-ყმობის გაყრამ ვაჭრობას ბედი კარზე მოაყენა და მათი ხელობის სარბიელიც გადიდდა. უფულო და ფულის უმეცარი, როგორც მაღალი, ისე დაბალი წოდებაც ორივე ბურჟუაზიის ხელში ჩაგარდა და დაეშვა უფსკრულისაკენ. ეს რომ დაინახეს სხვა მხრის ვაჭრებმა, მოაშურეს ამ ჩვენ მხარეს სხვა-და-სხვა ქალაქებიდან: ნახიჩევნიდან, ერევნიდან, განჯიდან, აზრუმიდან და სხვა. შეიქნა ეკონომიური ბრძოლა! მაგრამ რას ვამბობ? რის ბრძოლა?!.. ერთი მხრით დაგეშილი მგლები და მეორით-კი საბრალო ცხვრები!.. ცუდი დრო დადგა აქაურ მცხოვრებლებისათვის... ბოლოს, როცა იქნა, ზოგიერთმა შეგნებულეებმა თვალი გამოახილეს და ყვედრება დაიწყეს: „შეგვკამეს ვაჭრებმაო“! მაგრამ ბურჟუაზიამ სიტყვა ბანზე ააგდო და ფარად სომხობის გვარტომობა იხმარა: „გეტყობათ, რომ თქვენ მტერი ხართ

მთელი სომხობისა, თვარა ჩვენც არ დაგვიწყებდით მტრულათ ყურებას?!.. ეგ, ამ დროში, არ ეკადრება თქვენ განათლებულობასო!.. ნაციის ათვალწუნება უმეცრების ნიშანია და ბარბაროსობისო!“ — „რა ბძანებაა! რა შუაშია აქ გვარ-ტომობა? სომხის ნაციის მიზანი (ჩვენ ვფიქრობთ) სრულიადაც არ მოითხოვს იმას, რომ სხვა ხალხი ამოფხვრას და გადაყლაპოს!.. თქვენ არა ბძანდებით სომხობის წარმომადგენელი!.. თქვენ მხოლოდ საკუთარ თავსა და კუქზე ფიქრობთ და გვარ-ტომობას-კი მხოლოდ ფარად და პირბადეთ ხმარობთო!“ — ასე დაიძახეს ზოგიერთებმა ჩვენში, მაგრამ გამგონი ვინღა იყო, როდესაც უმეტესობა ღრიალებდა და ზუოდა?!.. ქართველების მხრითაც ფუქმა ინტელიგენტებმა და ცრუ ლიბერალებმა — აქაო და გაუნათლებლობა არავინ შეგვეწამოსო, პირზე ხელი დაიფარეს: გაჩუმდენ, ხმას აღარ იღებდენ!.. ამით ბურჟუაზიამ თავი უფრო აიშვა, გათამამდა და ხელ შეუშლელათ გააბ-გამოაბა ქსელი. ხალხი გულში იკლავდა ჯავრს და ნალველი თან-და-თან უსივდებოდა. სიძულილი ჩამოვარდა, რომელსაც ბოლოს კიდევ უნდა გამოეხეთქა; მაგრამ ამ დროს ვითომ და გამოდის ასპარეზზე სომხის ახალგაზღობა, ნამდვილი ახალ-თაობა და სულ სხვა პროგრამმა შემოაქვს ცხოვრებაში!.. აი, რას გვეუბნებიან ჩვენ, ქართველებს, (თუ დასაჯერებელია): „თქვენ მართალი ხართ! ეგენი არ არიან სომხის ინტერესების წარმომადგენელნი!.. სადაც თაფლია, მაგათი ბაღდადიც იქ არის! ეგენი ისეთივე მტრები არიან ჩვენი, როგორიც თქვენია; ჩვენ არ მოგვწონს მაგათი საქციელი, არ თანაფუგრძობთ მაგათ მოქმედებასო“ და სხვა... — ეს აღსარება წმინდა გულითაც რომ არ ყოფილიყოს ნათქვამი, მაშინაც არ უნდა დაგვეგდო უწყურადღებოთ, მაგრამ

ჩვენ-კი ასე არ მოვიქცით: ქალაქის გამგეობაში რომ უსიამოვნება ჩამოვარდა ქართველ და სომხების ხმოსნების შუა, ჩვენებმა ეს შუღლი მთლათ სომხობას მიაწერეს! ველარ შენიშნეს, რომ აქ მხოლოდ ვაჭრები იბრძოდნენ და არა სომხობა, რომლის წარმომადგენელი ახალი თაობა იქვე იყო და ქართველების უარყოფა არ სურდა. ეს მხოლოდ ერთად-ერთმა გიორგი წერეთელმა შენიშნა და დარჩა ხმოსნათ, მაგრამ მარტოობა-კი დაუჯდა ფასათ: უმეტესობამ ექსორია უყო და შეაჩვენა არა მარტო ის პირადათ, — თვით ის ჟურნალი „კვალიც“—კი, სადაც გიორგი მუშაობდა. ამ გვარ სასტიკობაზე კიდევ არას ვიტყოდით, რომ სულ მხოლოდ ცარიელი პირადობა არ გამომდგარიყო: ჯერ ერთ წელიწადსაც არ გაუვლია და ის ვაჟბატონები, რომელნიც გიორგი წერეთელზე განაჩენსა სწერდნენ, პირიქით, მიდიან იმავე ვაჭრებთან, ეკავშირებიან, ემხრობიან, იმხრობენ და ამტკიცებენ: ჩვენ ორივეს ერთი და იგივე ინტერესი გვაქვსო! ფიე!.. „ასე ჩემო მანასეო, ხან ისე და ხან ასეო“, რომ იტყვიან, სწორეთ ეს არის. ჩვენ რაღა უნდა ვთქვათ,—ის, რომ სულ სხვა აზრისა ვართ: იმ ახალგაზღობას, რომელიც ზემოთ დავასახელეთ, ჩვენ ვიწამებთ თანა მოაზრებათ, თუ საქმიონაც დაგვიმტკიცებენ ნათქვამს!.. რაც შეეხება ძველი თაობის წარმომადგენელ ბურჟუაზიას, იმათი-კი რა მოგახსენოთ!.. ჩვენ ისინი მოყვრებათ არ მიგვაჩნია და წუნსა ვდებთ იმ ქართველებსაც, რომელნიც საპირადო ანგარიშით იმათ ეკედლებიან და მათთან ერთად სიტყვას ბანზე გვიგდებენ.

ქართული ფულის თავგადასაცავი.

პატარა ვარ, მაგრამ, რაცა ვარ, სულ წმინდა ვერცხლი ვარ. ლითონად ჩვენს ქვეყანაში ვარ გაჩენილი, ფულათ-კი ზარათ-ხანაში მომპირეს და ტოლ-ამხანაგებიც ბევრი მყავდა. თვალი დაუდგეს სიბერეს, რომ ხორცსაც აკლებს და ფერსაც უკარგავს ყოველიფერს, თვარა პირველ-ხანებში ჩემ სანახაობას არა ჯობდა რა: ცით მოწყვეტილ ვარსკვლავსავით გამქონდა კაშკაში, ხელი-ხელ საგოგმანებელი, გადავდიოდი და გადმოვდიოდი აქეთ-იქით. ბევრის მნახველი ვარ, კიდევ უფრო მეტის გამგონე, მაგრამ ყველა რომ მოვთვალო, საღ წავა!.. ერთ ახალ-წელიწად დილას მეფე ირაკლიმ ოქრო-ვერცხლით ააესო თასი და მიუკვლია დედოფალს: „ღმერთმა მრავალ ამ დროს დაგასწროს, ჩემო ბატონო დარეჯანო!“—შენიანათ, ჩემო ხელმწიფეო!—უპასუხა დედოფალმა და ჩამოართვა სავსე თასი გაიშალა დარბაზი და მთელი ქალაქი მოატყდა სასახლეს მოსალოცავათ.

ხელ-ცარიელათ ფეხი არავის შემოუდგამს! ზოგს რა მოჰქონდა და ზოგს რა! ვაჭრის ცოლები-კი უფრო შაქრიყინულს ატანდენ ძალას და თან ამბობდენ: „ასე ტკბილათ დაგაბეროთო!“ დედოფალიც ამოიღებდა ხოლმე თასიდან ფულს და თითო-თითოდ ხან ერთს ჩაუდებდა ხელში და ხან მეორეს... ზოგს ვერცხლისას და ზოგს

ოქროსას, რომ მათ-მათ შესაფერათ ბედი დაჰკვებებო-
დათ. ყველაზე ბოლოს შემოვიდა ოსეთა ყორღანაშვილი;
ხელში გამოკრული ბაღდადი ეჭირა და მოკობტაობდა. —
,,ფეხი ჩემი და კვალი ანგელოზისო!“ — მოახსენა დედო-
ფალს. — ღმერთმა მრავალ ამ დღეს დაგასწროსთ მხიარუ-
ლათ და ბედნიერათ თქვენი დიდებული ოჯახით!..
მტრები ავაშორათ და მოყვრები ნუ გამოგილიოთო!..
შემიპყრია და წარმომიდგენია თქვენ წინაშე თქვენი
შემცოდნე ქურდები, რომელთაც თქვენთვის ფერ-ხორცი
მოუპარავთ და სიტკბო წარუტაცნიათო!“

ეს რომ თქვა, გახსნა ბაღდადი და იქვე, ტახტზე
გადმოაგორა საუცხოვო, წითლად დაბრაწული შაქარ-
ვაშლები. დედოფალმა გაიღიმა, აიღო თასი და ეს ამდენი
ოქრო და ვერცხლი ჯიბეში ჩაუჩხრიალა სამაგიეროთ.
მეც იმ ფულებში ვერიე... მეწყინა, მაგრამ რალას ვი-
ზამდი?!

ოსეთა ყორღანაშვილი „ახალ-კაცი“ იყო, ე. ი.
უბრალო ჩამომავლობის... მხოლოდ პირადათ ამაღლებუ-
ლი ბედისაგან და ისიც უჯეროთ. ძველათ ჩვენში გვა-
რიშვილობას დიდი ფასი ედვა... ვაგლახათ „ახალ-კაცებს“
არ გაიტოლებდნენ, გინდ ისინი ყოვლათ სრულიც ყოფი-
ლიყვნენ. ამ გულ-კოიტობამ დაღუპა საოცარი გმირი სა-
კაძე და მასთანავე ერთათ საქართველოც. ყორღანაშვილს-
კი ღირსებაც არ ჰქონდა, გარდა გაიძვერობისა და, რა-
საკვირველია, ქართველი დიდ-კაცობა იმის მაღლა-მაღლა
ფარფატს ვერ აიტანდა. ყველაზე უფრო გულ-ნატყენი
იყო დავით სარდალი; ეს იცოდა ოსეთამაც, მაგრამ, აქა
და სასახლეში მხარს მიჭერენო, არავის ეპუებოდა.

ზრდილობა და დარბაისლოური თავდაბლობა ზნეთ
ჰქონდათ იმ დროში გადაქცეული საქართველოს გვა-

რის შვილებს. ოსეფა ყორღანიშვილს-კი, როგორც უსისხლო კაცს, თავის უგვარ-ტომობა ნაკათ ჰქონდა გულში ჩარჩენილი! აქა და უკადრისი არავინ მკადროსო, თვითონ ასწრებდა ყველას: მედიდურათ ეჭირა თავი, სხვაზე მეტათ თავხედობდა და ხშირათ სიბრყვეში ვარდებოდა... ცოტა რამ ააჩქარებდა ხოლმე და იმ დღესაც, დედოფლისაგან რომ საჩუქარი მიიღო, ზეცას მიაჭირა თავი. ოხუნჯობაც-კი დაიწყო და დავით-სარდალს საახალწლო ხონჩა გაუგზავნა, მაგრამ ტკბილეულობის ნაცვლათ რიკ-ტაფელა დაედვა (ჩილიკა-ჯოხი) ზედ. ორბელიანი მიხვდა, თუ რასაც ნიშნავდა ეს გამოცანა: „ახლო მე ვარ სასახლეში და შენ-კი დაჯექი და ირიკავეო“.

სარდალმა მადლობა შეუთვალა და რიკ-ტაფელა თაროზე შეადებინა შესანახავათ. გვიარა დრომ, ეს საახალწლო ხუმრობა ყველას დაავიწყდა. საფერისცვალობათ, გალადებული ყორღანაშვილი სადილათ მიიწვია სარდალმა. ჩვეულებრივი მოკითხვის შემდეგ, მასპინძელმა უთხრა სტუმარს: ბატონო ოსიფ-აღავ, ჯერ სადილი აღრეა... მოკლილი ვართ და ხომ არ ინებებთ, რომ რიკ-ტაფელობა ვიკამაშოთო? ჩამოაღებია თაროდან გამხმარი ტაფელა. ოსეფა შეკრთა და აიფხორა... ფერი მეცვალა... „რა დროს თამაშია, ბატონო სარდალო?— ძალდატანებული ღიმილით უპასუხა, — ფერისცვალემა დღეა, შეგეწიოს მისი მადლი, მეც შიმშილით ფერი მეცვალაო!“ „თქვენი ნებააო“, — სთქვა სარდალმა, — ანიშნა მსახურებს: „აბა, აქამეთ ზურგიელიო!“ თვალის დახამხამებამდი მისცვივდენ შინაყმები, გააწვინეს და იმ გამხმარი ტაფელათი ზურგის კანი აუცხუნეს... იმდენი სცემეს, რომ უსულოთ მიაგდეს!.. გამოიტანეს მერე გარეთ და მოედანზე დააგდეს. ამ ამბავმა მთელი ქალაქი შესძრა! მაინცა-და-მაინც

ბევრს არავის წყენია ყორღანაშვილის შეურაცხყოფა, მაგრამ გაკვირვებით-კი უკვირდათ! ყველაზე უფრო გამწარებული დარეჯან დედოფალი იყო. დავით სარდალმა იფიქრა: „დღეის იქით მე აქ აღარ დამედგომებო!“ შეჰყარა გვარეულობა და დააპირა იმერეთში გადასახლება. ირაკლიმ მოციქულები მიუგზავნა: „ოსეთას გულისთვის ან ქვეყანას რათა სტოვებ და ან მე რათ მშორდებიო?“ ამას-კი აღარ ელოდა ყორღანაშვილი! იმას ეგონა, რომ ორბელსანებს მენი დაატყდებოდათ თავზე. იმედი რომ გაუმტყუნდა, კბილების ღრქენით თქვა: „მაშ მე ოსეთა აღარ ვყოფილვარ და ეს უღვაში ნულარ მსხმია, თუ ეს ჩემი შეურაცხ-ყოფა ვისმეს შევარჩინოო“. ეს ფიცი კიდევ შეასრულა „ხოჯა-ხნობის“ დროს. ღმერთთან სწორე სჯობს, ოსეთას გაჯავრებას საფუძველი ჰქონდა: ისე უმოწყალოთ იყო გალახული, რომ დიდხანს ფეხზე აღარ წამდმდგარა. ჯარა-მელანია ექიმობდა: წყლულზე „ოშოშას“ ადებდა და დაბეჭილს უზეღდა. რომ მორჩა, სხვათა შორის, მეც საექიმოში გავიღო და დარბაისელის ჯიბიდან მელანოს ხელში გადავედი. ამ საწყალ ქვრივ დედაკაცს ერთი შვილის მეტი არ ჰყავდა და ისიც დაკუტებული იყო. ერთ კვირა დღეს მელანომ ჩამოქნა მისი შვილის სიგძე სანთელი, მეც ავთმყოფს რამდენჯერნე თავზე შემომავლო და გასწია ანჩისხატისკენ. სანთელი პირიმღვთისას აუნთო, დაუჩოქა წინ და, სანამ ძირამდი არ დადნა-დაიწვა მისი ფთილა, ცრემლით ევედრებოდა ყოვლის შემძლებელს: „შვილი მომიჩინე და ასე დააღწე მისი სატკივარიო“. რომ გაათავა ლოცვა, ამიღო და მეც ხატის უკან დამდვა შესაწირავათ.

— იმ დღიდან თითქმის ერთი საუკუნის განმავლობაში ფეხი აღარ გამოძინებდა. ვიყავი ჩემთვის, მარტო-მარტო და თვალ-ყურს ვადევნებდი იქაურობას. მაშინდელი ეკლესია ოქრო-ვერცხლით თუმცა მდიდარი არ ყოფილა, მაგრამ სიწმინდე-კი დიდი იყო შიგ. მაშინდელ მღვდელს მღვდლობა ეტყობოდა და ერიც ერსა ჰგავდა. განუწყვეტელი წირვა-ლოცვა იყო და საყდარი მლოცველებით ივსებოდა. უკან საქალბო ჰქონდა მოდგმული; ქალები იქ იკრიბებოდნენ და კაცები კი წინ იდგენ უძრავათ... უკან მიხედვა არ შეეძლოთ!.. დღეს-კი, ეშმაკის მახეთ, ნახევრათ ტიტველა ქალები წინ დგანან, კეკლუცათ ტრიალობენ, ირხვეიან და მამაკაცები-კი უკანიდან მისჩგრებიან მათ მოელვარე გულ-მკერდს და ჯოჯოხეთის ცეცხლით უღუღღებათ სისხლი!.. იმ დროის კითხვა-გალობის კილოც სხვა იყო: გრძნობა-გონების წარმტაცი და სასოების მომგვრელი; მრავალ საუკუნოების განმავლობაში მოფიქრებული და შესწავლილი ქართველის გულზედ იყო გამოქრილი და ქართულ სმენას ეთანხმებოდა... ჩადიოდა გულის სიღრმემდი და მოხიბლულ გრძნობა-გონებას იტაცებდა.

ძველათ საყდრის გალავანში აუცილებლათ უნდა რგულიყო ორი ხე: ბზა და ცაცხვი. პირველი საბზობოთ და მეორე-კი საჩრდილებლათ. წირვა რომ გამოვიდოდა, იმ ცაცხვ-ქვეშ იყრიდნენ თავს სოფლელები, რომ ერმანეთისათვის თავ-თავისი გულის პასუხი გაეზიარებიათ. იმ ხის ქვეშ ტყვილი არ გაიბედებოდა! ის იყო წმინდა და, ხალხის აზრით, ზედ დასაჯდომათ ფრინველიც ვერ მიეკარებოდა. ათასში ერთხელ, დღისით როგორმე ჭიკჭიკა მერცხალი, როგორც ღვთის ქათამი, თუ მიბედავდ და

ხან-და-ხანაც ბნელ ღამეში „წმინდანინი“ *) თუ შე-
მოჯდებოდა ხოლმე, თვარა სხვა ვერაინ, ეშმაკი თუ შეც-
დებოდა, მაშინვე თავზე მენი ატყდებოდა და მი-
სი ნაჯდომი შტოც ხმებოდა. მაგიერთა დღე და ღამ
გარს ეხვევოდენ ფუტკრები, როგორც ზეცის მუშები,
რომ ყვავალებისგან სიტკბო ამოეწოწნათ და თაფლ-სან-
თელი გაეკეთებინათ. ეს იცოდა ხალხმა და გალავნის
შიგნიდან, თვალ-მარგალიტიც რომ ყოფილიყო, ვერა-
ვინ რას გაიტანდა. საყდარში ხომ ყოველგვარი სამკაული
ხელ შეუხებელი იყო. ათასში ერთხელ მღვდელი თუ
მოჰკიდებდა ხელს რომელსამე სამკაულს გასაწმენდათ,
მაშინაც მხოლოდ ლოცვითა და ამბორებით. ბოლოს-კი
ამასაც გადაეჩვიენ: ხატის მადლსა და სასწაულს-კი აჯარ
უყურებდენ, უფრო მის მინანქარსა და ოქრო ჭვდი-
ლობას სინჯავდენ. იმათ რომ აღარ ეპუებოდენ, მე-
ვინღა გამიტანდა! ერთმა ურჯულომ მტაცა ხელი და
ორთაქალის ბაღებში ამომაცოფინა თავი. სიწმინდე ნაჩ-
ვევს, არაფრათ მეჭაწნიკა უწმინდური ლხინი: ტკბილი გა-
ლობის ნაცვლათ უკადრისი სიმღერა მესმოდა!.. წმინდა
ამბორების მაგიერ, საზარელი „პროშტი“ იყო გახურებული
და მეტანიის ნაცვლათ კინტოური ბუქნა. მომიკვდა გუ-
ლი, მაგრამ რაღას ვიზამდი!.. იმ დღიდან დამაწყებინეს
აქეთ-იქით თრევა; ათი წელიწადი ვიწანწალე, ხელიდან
ხელში გადავიდოდი, ხან ერთის ჯიბეში ვიყავი და ხან
მეორისაში. ეს კი შეენიშნე მხოლოთ, რომ ქართველის
ჯიბეში დიდხანს არ მაცდევინებდენ. ბოლოს ჩაუვარდი
ხელში ერთ ქარველ სოფდაგარს და იმან-კი დიდ-ხნო-
ბით ბნელ კიღობანში ამომაცოფინა თავი.

*) იმერეთში ამტკიცებენ, რომ „წმინდანინი“ ფრინველია,
რომელიც ღამე ანათებსო.

შევეჩვიე ნელ-ნელა სიბნელეს, თვალი გავიტეხე, მივიხედ-მოვიხედე და ვნახე, რომ ჩემს გარდა სხვებიც ბევრი იყვნენ დამწყვდეული. კილობანი თითქმის პირამდი იყო მოყრილი ოქრო-ვერცხლით და თავზე ყველას ქაღალდის ფულების ერთი დიდი კონა ასკუბდა. იქვე, გვერდით ეყარენ სხვა-და-სხვა გვარის აქციები. ხმაურობა იყო: ფულებს შუღლი მოდიოდათ ერთმანეთში; ყველაზე უფრო ერთი დიდი ოქრო ცხარობდა, რომელსაც გულზე ჯვარი ჰქონდა გამოსახული. „რომელი ერთი უნდა ავიტანოთ—ამბობდა—ტყვეობა თუ შეურაცხყოფა? ეს ქაღალდის ფული რომ თავზე დაგვეჯდომია და მაღლიდან მედიდურათ დაგვეყურებს, ჩემო რაო?! ვითომ რა ჩვენი ტოლია?! ელვარება აქვს ჩვენისთანა, სიმტკიცე, თუ სიმძიმე? ქარი წაიღებს, წყალი დააღზობს და ცეცხლი დაწვავს. ჩვენ კი...“

— უკაცრავათ! უკაცრავათ!—გააწყვეტია ქაღალდის ფულმა—ნურც მაგრე გაიბერები, შე მამაცხონებულო! ჩვენი ღირსებაც იკითხეო. „ოქრომ გაიღიმა და გაოცებით ჰკითხა: „რა ღირსება?“ ქაღალდმა დაიწყა: „ერთხელ, ოდესმე, დედა-მიწამ პირი შეიკრა და ლითონი აღარსად გამოაჩინა. გაძვირდა ოქრო და ვერცხლი, ხალხი ფულს ეძებდა და ფული კი აღარსად იყო. შეიქნა ქვეყანაზე ერთი არეულობა და ამბოხება; შეშინდენ ხელმწიფეები!.. აღარ იცოდენ, რა ექნათ! ცუდათ იყო მათი საქმე, თუ სომხების ხელმწიფეს თავის თავი და სხვებიც არ გადაერჩინა: ერთ დღეს მიღის სომხების მეფესთან მისი ვეზირი—ხელოქა—და, დაღონებულს რომ ხედავს, ეუბნება: ბატონო მეფევე, უბრალო რასმე შეუწუხებინარ!.. რა უყოთ, რომ ფული გაძვირდა? ნუ იყოს ოქრო და ვერცხლი... თქვენ მათ მაგიერათ ქაღალდი გამოაჭრეინეთ

და ზედ დააწერეთ, რომ ფულათ გავიდესო!.. უბრძანე და გავა! „ასი!“ „გნაცო!“ უთხრა სომხურათ, ე. ი. „თქვი და გავაო“. ვეზირის რჩევა მეფეს დაუჯდა ჰკუა-ში. მართლა დააბეჭდინა ქაღალდის ფული, ბძანა; „გავიდეს ოქრო-ვერცხლის სწორათო“ და გავიდა კიდევ. ეს გადიღეს სხვა ხელმწიფეებმაც, გადარჩა ქვეყანა განსადღელ და ქაღალდის ფულსაც „ასიგნაცია“ დაერქვაო. აი, ახლა ხომ ხედავთ, თუ რა სიბრძნის შვილი ვართ ჩვენო? უბრალო „აქცია“ კი ნუ მგონივართო“ ეს არ მოეწონა აქციებს, შეხტენ და შებზილდენ: „ჩვენ უფრო სქელი ქაღალდი არა ვართ თქვენზედო? და რაც შეგებება გასავალს, ზოგჯერ, რომ ვართ, იმაზე მეტათაც ვღირვართო!“ — უპასუხეს. — კარგია ერთი, ხმას ნუ იღებთ, გიცნობთ, რა შვილიცა ხართ!.. სხვებთან იუვართი-ფურთეთ და მე-კი თქვენი მოსატყუებელი კბილი დიდხანია მოვიცვალეო... „აქციას“ მიტომ გეძახიან, რომ ქვეყნის დამქცევი და ამომგდები ხართო. ერთი რომ გაამდიდროთ, ათას აღარიბებთ და მეტი ქვეყნის დაქცევა კიდევ იქნებაო? ეს რომ გაიგონეს აქციებმა, შერცხვათ, ხმა ვეღარ ამოიღეს და გაჩუმდენ, მაგრამ სამაგიეროთ ისევ ჯვარიანი ოქრო აქაქანდა: „თქვენ რა იცით, ხურმა რა ხილიაო! ჯერ ის გაიგეთ: ვინა ვარ, საიდან მოვსულვარ და ან რად? და მერე წამეტოლეთო!“ — თქვა მედიდურათ და მოჰყვა: ასტრახნის არქივატორმა, იოსებ არღუთაშვილმა ერთხელ გახსნა სალოარო ოქრო-ვერცხლით გატენილი და ამოიღო განძი; ორათ გაჰყო: ერთი წილი მიაწოდა აღა-შაჰმად-ხანს გზის ხარჯათ, „ნულარ დაიგვიანებ, წამობრძანდიო!“ და მეორე თბილის ქალაქში გაუგზავნა თანამერჯულეებს: „მოახლოვდა ჟამი, როცა უნდა ასრულდეს ჩვენი ნატვრა და ახლა თქვენ იცითო“. მიღებისა-

თანავე არქივატორ იოსებ არღუთაშვილის ძმისწულმა, მეუღის მინ-ბაშმა, სოლომონ არღუთაშვილმა და ქალაქის მელიქებმა იოსებ და დარჩია ბებუთაშვილებმა შეჰყარეს თანამოგვარეები სათათბიროდ. მათ რიცხვში მოჰყვენ: იოსებ შალბათაშვილი და მისი ძმა ავეტიკა, აბესალომ ბებუთაშვილი, სულხან თუმანიშვილი და მისი ძმა მანუჩარი, ოსეჟა ყორღანაშვილი და არტემ არარანცი, რომელსაც არღუთინას ეძახდნენ. ესენი ყველა, გარდა არღუთინასი, მეფესთან დაახლოვებული აყვენ და ხალხშიაც გავლენა ჰქონდათ. არღუთაშვილმა ბიძი მისის ~~მე-~~წერილი წაუკითხა კრებას და ხონჩებით ოქრო გამოუტანა. ოქროს ელვარებამ დიდსა და პატარას თანასწორათ მოსჭრა თვალი და ყველას ჟრუანტელმა დაუარა ტანში. ამ დროს წამოდგა ზეზე კუზიანი დარჩია და მოჰყვა: „მომილოცავს მომავალი ბედნიერება! ჩვენი „პასეჟი“ მოახლოვებულია! როდესაც ებრაელები გამოვიდნენ ეგვიპტით უდაბნოში, ორმოცი წლის ხეტიალის შემდეგ, იპოვნეს აღთქმული ქვეყანა იორდანის პირათ. ნუ დაივიწყებთ, რომ ჩვენც ჩვენი „აღთქმითი ქვეყანა“ უნდა მტკვრის პირათ მოვიპოვოთ და დამქნარ საქართველოზე ავაყვაოთ ახალი ჰაიასტანი... გამხნევდით! იქ, სადაც მახვილი ვერა სჭრის, პატარა ხერხს გააქვს და გამოაქვს; სადაც ფარხმალი უძღღურია—იქ ოქრო ყოვლის შემძლებელია და აჰა, ესეც ხომ დღეს ჩვენ ხელშიაო?!“ კრებამ ერთხმათ მისცა დასტური და ერთ-პირად მიმართა მეთაურებს: „გვიწინამძღვრეთ, როგორც ისუ-ნავემ, და იყავით მოძღვარ ჩვენდა, ვითარცა მოსე და აარონიო“.

გადასწყვიტეს, მორიგდნ და ფულიც ორ წილათ გაჰყვეს: ნახევარი ერთმანეთში გაინაწილეს და მეორე ნახევარი გადადევს ქართველ თავადებში დასარიგებლათ.

ეს გაიძვერული საქმე ოსეფა ყორღანაშვილმა იტვირთა. იმ დროს საქართველოში დიდი არეულ-დარეულობა იყო. სხვა-და-სხვა დედის შვილი, უფლისწულები ერთმანეთში კინკლაობდნენ. თითოეულ მათგანს თავ-თავისი მომხრეები ჰყავდა და საზოგადო საქმე მათ აწეწილ-დაწეწილი იყო. ეს კარგათ იცოდდა ოსეფამ, ისარგებლა მითი და საიდუმლოთ მიმართა გიორგის მომხრეების მეთაურებს: რევაზ ანდრონიკაშვილს, ხათ-გოგია (კიციშვილს, ალექსანდრე მაყაშვილს და სხვათა და აგრეთვე ქსნის ერისთავებს, როგორც ირაკლის პირად მტრებს: „ბატონებო, ვინ არ იცის, რომ ყველა ჩვენგანი საქართველოს გულისათვის თავ-დადებულთა და მისი კეთილ-დღეობის მოსურნე?!... მისი ღვიძლი შვილები ვართ!.. ჩვენგან მოვლასა და ბატონობას მოითხოვს და... მაგრამ „ვინ თქმასა და ვინ უთქმელობასაო — ნათქვამია... ღმერთმა დღეგრძელ ჰყოლოს ბატონი ირაკლი, მაგრამ ის მისთანა ვეღარ არის, ადრე რომ ირაკლი ბძანდებოდა, სიბერემ თავისი გაიტანა. იმ აზრით, რომ ნადირ-შაჰის მომხრეები ასაამოვნოს, სპარსეთის ყვენს მუქარას უთვლის და ისიც, აგერ სადაც არი, კარზე მოგვადგება. დრო არის — და საქართველოს კეთილ-დღეობაც მოითხოვს, — რომ ბატონიშვილმა გიორგიმ ჩაიბაროს სამეფო. მისი ღვთის-მოყვარეობა და სათნო ხასიათი თავდებია, რომ ქვეყანაც დამშვიდდეს და ჩვენც მოვისვენოთ. ბატონ ირაკლის გადაწყვეტილი აქვს გუნებაში, რომ ახლოს მოიტყუოს სპარსელები, მერე ირგვლივ შემოერთყას და ერთიანათ სოკოსავით აკრიფოს. სპარსეთიდანაც ნადირ-შაჰის ნაერთგულარნი ირაკლისავე ჰპირდებიან სპარსეთში გამეფებას. ეს რომ ასრულდეს, მაშინ ჩვენი მტრები გაზვიადდებიან და ყველანი უნდა გა-

მოვეთხოვოთ ცოლ-შვილსა და სახლ-კარს! ნამდვილ მემკვიდრეს, ბატონიშვილ გიორგის, სხვა ძმები წაართმევენ ტახტს და მაშინ, თქვენც იცით, რომ კარგი ბოლო აღარ ექნება საქართველოს. დეე, ირაკლი შეებრძოლოს სპარსელებს... მცირე ჯარით შეაწყდეს! ჩვენ ჩამოვშორდეთ... მზათ-კი ვიყოთ და მერე დაღალულზე მუსრი გავავლოთ მტრებს. ჩვენ თავს სახელი მოვუპოვოთ და გიორგი ბატონიშვილს ტახტი და დიდება!“ ამ სიტყვებთან ერთად გამოიტანა აუარებელი ოქრო და გადასცა მათ: ჯარის მოსაგროვებლათ დაგვირდებათო. ზემოხსენებულ დიდკაცებს ანგარებამ თვალი აუბა. გაიმეტეს ირაკლი, გადაჰყვენ ოსეთას ცბიერებას და თავსაც მითი მართლულობდენ თავის გუნებაში, რომ გიორგის დავსვამთ მეფეთ და მაშინ უფრო ბედნიერი იქნება საქართველოო. დატრიბალდენ შეთქმულები, შეიძრა ქვეყანა და ღალატმა ნელნელა საიდუმლოთ გაიდგა ფეხი. ირაკლისა და მის ერთგულებს ეგონათ, რომ მტრის საწინააღმდეგოთ ემზადება ყველაო და გულდამშვიდებით ელოდენ ხოჯა-ხანის მოახლოვებას. კრწანისის ველმა გამოაფხიზლა ყველა, მაგრამ გვიან-ღა იყო... ომის დროს ირაკლის ჩამოშორდენ საიმედო სარდლები. პირველი მაგალითი მისცა სხვებს რევაზ ანდრონიკაშვილმა და შერჩა ხელში ირაკლის სამოცი ათასიდან მხოლოდ ორი ათასი ერთგული ქართლელ-კახელი, რომელთ რიცხვში თათრებიც ერიენ და სამი ათასიც იმერლობა. შეკრთა, მაგრამ გული-კი მაინც არ გატეხია გმირთა-გმირს და საბოლოოთ ძლევას კიდევ მაინც დაირჩენდა, თუ მელიქებს ქალაქის კარები არ გავლოთ მტრისათვის. მაშინ-კი მოტყუებულმა გიორგის მომხრეებმაც დაინახეს მათი შეცდომა, მაგრამ ნეკზე კბენა რაღას უშველიდა?!... თუ მე და ჩემისთანები სხვებიც

ასტრახნიდან არ ჩამოესულიყავით და ხალხში არ დაგვეწყო ტრიალი, საქმე სულ სხვა გვართ იქნებოდა... „გაჩუმდი! გაჩუმდი! ხმა ჩაიწყვიტე!.. შიდახეს აქეთ-იქიდან სხვებმა, მაგრამ ყველაზე უფრო ხუთ მანეთიანი ოქრო გაცხარდა: ნუ მარცხვენ, შე შეჩვენებულო, ერთი მიწის შეილი ვართ! ქვესკნელში ჩასაძვრენი ყოფილხარ და არა აქ გამოსაჩენი. ქვეყნის დასაქცევათ და ამოსაგდებათ მოსულხარ... ამდენი სისაძაგლე ჩაგიდენია... ბოროტების მასალა ყოფილხარ და კიდევ ტრაბახობ? სადაც შენ მოუჭრიხართ, მეც იქა ვარ მოჭრილი; საიდანაც მოსულხარ — მეც იქიდანა ვარ მოსული, მაგრამ შენსავეთ საუკულმართოდ-კი არა. მოლალატეებსა და ქვეყნის ორგულებს არ ჩავეარდნივარ ხელში! მე ვარანცოვის ჯიბეში ვარ ნადები და მის ხელში გამოვლილიო!“ სადაც დავით აღმაშენებელი, თამარი და გიორგი ბრწყინვალე იხსენიება, იქ არც ვარანცოვია დასავეწყარი. ბევრი კარგი უყო საქართველოს და, რომ დასკლოდა, ვინ იცის, რას არ მიანიჭებდა? ის ცდილობდა, რომ გაეღვიძებია და თვალი გაეხილვინებია ქართველებისათვის... მრავალ საუკუნოების განმავლობაში მოუსვენარობამ და გმირულმა გარჯამ დაღალა საქართველო. ამ ბოლო დროს ძილს მისცა თავი, რომ დაღალულობა მოეხადა. ეს ხომ მსოფლიო კანონია! სწორეთ ამ ძილის დროს მოასწრო ვარანცოვმა... მძინარს მტერი, როგორც უნდა, ისე ჩაიგდებს ხელში... რა მხრითაც უნდა, იმ მხრით მიეპარება... გამოავიძებს მხოლოთ მოყვარე და ვარანცოვმაც სწორედ მოყვრულათ მოინდომა, რომ ნელ-ნელა გამოეღვიძებია დროებით მიძინებული ერი და დაენახვინებია მისთვის მისი წარსული, აწყო და მომავალი! მოაგონა მისი ისტორია, გაუხსნა შკოლები, გაუკეთა სტამბა, გაუმართა

თეატრი, დააყენა სწორ გზაზე და შეუწყო ხელი. უნდოდა, რომ ეს საუკუნოების განმავლობაში წამებული ქრისტიანობა, პოლიტიკურათ შეეკავშირებია თანამედროვე რუსეთთან, რომ მათი ჭირი და ღიბინი სამარადისოთ ერთი ყოფილიყო. ამ აზრის განხორციელებას სიმართლეს, სიტკბობებს, სიყვარულს და თანასწორობას უდებდა სარჩულათ. უნდოდა, რომ დღევანდელი ქართველები დრო და ჟამის შესაფერათ ისე ამალღებულიყვენ ზნეობით, როგორც მისი წინაპრები ყოფილან ძველათ და მაშინ შეკავშირებოდენ რუსებს. ვისაც თავისი თავი სძულს, ის სხვასაც ვერ შეიყვარებს! ვისაც თავისი საკუთარი ოჯახი არა რწამს, ის სხვის ოჯახს როგორ-ღა იწამებს და როგორ შეეთვისება? ეს ესმოდა ვარანცოვს და ამიტომაც ურჩევდა ქართველებს: „გიყვარდეთ თქვენი ქართველობა, ნუ დაივიწყებთ თქვენს სასიქადულო წარსულს, ნუ დაკარგავთ საკუთარ ფერ-ხორცს, ამალღდით სულით და გულით და მაშინ მხოლოთ, საკუთარ ეროვნებაში გამოპრძმედილს, შეგიძლიათ უტყუარი, უპირფერო ძმობა-მოყვრობა და გაუწყვეტელი კავშირით სამუდამოთ რუსეთთან გადაბმაო. ნუ დაგავიწყდებათ, რომ დღეიდან თქვენი მომავალიც ერთი უნდა იყოს და ისტორიაც საზიაროო“. დაიჯერა ხალხმა, ჩაუდგა კალთაში თავი და ვარანცოვიც შეუდგა საქმეს. მალღა ასვლის მოსურნე, უნდა აღიოდეს საფეხურიდან საფეხურზე სიფრთხილითა და ფეხ მომარჯვებით. რადგანაც იმ დროს მთის ხალხი მოსვენებას არ აძლევდა რუს-ქართველობას და ხელს უშლიდა ცხოვრებაში, ამიტომ საჭირო იყო მათი მოგერება და ვარანცოვმა მიმართა ქართველებს: „დღეს ჯერ-ჯერობით ეს წვრილმანი მტრები უნდა ავლღამოთ, რომ ხელს აღარაფერში გვიშლიდეს და დროს

არ გვაკარგვინებდენ უბრალო რამეებზე და მერე-კი უფრო გულ-დასმითა და დამშვიდებით დავადგეთ სწავლა-განათლების სწორ გზას, რომ მომავალი მოვიახლოვოთო!.. აბა, ჰე, შევესიოთ დაღესტნის კალთებსო!“ თქმა იყო და გაგონება! იგრიალეს ქართველებმა, აღარ დაიზოგეს თავი, მიადგენ დაღესტნის მთებს და არა თუ რომელიმე გვარი საქართველოში, თითქმის ოჯახიც არ დარჩენილა, რომ მსხვერპლი არ შეეწიროს. განა მარტო აქ?.. ნუ დაგავიწყდებთა ყირიმის ომი და ჩოლოქის ბრძოლა, სადაც გამოჩენილი გვარის-შვილებმა თავი დაღვეს.

ვარანცოვი აქვებდა მათ, აფასებდა მათ ვაშკაცობას, მაგრამ იმავე დროს არც სხვა საქირო გზებს ივიწყებდა შორს გამქვრეტი ადმინისტრატორი: შეჰყავდა ახალგაზდა ქართველები შკოლებში და უკეთესებს გზავნიდა უმაღლეს სასწავლებლებში. მაშინდელმა პედაგოგებმა შენიშნეს, რომ შკოლებში ისინი უკეთ სწავლობდენ და უკეთ ითვისებდენ რუსულსაც, ვინც დედა-ენა იცოდა და ქართულ წერა-კითხვაში ჰქონდათ გატეხილი თვალი; და ვისაც პირდაპირ უცხო ენაზე დააწყებინებდენ სწავლას, ისინი ჩამორჩენილი იყვენ და გონებაც უჩლოუგდებოდათ. ეს რომ გაიგო ვარანცოვმა, ბძანა, რომ ქართველი ყმაწვილებისათვის ჯერ, პირველ ხანებში, დედა-ენა ესწავლებიათ და მერე გადაეყვანათ უცხოზე. დღეს რომ მესამოცე წლებს ჩვენში ქებით იხსენიებენ, დამერწმუნეთ, რომ ის ვარანცოვის ნათესია! მისი შორს გამჰკრეტველობა საარაკო და სამაგალითო იყო.

— პრიკაზი! პრიკაზი! პრიკაზიო? — მიაძახეს აქეთ-იქიდან.

— ეგ ცარიელი სიტყვა და უბრალო ცილის-წამებააო — განაგრძო ხუთ-მანეთიანმა ოქრომ. პრიკაზი ვარანცოვზე აღ-

რე იყო, როზენის დროსვე გადაწყვეტილი, ვარანცოვი ყუ-
რადღებასაც არ აქცევდა. თვითონ ქართველებმა მიჰზანდეს
მუხრან-პატონი: ნუ გვაპრკოლებთ, პრიკაზი გაგვიხსენითო!
ვარანცოვმა შორს დაიქირა; ბევრიც ურჩია: ნუ გინდათო!
საუკუნოების განმავლობაში ხელში ფარ-ხმალის მეტი არა
გქერიათ-რა, ბრძოლის ველზე ათენ-ალამებდით, ფული
ხელში არა გქერიათ და თუ გქერიათ, ისე, როგორც
ნიეთი რამა... ჯერ მის მოხმარებას ნაჩვევი არა ხართ,
ყველაფერს მიჩვევა და შესწავლა უნდაო. მამა-პაპის სამ-
კვიდრო მამულს, წამებულთა სისხლით მორწყულს და
ძვლებით გაპოხიერებულს დაჰკარგავთ, დროზე რომ ვე-
ლარ შეიტანთ გარდასახადს და აღებულ ფულებს უპრა-
ლოთ გაჰფანტავთო. ამ გვარი რამე ბევრი უთხრა, მაგ-
რამ გამგონე სად იყო? თანაც მათ წყენას ერიდებოდა
და აღარ იცოდა, რა უნდა ექნა! ერთ დღეს მიიხმო
დიმიტრი ყიფიანი, ჯერ კიდევ ახალ-გაზდა კაცი, მაგრამ
შეგნებულათ ცნობილი, და უთხრა: უნდა პრიკაზი გავუ-
ხსნა ქართველებს, აღარ მეშვებიანო! მაგრამ ვეცდები
სხვა გზა მივცე. ზოგჯერ მკურნალები საწამლავს სამკურ-
ნალოთ ხმარობენ და მეც ისე მათ საკეთილდღეოთ გამოვი-
ყენებ პრიკაზსო. თქვა და კიდევ ასრულა. დაეხვიენ ბუზე-
ბივით ადგილ-მამულის პატრონები, დააგირავეს, გამოი-
ტანეს ფულები, გაფანტეს, მაგრამ დაკარგვით მაინც არა
დაჰკარგვიათ რა! მართებლობა მიზეზს ეძებდა, ის ვალი აე-
შორებია ქართველებისათვის და ვინც-კი მათგანი გააკე-
თებდა რასმე თვალ-საჩინოს რომელსამე ასპარეზზე, ჯილ-
დოთ პრიკაზის ვალს აპატივებდენ ხოლმე. ასე გასინჯეთ,
რომ ერთ მწერალს, აქა და ქართული ჟურნალის გამო-
მცემელიაო, ორჯელ შეაწიეს პრიკაზის ვალი. მასუკანაც
ავერ ნახევარ საუკუნეზე მეტია და ვისი რა გაყიდულა?

პირ აქეთ, პრიკაზი რომ არ ყოფილიყო და „აპეკუნობა“ არ ვაეწია, დღეს აღარც ერთი ქართლელი მემამულე აღარ იქნებოდა და მათი სამკვიდრო უცხოების ხელში გადავიდოდალ...

— ეგ დღემდი?.. დღეის იქით?— დაეკითხნენ.

— დალოცვილო, ერთხელაც არის, ჭკუა უნდა ისწავლო. დაუსრულებელი არა არის-რა. პრიკაზზე რომ მაგრე ცხარობთ, რატომ დღევანდელ ბანკებზე-კი არას ამბობთ, რომ ერთ საათსაც არ აცლიან და ჩაქუჩებს უოტყემენ? თუ-კი ის შეიგენათ, რომ პრიკაზი შეცდომა იყო მაშინ, დღეს იგივე შეცდომა რაღათ გაიმეორეთ და ხაფანგი დაუგეთ თქვენს თავს? არა, ყველაზე ითქმის საყვედური და ვარანცოვზე-კი არა! მისი შორს გამჭვრეტელობა აქამდი უწევს და დღესაც კიდევ სჭრის.

უხსოვარი დროიდან ქართველები შამოსეულ მტრების მოგერებას უნდებოდნენ, საშინავოთ აღარ ეცალათ. ოჯახი ქალების ხელში იყო და ვაჭრობა ურიებმა და სომხებმა დაისაკუთრეს, რადგანაც კომში არაფერი გამოსადევი იყვენ. ჩაესახლენ ჯგუფ-ჯგუფათ ქალაქებში გულდამშვიდებით და, ფარ-ხმალის მაგიერათ, სასწორ-საზომს ატრიალებდნენ. იმოდენა ამქრობაში თითო-ოროლა ქართველი თუ გამოეჩეოდა და ისიც ნაცარ-ქექია. ერთხელ ვარანცოვს მოახსენეს, რომ ქალაქელ ვაჭრებში ამ ბოლო დროს ორიოდე ქართველიც გამოერიოა: სომხებთან ყოფილან ნოქრებათ, აღებ-მიცემობის ხელი შეუსწავლიათ და ვაჭრობენ თავისთვის ალალ-მართლადო. ვარანცოვმა მოიხმო ისინი, გამოაპკითხა მათი თავ-გადასავალი, მოუწონა, რომ ვაჭრობისთვის ხელი მიგიყვითათო და თანაც აპ გვარი დარიგება მისცა: სანამდი ვაშკაცობის დრო იყო, ქართველებისთანა სახელი ძვირათ ვისმე უნახავს!.. მაგ-

რამ ძველი დრო მისი მოთხოვნებით ნელ-ნელა სუსტდება და მომავალში, ადრე თუ გვიან, ფარ-ხმალის ადგილი სასწორ-საზომმა უნდა დაიჭიროს, რომ მეურნეობას მხარი დაუჭიროს. აქამდე თუ სხვა-და-სხვა ერი ერთმანეთს ცეცხლითა და მახვილით ესევადენ, ამიერიდან საკმაო იქნება აღებ-მიცემობით მოყვარულათ ერთმანეთთან მისვლა-მოსვლა. ეს ახალი გზა ჯერ უცხოა ქართველებისათვის და სისწრაფით ვერ გაიკვლევენ, რადგანაც ყოველი-ფერას დრო უნდა შესასწავლათ და მისაჩვენათ. იმედია, რომ ერთს დროს, როგორც ბუნებით ნიჭიერი და საზოგადოთ შეგნებული ხალხი, ქართველებიც ფეხს მოიმარებენ ამ თანა-მედროვე გზაზე და აღარავის ჩამოურჩებიან; მაგრამ ჯერ-კი არ ემარჯვებათ და ერიდებიან ამ საქმეს, რადგანაც ვაჭრობა მოსატყუებელი და სინიდისის საწინააღმდეგო რამ ჰგონიათ. თქვენ გადაგიდგამთ პირველი ბიჯი ამ ახალ გზისაკენ და ეცადეთ, რომ მათი შემცდარი აზრი ვაჭრობაზე შეაცვლევინათ და თვალ-და-თვალ დაანახვოთ, თუ რა წმინდა საერო და ქვეყნისთვის სასარგებლო საქმეა აღებ-მიცემობა!.. დღემდე რაც უნახავთ, ის კომერცია-კი არა, წვრილმანი ჩარჩობაა, მცარცველობა და ქურდობა! ერთ გროშათ ნაყიდს რომ მანეთად გაჰყიდი, დამბალ საქონელს რომ შეატყუებ, გასესხებულს ერთი ასათ დაიბრუნებ, მით ქვეყანას ტყავს გააძრობ, გამოხრავ და სისხლს გამოსწოვ, — რა უნდა დაგერქვას, თუ არ ქვეყნის მტერი და ორგული? მე რომ ვაჭრობაზე გითითებთ, ის სულ სხვა არის!.. გზა უნდა გაუკვალოთ სხვა ქვეყნებისაკენ თქვენი ქვეყნის ნაწარმოებს, ბაზარი გაუკეთოთ და იქიდან სამაგიეროთ ის შემოიტანოთ, რაც აქ თქვენს მხარეს აკლია, გაცვალ-გამოცვალოთ, გამართოთ სხვა-და-სხვა გვარი ქარხნები, შემოიხვიოთ გარს

მუშები, თქვენც ისარგებლოთ და სხვასაც ასარგებლოთ. მაშინ, რალა თქმა უნდა, ქვეყანაც სხვა თვალით დაგიწყებთ ყურებას და ვაჭრებისადმი სიძულვილს სიყვარულათ შეცვლის. ამ გვარ ვაჭრობას, პატიოსნებას გარდა, სწავლა-განათლებაც უნდა დაედვას სარჩულათ, უმისობა არ შეიძლება! და თქვენც ეცადეთ, რომ ღროს შესაფერათ შეილოები გამოზარდოთ. მანამდი-კი ივაჭრეთ სინილისიერათ და მეც ყოველ შემთხვევაში ვეცდები, რომ ხელი შეგიწყოთ. აი, ახლაც სახელმწიფო იჯარაა გასაცემი და, თუ გინდათ, მე ვუბძანებ, რომ უპუბლიკაციოთ თქვენ გადმოგცნო.“ ვაჭრები მოწიწებით უგდებენ ყურს და მადლობას სწირავდენ. წასვლის ღროს ვარანცოვმა თითო ოქრო ჩაუდვა ხელში ვაჭრებს და სიცილით უთხრა: „ბედნიერი ხელი მაქვს და მინდა, რომ ბედი დაგიკვებოთო“. გაოცებული გამოვიდენ სასახლიდან ვაჭრები. ბიჭოს!— ეუბნებოდენ ერთმანეთს— დღემდი ასე გაგვიგონია, რომ დიდკაცს უნდა ვრიდებოდე, უნდა გეშინოდეს მისი, ძროდე მის წინ, თვალს ვერ უმართავდე და, თუ არ გაგიჭირდეს, თოფის სასროლზედაც არ უნდა ეკარებოდეთო! ეს-კი სულ სხვა ყოფილა: მამაშვილოურათ მოგვექცა, მოძღვრულათ დაგვარიგა, ხელმწიფურათ დაგვასაჩუქრა და ისე გამოგვისტუმრაო. უკვირდათ და იმ დღიდან ვარანცოვის სათნო და ბრწყინვალე სახე თვალეში ჰქონდათ ჩარჩენილი და გულშიაც მის სიტყვებს სიყვარულით იმარხავდენ. მიჰყვეს ხელი ვაჭრობას და ნელ-ნელა კეთილ-სინილისიერათ შეიძინეს საკმაო. არც არა სხვისთვის და უკლიათ-რა და არც თავისთვის... შეიღებსაც შესაფერი გზა მისცეს. ვარანცოვის ნაჩუქარ ოქროთაგანი ერთი მე ვიყავი და ჩემი პატრონი არ მეღეოდა, ნატვრის თვალისით მინახავდა სახსოვრათ. დიდი ხანი არ არის, რაც

ვაჭრობას თავი დაანება სიბერის თუ სნეულების გამო და მეც აქ თქვენთან ამომაცოფია თავიო.“ ამ ხუთ მანათიან ოქროს მოთხრობას ჩვენ ყველა სულ განაბული ვუგდებდით ყურს... უცბათ რაღაც ხმაურობა შემოგვესმა, ახვალდა თავი კილოზანს, ჩამოვიდა სინათლე და შევხედეთ, რომ ვიღაც ახალგაზდა ევროპიელი კაცი დაგვადგა თავზე. თურმე ჩვენი პატრონი მომკვდარიყო და საზღვარგარეთიდან დაბრუნებულ მის განათლებულ შვილს მიეღო მემკვიდრეობა. რომ დაგვხედა, თქვა: „ღმერთმა საუკუნო გან'ვენება მისცეს მამაჩემს! მის დროსთვის კარგი რამ იყო, მაგრამ ამ ახალ დროს ველარ შეფეფრებოდაო: შეძენა უფრო იცოდა მოხმარებაზედაო!.. ეს ამდენი ქონება რომ აქ ასე უხმარათ ჩაულაგებია, რა სარგებელიაო?!“ ამოგვიღო ყველა, გადაგვარჩია ქალღმერთი ცალ-ცალკე, ოქრო ცალკე, ვერცხლი ცალკე და იქით-აქეთ გაგზავნა-გამოგზავნა ბანკებში. ხუთმანათიანი ოქრო აიღო ხელში, დახედა და თქვა: ეს ის უნდა იყოს მამაჩემს რომ დაცდილი ჰქონდა ვაჭრობაში და არ იშორებდაო. ღღეს ამას მეც შესაფერი გზა უნდა ვუჩვენო და ყველას ის აჯობებს, რომ ამით ერთი წლის ყურნალი გამოვიწეროო. თქვა და მაშინვე გაგზავნა ის ჩვენი ენა-მკვერი ოქრო „კრებულის“ რედაქციაში — გოლოვინის პროსპექტზე, მუხრან-ბატონის სახლში. ბოლოს მეც მომიკიდა ხელი, გამსინჯა, გადააქნია თავი და ჩაილაპარაკა: „საწყალი ეს ქართული ფული, წმინდა ვერცხლია და მაინც არა აქვს გასავალი, მაგრამ მოვიხმარო“. გამონახა ჩემი ტოლი კიდევე მეორეც, პერანგის სახელოებისათვის ღილათ გადაგვაკეთა და იმ დღიდან, ღამ-ღამობით თუ მოგვასვენებს, თვარა დღისით აღარ გვიშორებს, საღაც წავა, ჩვენც თან ვიახლებით. როგორც

განათლებულ კაცს, დიდი ოჯახების კარი ყველგან გაღებული დაუხვდება ხოლმე. ეუბნებიან: დათიკო, მობძანდი! დათიკო, დაბძანდი! რასა იქ? როგორა ხარო? ამდენ ხანს რათ დაგვიფიწყეო? და სხვანი... თურმე ასე სცოდნია სიმდიდრესა და განათლებას, როცა ერთმანეთზე არიან ხოლმე გადაკავშირებული!.. მე-კი, მის გაუშორებელ მხლებელს, ვერაფინა მხედავს და ყურადღებასაც არ მაქცევს! მაგრამ მეც ის მინდა... ბევრი რამ დაფარული შევიტყვე ჩვენი დიდ-ოჯახების! მთელი თფილისის საიდუმლოები დღეს ჩემ ხელთ არის და, თუ ისურვებთ, გამოვაქვეყნებ ხოლმე ხან-და-ხან და ნუ შემრისხავთ თქვენს უმორჩილეს მოსამსახურეს ქართულ-თეთრს.

წგრილ-წგრილი ამბები და ნაკვესები

იმერეთის მეფემ, დიდმა სოლომონმა, ქაჯიას ნაქვირვალის ცოლათ შერთვა მოიწადინა. დიდ-კაცობამ იუკადრისა: „ჩვენ აზნაურის ნაცოლარს ვერ გავიდედლოლებთო“. უარზე იდგა იოსებ გენათელიც—მეფე სოლომონის ძმა. კარის-კაცებმა უძაგეს მეფეს ქვრივი: ზოგმა მოახსენა, მახინჯიაო, ზოგმა—კოკლიაო, ზოგმა—ბრუციანიო, ზოგმა ყრუ და ზოგმა—ბებერია უკბილოო! მეფემ იფიქრა: რა ვქნა, მართალია კარგი ოჯახის შვილია ის ქალი, მაგრამ რომ ასე ყოველად საჯაყი ყოფილიყოს, ის ყმაწვილი ქაჯია თავ-მომწონე კაცი იყო და არ შეირთავდაო!.. დაიბარა გიორგი იბაშიძე და გაენდო: წადი, ნახე როგორმე ის ქალი და, თუ გიყვარდე, კარგათ დამითვალიერეო! აბაშიძემ აასრულა მეფის ბრძანება. ქალი ჩინებული გამოდგა, მაგრამ ქვეყნის ყბაში თავის ჩაგდება ველარ გაბედა და მოატყუა მეფე: სხვების ნათქვამი იმანაც დაამოწმა. ერთხელ მეფე სანადიროთ ბრძანდებოდა. ააფრინეს ხოხობი, მიუტოვეს ქორი, მაგრამ ფრინველი თვალსა და ხელ შუა სადლაც მიიმალა. ეწყინა მეფეს და გამობრუნებას აპირებდა ქუთაისისაკენ, მაგრამ იმ დროს წადგა მის წინ ვილაც ახალ-გაზდა და მოახსენა: „თქვენ რომ ხოხობი გაგიფრინდათ, აგერ გახლავთ ჩემს ეზოშიო“. მეფემ მისი ბაზიერებით შეაჰენა ცხენი, დაუწყო ძებნა, მაგრამ ხოხობი ვერსად ნახა!.. მერე მიიხედა სახლისკენ და სარკმელთან მოჰკრა თვალი ერთ შვენიერ ქალს. „სად არის, ბავშვო, ის ხოხობიო?—ჰკითხა

ახლგაზდას — მომატყუეო? — არა, ჩემო ხელმწიფეო — მიუგო ყმაწვილმა — ქაჯაიას გვარს მის ღღეში მეფისთვის ტყუილი არ გაუბედნიაო!.. ის ხოხობი, თქვენ რომ გაგიფრინდათ, აქ გახლავთ, მაგრამ დარბაისლების ეშინია და იმალებაო... მეფემ გაილიმა, ცხენი გამოატრიალა და გაუდგა გზას. დიდხანს აღარ გაუვლია, რომ ჯვარიც დაიწერა ქვრივზე. ერთ ღღეს მოლხენით იყო მეფე; გარს დარბაისლები ეხვიენ და გიორგი აბაშიძეც მათ რიცხვში იყო. მეფემ ჰკითხა დარბაისლებს: „როგორ მოგწონთ დედოფალიო?“ კარისკაცებმა, რაცკი შეიძლებაოდა, შეამკვეს დედოფალი და ცამდი აიყვანეს. მეფემ შეიკრა წარბები და თქვა: „მაშ, აღრე რალათ მიძაგებდითო?“

— განაგონებით მოგახსენებდით და ერთგულებასათვის ნუ შეგვკრისხავთო!.. მიუგეს ხმის კანკალით დარბაისლებმა.

— გიორგი აბაშიძე! შენ მაინც რალას იტყვი? შენ ხომ შენი თვალითაც შეამოწმე და ისე მომახსენე, არ იცოდი, რომ ტყუილს არავის შევარჩენდი? ბძანა უფრო მრისხანეთ მეფემ.

— მე ტყუილი არ მომიხსენებია, ჩემო ხელმწიფე! მიუგო თამამად აბაშიძემ.

— მაშ, ახლაც ისე გეჩვენება?

— ახლა მზეთუნახავი ბძანდება!..

— განა ეს შესაძლებელია?

— რატომ არა, შენი ჰკირიმე? მამა თქვენი აღექსანღრე რომ მიიცივალა და სამეფო ხელში ჩაგივარდათ, მაშინ იმერეთი კოჭლიც გახლდათ, ყრუც, ბრმაც და კბილებჩაცვენილიც, მაგრამ ღღესკი ყველაფერი კარგათ ესმის, შორს ხედავს, ფეხებზე მაგრათ დგას და კბილებიც ამოუვიდა, რომ მტრებს უკბინოსო... და, თუ მთელი

სამეფო ასე გამობრუნდა და გაკეთდა, რაღა გასაკვირველია ერთი უბრალო აზნაურის ნაქვრივალის თქვენს ხელში გადასხვაფერებაო?! მეფეს გაეცინა და სოფელი ჯოჯოეთი უწყალობა.

მეფე სოლომონ მეორე ირაკლის შვილიშვილი იყო. არჩილ ბატონიშვილი რომ მიიცვალა, ობლათ დარჩა პატარა სოლომონ და დედა მისიც მეორეთ გათხოვდა, ანდრონიკაშვილს გაჰყვა ცოლათ. იმ დღიდან ქართლში იზდებოდა და, რასაკვირველია, ზნე, ჩვეულება, მიხვრა-მოხვრა და ქცევა სულ ამერული ჰქონდა. თავზედაც ყოველთვის ბოხონი ეხურა, მაშინ, როდესაც იმ დროში, არც ერთი იმერელი უფაფანიკოთ არ გაივლიდა. იმერეთის ტახტზე დიდი სოლომონის შემდეგ დავით მეფე იჯდა. თვითონ მეფე დასაწუნი არ იყო, მაგრამ ცოლი ჰყავდა ცოტა ნაძრახი და მიტომაც იმერლებმა მოახსენეს ქუთათელის პირით: „ჩვენი ცოლები დედოფლის შემყურე უნდა იყონ და მისი მიმბაძავიო და მაგის ქცევა-კი მოსაწონი არ არისო!.. გთხოვთ, რომ ან დედოფალი გაუშვათ და ან ტახტზე ხელი აიღოთო.“

მეფემ იუცხოვა ქვეშევრდომების ამ გვარი კანდიერება და გარისხდა. მოხდა ამბოხება და მეფე ტახტიდან გადააგდეს. მაშინ იახლენ დარბაისლები იმერეთიდან ქართლ-კახეთის მეფეს ირაკლის და თხოვეს: იმერეთი შეიერთეთ, პატარა სამთავროებსაც ხელი ჩაჰკიდეთ და საქართველო ისევ ძველ კალაპოტში ჩააყენეთო. მეფე ირაკლიმ, დარეჯან დედოფლის რჩევით, შორს დაიჭირა ეს საქმე და მოინდომა მისი შვილი-შვილის, სოლომონის, გამეფება იმერეთში. იმერლებმა რომ თანხმობა არ გა-

მოაცხადეს, ჯარი გაგზავნა ოცი ზარბაზნით საომრათ და ძალის დასატანებლათ. დაუშინეს კიდევაც იმერლებს, მაგრამ იმათ ხელი არ გამოუღლიათ: ჩვენ ძმობასა და ერთობას ვითხოვდით და არა სისხლის ღერასაო. ძალით გამეფებული სოლომონი ჩაუვარდა ხელში წერეთლებს და ბურთივით გაჰქონდ-გამოჰქონდათ. ხალხი დაემორჩილა თავის ბედს და თავის მხრით პატივსა და ერთგულებას არ აკლებდენ პატარა მეფეს, მაგრამ იმას-კი მაინც უფრო ამერლებისაკენ უწევდა გული, ყოველიფერი მათი მოსწონდა და სხვათა შორის ერთხელ, დაიჯინა, რომ იმერლებს სიტყვა-პასუხი არ უვარგათო და დარბაისლობას ვერ ახერხებენ ქართლელ-კახელებივითო.

— „ნუ გამიწყრებით და მაგაზე, მე თუმცა თვითონ იქაური ვარ, ვერ დაგეთანხმებითო! — მიუგო სოლომონ ლიონიძემ, მსაჯულმა. მეფე მაინც თავისას არ იშლიდა. „გამოვცადოთ, ბატონო, მაგაზე ადვილი რაღა არის? ერთი და იგივე რამ ჰკითხეთ იმერელსაც და ქართლელსაც და მათი პასუხიდან გაიგებთ სწორსა. მეფემ კბილის ტკივილი მოიგონა და ყბა აიხვია. შემოვიდა სვიმონ წერეთელი და, მოწყენით რომ ნახა ყბა ახვეული მეფე, შეჰკადრა: რა დაგმართნიათ, ბატონოო? კბილები ამტკივდაო! — უპასუხა მეფემ. წერეთელი შეწუხდა და მოახსენა სანუგეშებლათ: არა გიშავთ რა, შენიჭირიმე, ქარს გაუკრავს და გადაგივლისო.

— კი, მაგრამ არ გიკვირსო? კიდევ ჰკითხა მეფემ.

— რა გასაკვირალაია, შენიჭირიმე? ეგ სულ თქვენნი მოუსვენარობის ბრალია: აქეთ ხვანთქარსა ჰკბენთ და იქით ყვენსა და ან აქამდე როგორ შეგრაჩა ეგ კბილებიო! იმ დროს იმერეთში მეფის კარზე სტუმრათ იმყოფებოდა ქართლელი თავადისშვილი, ამილახორი, და

ის შემოაყვანია მეფემ.— შესჩივლა კბილები მტკივავო. სტუმარს მართლა ეწყინა და თავის ქნევით მოახსენა: „მართლაო?.. აიბე! რა უსიამოვნო საქმე მოგსვლიათო!.. თავს ლაუი კი დავასხი მაგისთანა კბილებს... ი ოხერი სატკივარი, მაინცა და მაინც, თქვენთან რომ არ მოსულიყო, სხვას ვერავის გამონახავდაო?

— აკი მოგახსენეთ?! და ახლა რაღას ბრძანებთო? ღიმილით ჰკითხა სოლომონ ლიონიძემ.

მეფე სოლომონს ეწყინა და ბრძანა:

დარბაისლოურ სიკრუეს, ისევ ტეტითური სიმართლე სჯობსო.

—

ერთი ფილოსოფოსი, ძველებური ჩვეულების მიხედვით, ვირზე იჯდა და ისე დადიოდა სოუღით-სოფლათ ხალხის დასამოძღვრებლათ. ერთხელ ღამის გასათევათ მექორწილებს მიადგა კარზე. იცნეს და მიიწვიეს. სუურაზე მეფე - დედოჯლის სადღეგრძელო რომ დალიეს, ფილოსოფოსაც მიაწოდეს სასასმო და დააღვეინეს ნუნუა. მეორე სადღეგრძელოზე უარი გააცხადა სტუმარმა: მეტი აღარ მინდა და ვერ დავლევო. აღარ მოეშვენ, ძალა დაატანეს და დააღვეიეს. მესამეზე—ხვეწნა ვედრებით მიმართეს: მართალია, არ გინდა, მაგრამ პატივი გვეციო!. შენიჭირიმე, შენ გენაცვალე, თუ გიყვარდეთო და სხვანი.. ფილოსოფოსმა ამდენ მახვეწარს ხათრი ვეღარ გაუტეხა და ძალა-უნებურათ კათხას-კათხაზე სკლიდა. ისე მოეკიდა ღვინო, რომ იქვე უგრძობლათ სუფრას ქვეშ გაგორდა. მეორე დღეს რომ გამოვლიქა, შერცხვა: ეს რა მომივიდაო? შეჯდა ჯორზე და

გამოიპარა შინისკენ. გზაში ერთ პატარა მდინარეს მიაღ-
და. მწყურვალმა ვირმა რომ წყალი ნახა, დალუნა თავი
და იმდენი სვა, სანამდი გული არ იჯერა. მერე კი
აიღო თავი და გაჩერდა. პატრონმა უთხრა: „დალიე
კიდევო!“ ვირი არ გაინძრა. „დალიე გიბრძანებო!—შე-
უძახა. ვირმა მხოლოთ კული გაანძრია და ყურები გაა-
პანტურა. გადმოხდა მხედარი, დაუჩოქა და შეეხვეწა:
თუ გიყვარდე, შენიჭირიმე, შენ გენაცვალე, თუ ჩემი
ხათრი გაქვს, დალიეო. ვირი არ ინძრეოდა, ყურადღე-
ბასაც არ აქცევდა პატრონის ხვეწნა-ვედრებას. მაშინ
ადგა ფილოსოფოსი და დიდი მოწიწებით თაყვანი სცა
ვირს და მოახსენა: ვირი მე ვყოფილვარ, რომ სხვებს ავჰ-
ყვეი და, რაც არ მინდოდა იმაზე მეტი დავლიე,—შენ
კი ფილოსოფოსი, რომ ამდენი ხანი გეხვეწები და ვერ
გადმოგიყოლიეო.“

1

თავუ ახალი,
ტანი კი ძველი,
ფეხები მრუდე,
გამკრავი ხელი.

2

„ფულ“ და „ჟამანაკ“
„ტერ-ვოლორმია“!..
მთლად საქართველო
ჩემთვის მიყმია.

3

მკბენარ-მკბენარ, მწოვარ-მწოვარ,
ტანზე მჯდომი კირაკუზა,
განსაცდელში რომ ჩაეარდა,
შეშინდა და მოიკუზა;
მათხოვრობას ხელი მიჰყო,
ჩემ კარებზე აეტუზა,
შემებრალა, შინ შევეუშვი,
ყოლიფერი დაუხვდა მზა.

რომ გამოძღა-გასისინდა,
აიყოჩა, აიგრუზა!..
სახლ-კარს მართმევს, კარში მაგდებს...
დამიხლართა საველი გზა!..
რა არის მისი წამალი?
ბრაგი-ბრუგი, „ბუზა-ბუზა“!..
და ვინც ამას გამოიცინობს,
მისი იყოს ჩემი მუზა.

ჩემი თავ-გადასახალი*)

ყოველი არსი, სულიერი თუ უსულო, ხილული თუ უხილავი, ერთსა და იმავე მსოფლიო კანონს ექვემდებარება: დაიბადება—იზრდება, დაბერდება—კვდება!.. წყალი რა არის?.. წყალი!.. უბრალო მდინარეც კი ვერ ასცდენია ამ საყოველთაო წესსა და რიგს: დაიბადება თუ არა, ე. ი. თავს იჩენს თუ არა სადმე მივარდნილ მთის

*) დღეიდან შევეუდგებით ჩვენი „კრებულის“ მეორე განყოფილებაში „ჩემი თავ-გადასახალის“ ბეჭდვას. ამ ნახევარ საუკუნის გინმაგლობაში რაც ჩვენი თვალთ გვინახავს და ან რაც სარწმუნოთ გაგვიგონია, ყოლიფერს მოვიხსენიებთ იმდენათ, რამდენათც ნებას დაგვრთავს ჩვენგან დამოუკიდებელი გარემოება. ამასთანავე შიგა და შიგ ჩემი ძველი ნაწერებიც იქნება ჩართული. აღრევაც მოვიხსენიე და ახლაც ვიმეორებ, რომ საზოგადოთ მე ხელოვნებას დიდ-ყურადღებას არ ვაქცევდი და ისე მიმაჩნდა მწერლობა, როგორც ერთი უბრალო იარაღთაგანი დღიურ ავ-კარგიანობის საბრძოლველ-სასამსახურათ.

თუ რამე ხელოვნური გამოგვსვლია ხელიდან, ეს ძალაუნებურათ და შემთხვევით მომხდარა, თვარა ის ჩემ დღეში არა მქონია ფიქრათ, რომ მომავლისათვის ვწერო-მეთქი. ამიტომაც უმეტეს ჩემ ნაწერს დღეს იმდენათ დაკარგული აქვს მნიშვნელობა, რამდენათაც დრო და უამი იცვალა და მხოლოთ მაშინ იგულისხმება, როცა მოვიხსენიებთ იმ გარემოებას, რასაც გამოუწვევია ჩემის მხრით რომელიმე გვარი მწერლობა. თვითონ ჩემთვის და ჩემი მწერლობისათვის არაფერი სასარგებლო იქნება ესეები ყველა, მაგრამ, მე ვფიქრობ, რომ ამითი უფრო დახასიათდება ის დრო და მოვლენა, რომელაც მე მსჯრს ჰკიოხველებს ვავეუთვალისწინო.

კალთაზე, მაშინვე იწყებს ჟონვას ნელ-ნელა ახალ ფეხ-
ადგმულ ბავშვივით, დაუყვება დაღმართს, თანდათან იზ-
რდება, ფეხს იკიდებს, სანამ წკრიალით არ ჩაცუნცულ-
დება რომელსამე ხევში, სადაც როგორც აღვირ-უსხმელი,
სისხლ-ჭარბი, თავ-მომწონე და შეუბოვარი, სანავარდთ
გამოსული ჭაბუკი, აღარავის ეკრძაღვის... აღარაფერს
ერიდება: მირბის და მიხტის ღრიალ გრიალით!.. უძრავ
ქვებს თავზე ევლება და კლდოვან კიდევბს თავ-გამეტე-
ბით აქეთ-იქით ეხლება, რომ გაგლიჯოს და გაიტანოს
მისი მოწინააღმდეგე!.. მაგრამ, ვერ შემძლები ამისი, ზა-
რითა და ზეიმით ჭალებისკენ მიექანება. აქ-კი გაგულ-
დიდებალი, ღრმა კალაპოტში ჩამჯდარი და გულ-სავსე,
ვაშკაცური მედიდურობით, მშვიდობიანათ ტალღებს ტალ-
ღებით მიაგორებს!.. მიდის, მიშხუს, ზღვისაკენ თავმიცე-
მული, შორი გზით მიმავალი, და რაც უფრო და უფრო
უახლოვდება აუცილებელ სავანეს, თანდათან იჩენს აუჩ-
ქარებლობას, როგორც მოხუცი, და ბოლოს კიდევ შე-
ჩერდება ერთი-შეჩერება... ტბორავს, თითქოს უნდა, რომ
უკანასკნელათ ერთი კიდევ მოიხედოს უკანვე, თვალი
გადაავლოს თავის წარსულს, ფერადათ გავლილ შორეულ
გზას, და მერე-კი საუკუნოთ ჩაინთქას... ჩაიღუპოს ზღვის
უფსკრულში!..

მიყვარს საზოგადოთ ბავში, უგულითადესათ პატივის
ვცემ მოხუცებულობას, ღირსეულათ ვაფასებ ვაშკაცო-
ბას, მაგრამ გული-კი ჭაბუკობისაკენ მიმიწევს და ყვე-
ლაზე უფრო იმას შეფრქვევით ვეტრუილები!..

აღბათ ამის მიზეზი უნდა იყოს, რომ წყლებშიაც
ყოველგვარ მდინარეს გიჟმაჟი ხევის წყალი მირჩევნია და
მათში-კი უპირატესობას ერთ მათგანს, ჩიხურას, ვაძლევ:
ის იყო ჩემი საკუთარი ემბაზი და ჩემი პირველი სარკე.

სწორეთ ამ ჩიხურის პირათ, მალღობზე, დგას ორ-სართულიანი ქვითკირის სახლი. ამ უშნო შენობას სი-მალღე პატარა კოშკისა აქვს, სიგრძე დარბაზისა და სის-ქე—ცხის, მაგრამ არც ერთ მათგანს კი არა ჰგავს!.. აი, ამ სახლში დაგბადებულვარ მე 9 ივნისს, განთიადისას 1840-ში, თუმცა ნათლობის მოწმობაში-კი 1841-თი მი-წერია. ნათქვამია: ადამის შვილი, გაჩნდება თუ არა ქვეყნად, მისი ბედის ვარსკვლავიც მაშინვე ცაზე იქედება, წინასწარის ზედ წარწერთო! თუ ეს მართალია, ეჭვი არ არის, რომ ჩემს ვარსკვლავზედაც შემდეგი შაირი წე-რებულა:

ერთი რამ ცხოველი არის,
ხმას აწვდენს შორით შორსაო,
თავისთვის ჩოჩორს აკეთებს,
სხვისთვის კი კაი ჯორსაო.

იმ თავითვე, დაგბადებულვარ თუ არა, ვაჟის შეძენით გახარებულს მამა ჩემს დიდი ხნის გარისხული და სასახ-ლიდან გაგდებული შინა ყმა შეურიგებია და მე-კი ბებიას მაშინვე გაეულახავარ. აი, როგორ მოყვებოდა ხოლმე ამ ამბავს გაზეპირებულ „მამაო ჩვენოსავით“ ცხონებული გადია ჩემი: „ვენაცვალე ჩემ კაკოს! (ბავშობისას კაკოს მეძახდენ). ამის დაბადებაც სულ სხვანაირი იყო: დაი-ბადა ერთი რაღაც დათვის-ბელა, ბამბის-ქულა და ისე გაეკმიდა სული, რომ კრინტს არა სძრავდაო! ეს თურმე იმას ჰფიქრობდა: საიდან სად მოვცდიო? და ბებიას-კი გულ-შემოყრილი ეგონა და ჩქმეტა დაუწყაო!.. ერთი ორი კიდევ შემოაუცაკუნა ხელი და ძლივს ხმა ამოაღე-ბინაო!.. ვის უნახავს ამის ტირილი? სულ იცინოდაო.“

ამას სხვებიც ამბობენ. დიად, სულ თურმე ვიცინოდა

და ამ სიცილს ერთი კარგი უსიამოვნობაც მოუხდენია: ერთხელ ჩამოსულა ჩვენსა მეზობლების გამდელი და, მომცინარი რომ უნახავარ, უთქვამს: „ვეუიმე!.. ჩემი გაზდილი ნუ მომიკვდება, ეს ბავში ისე იცინის, რომ სწორეთ სულელი გამოვარ?!.. ჩემ გამდელს სწყენია ეს და უპასუხნია: „როგორ თუ სულელიო?! ანგელოზია და ანგელოზებს შეცინის... იმათ ეთამაშებაო!.. სულელები ზოგი თქვენსკენ მოიკითხეთო“ და სხვანი!.. წალაპარაკებულან და სცემიან ერთმანეთს. ჩვენს გამდელს ჩვენი მოსამსახურეები მოხმარებიან, მეზობლისას—მათი; ბოლოს ქალბატონებიც ჩარეულან (რასაკვირველია ეხოლოთ სიტყვითა და მუქართ, და არა საქმით). ამ ამბავს მიუწევია ვაუბატონებამდინაც და ჩამოვარდნილა ორ ოჯახ შუა დიდი უსიამოვნობა. აღარც, თურმე, ეკარებოდენ ერთმანეთს და აღარც ხმასა სცემდენ!.. მხოლოთ თევდორობის კვირაში, ზიარების წინეთ, ოქროპირ, მღვდლის რჩევით შერიგებულან და მაშინაც კიდევ მამა ჩემს სოფელში კაცი გაუგზავნია და შეუთვლია ძიძისათვის: „აქ გაჟომგვარე ჩემი ხითხითა ბიჭუნა, რომ მეზობლებმა ნახონ და მტრებს თვალეი დაუყენოვო!“ გამოვუყვანივართ, მაგრამ წარმოიდგინეთ ყველას გაკვირვება, რომ „ხითხითა ბიქს“, ჩვეულების წინააღმდეგ, ერთი ღიმილიც არ მოსვლია, ისე თურმე ვყოფილვარ გაბრუებულსავით.

აქ ცხადია, რომ სოფელში ნამყოფ ათი თვის ბავშს სასახლეში ყოლიფერი მეუცხოვებოდა და გაშტერებული ვიქნებოდი, მაგრამ ასე არ გაუგიათ და არ აუხსნიათ: ჩვენებს!.. იმათ უფიქრნიათ: ეს სწორეთ შურისა და სიხარობის საქმეა, თვალი ჰკრეს, გაღალესო და ისევ საჩქაროთ დაეუბრუნებივართ სოფელში. ძიძასაც გზაზე ერთ ვილაც მკითხავთან გაუვლია, გამოულოცვინებია... შეუ-

ბამთ ჩემთვის ყელზე ღინჭილა, მწარე-ბალი და მიუყვანიდართ სოფელში— შინ. იქ, რასაკვირველია, მომბრუნებია გული და ისევ დამიწყია სიცილი. ჩემი ძიძა დარწმუნებულია, რომ სწორეთ გასჭრა შელოცვამ, გამობრუნდა ყმაწვილი, ახლა აღარა უჭირს-რაო და მახარობელიც უფრენია სასახლისაკენ.

„ძიძაობა“ და ყმაწვილის სოფელში გაბარება ისტორიული ჩვეულება იყო ჩვენს ქვეყანაში: მეფეები და მთავრები ერისთავებს აბარებდენ და აზრდევინებდენ თავის შვილებს, ერისთავები და დიდებულები— აზნაურებს და აზნაურები-კი გლეხებს; უფრო ხშირათ თავადებიც გლეხებს აზრდევინებდენ! ნუ გგონიათ, რომ მაშინდელი მშობლები უგულო ყოფილიყონ და შვილები დღევანდელ დედებზე ნაკლებ ჰყვარებოდეთ!.. აქ სულ სხვა მიზეზი და საფუძველი იყო: ეს გაზდილ-გამზდელიობა აკავშირებდა ერთმანეთთან სხვა-და-სხვა წოდებას. გარდა ნათელ-მირონობისა, თითქმის სისხლ-ხორცობა არ მიაჩნდათ ისე მტკიცე კავშირათ, როგორც გამზდელ-გაზდილობა. არა თუ ძიძის შვილები და მათი ახლო მონათესავენი, მათი შორეული მოყვრებიც კი მზათ იყვენ ყოველ შემთხვევაში თავი დაედვათ გაზდილის გულისათვის და გაზდილ-ც მარად ექიმავებოდა ამ ხალხს და მისი ბრალია, რომ ამ უკანასკნელ საუკუნემდე ჩვენს ქვეყანაში უფრო კაცური და კეთილი განწყობილება იყო მაღალ და დაბალ წოდებას შუა, ვიდრე სხვა ქვეყნებში. რა თქმა უნდა, რომ ამ გონიერული ჩვეულების მიზეზი იყო სოფელში ჩემი გაბარებაც. და კურთხეულიმც იყო ეს ჩვეულება!.. არ შემძლია, არ გამოვტყდე, რომ თუ კი რამ დარჩა ჩემში კარგი და კეთილი, უფრო იმის წყალო-

ბით, რომ მე სოფელში ვიყავი გაბარებული და გლახებ-
ბის შვილებთან ერთად ვიზღებოდი.

საწერეთლოში, ზემო იმერეთში, ბევრი კორგი სო-
ფელია და მათ რიცხვში ურევია სავანეც, ის სოფელი,
სადაც ჩემი ძიძა ცხოვრობდა და მე ვიზრდებოდი. რო-
გორც სათვალდათვალათ, ისე ჰაერის სიკეთითაც ის სა-
უცხოვო რამ არის და მიტომაც დაურქმევიათ „სავანე“,
ე. ი. მოსასვენებელი ადგილი. საჩხერეზე შორს არ არის;
ჩვენი სახლიდან ნახევარი საათის სასიარულო თუ იქნება.
აქ ავიდგი მე ფეხი, აქ ამოვიდგი ენა და აქედანვე იწყე-
ბა ჩემი მახსოვრობაც. თვალ წინ მიდგია ისლით გადახუ-
რული ხის სახლი წინა და უკანა კარებით, უფანჯრ-
უსარკმლო, მხოლოდ ორი საკვამლოურით, ანუ სათაფუ-
რით, საიდანაც კვამლი გადიოდა და სამაგიეროდ სინათ-
ლე შემოდებოდა. შუა კერაზე, მხარეთქობაზე წამოწოლილი,
დევივით, იდვა დიდი უძარ-მძარხი ჯირკვი და გაუსხლეტ-
ლათ ზამთარ-ზაფხულ ცეცხლი გუზგუჭებდა. გლახის
ოჯახი დილიდან საღამომდე სულ მოძრაობაშია, საქმე არ
გამოვლევთ და ამიტომაც ბავშვების გრძობა-გონება სუ-
ყოველთვის გართულია. კაცები დილითვე აღრე მიდიან
სამუშაოთ ყანებში, თუ ტყეში, სადილი და სამხარიც იქ
მიუდით და დაღამებამდე ძვირათ ბრუნდებიან სახლში.
ქალები-კი საოჯახო საქმეზე ტრიალობენ. მათ ხელშია
საქონლის მოვლა, ფრინველების პატრონობა, სახლის
დაგვა-დასუფთავება, სადილ ვახშმის მზადება და მრავალი
სხვა საწერილიმანო რამეები. ბავში რომ თვალ-ყურს ადე-
ვნებს იმათ მუშაობას, თვითონაც ძალა-უნებურათ მონა-
წილე ხდება და სწავლობს. ხუთი-ექვსი წლისამ მე ძალი-
ან კარგათ ვიცოდი, თუ როგორ უნდა პირუტყვის ყურის-
გდება, ფრინველის მოვლა, სადილ-ვახშმის მზადება, გაც-

რა-გამტკიცვა, გამოცხოვა, სხვა-და-სხვა გვარ შექამადის მომზადება და სხვანი. შესწავლილი მქონდა, თუ როდის და როგორ უნდოდა: ხენა-თესვა, თოხნა, მკა, სხელა და სხვანი, ასე რომ, ჩემი შესაფერი ხელ-საწყო რომ მქონდა, ყველაფერს მოვახერხებდი; არ ვიცოდი მხოლოდ წინდა-პაიჭის ქსოვა და კერვა და ისიც მიტომ, რომ ამბობდენ: „ქალის ხელ-საქნარი კაცისთვის დიდი ცოდვა არისო“ და მეც მეჯერა. მჯეროდა, მაგრამ ჩუმათ მაინც გავტეხე ცოდვა და ვისწავლე მატყლის ჩეჩვა და ბამბის პენტვა. აი, როგორ მოხდა ეს: ჩემი ძიძის შვილი, რომელიც ჩემთან ძუძუ-შენაწოვარი და ჩემი კბილა იყო, არასოდეს არ მშორდებოდა, სულ ჩემთან იყო. ერთხელ ავდრიანი ღღე იყო და ქალებმა რომ ყანაში მუშებს სამხარი წაუღეს, ჩვენ შინ დაგეტოვეს, თან აღარ წაგვიყვანეს. გვეწყინა, მაგრამ რაღას ვიზამდით? დავრჩით მარტო, — მოგვეწყინა. ჯერ დანასობია ვითამაშეთ, მერე კენტობია, მაგრამ მაინც ვერ გავერთეთ, რადგანაც ამ გვარი სათამაშოები მოწყენილი და მობეზრებული გვქონდა. ძიძის შვილმა მითხრა: „მოდი, ერთი, ბაბუას წვერები დავუჩეჩოთო!“ ჩამოიღო საჩეჩელი, მოიტანა მატყლი და დაუწყო ჩეჩვა, თანაც ასე იძახოდა: „ასე დაეჩეჩოს ბაბუას წვერებო“. ეს ძალიან მომეწონა და მეც მივბაძე. დიდხანს ვერ ვახერხებდი ჩეჩვას; ორჯელ-სამჯელ საჩეჩელის ჩხირები მეჩხვლიტა, მაგრამ მაინც თავი არ დამინებებია. ვინ იყო ის ბაბუა, ან რას ვერჩოდით? ეს წარმოდგენილი არცერთს არ გვქონდა, მაგრამ ძალიან აღტაცებაში მოვყავდით ამ ბაბუას წვერების ჩეჩვას, ასე რომ თითქმის დავიქანცეთ... ბოლოს ისევ ძიძიშვილმა თქვა: „კმარა ამდენი ჩეჩვა, ახლა გავპენტოთ და ქარს გავატანოთ ბაბუას წვერებო“. ჩამოიღო ლარი, მოიტანა ბამბა და

დაუწყო პენტვა. თან პენტავდა და თანაც ლარის ბაგა-ბუგის ხმაზე ბუქნას უვლიდა. მეც, რასაკვირველია, გავიმეორე მისი ნამოძღვრალი და ისე შეგვიყვარდა ეს „ბაბუას წვერის“ თამაში, რომ შემდეგში, როგორც-კი გავიგულვდით სადმე ქალებს, სულ ამას ვთამაშობდით და ისე კარგათაც-კი შევისწავლეთ საჩეჩლის და ლარის ხელი, რომ ქალებიც ველარა გვჯობნიდენ. ძალიან ფერთხილობდით, რაც-კი შეგვეძლო, მაგრამ ერთხელ მოგვასწორეს ქალებმა და ჩემმა ძიძამაც ჩამოიკაწრა ლოყები: „ვეუიმე! რა გიქნიათ ეგ, შვილებო? ეგ ხომ დიდი ცოდვა არის?.. ქალების ხელსაქნარი რა თქვენი საქმეა?.. და მერე ბატონებმაც თუ გაიგეს სასახლეში, — რას იტყვიანო?“ იმ დღიდან გვიმალოდენ ლარსაც და საჩეჩელსაც, მაგრამ გვიან-ლა იყო. ყმაწვილის გრძნობა-გონება მოუსვენარია, ყოველ წუთს მოძრაობაშია, მაგრამ ფეხ-მოუკიდებელი კი არის, დიდხანს ერთსა და იმავე საგანს ვერ შერჩება. ერთ-გვარობა და ერთ-ფერობა მალე ჰბეზრდება და საგნიდან საგანზე გადადის: ამიტომ ოთახში ყოფნა ეზარება, რადგანაც, რაც-კი ოთახში რამ არის, ყველაფერი ნაცნობია მისი, თვალი შეჩვეული აქვს, და ველარ ართობს მის გრძნობა-გონებას. ის გარბის მინდვრათ ცა და მიწას შუა, სადაც სანახაობა მრავალ-ფერი და უთვალავია მისთვის. შინ დარჩენა ჩემთვისაც, რასაკვირველია, დასჯა იყო, მიყვარდა ხოლმე ყანებში სიარული, სადაც მუშები იმღეროდენ, მაგრამ დიდხნობით ვერც იქ ვრჩებოდი, რადგანაც მე თითქმის ყურადღებას არაფერ მაქცევდა, თავის საქმეზე იდგენ. ვინ არ იცის, რომ ყმაწვილის ბუნება თანაზიარია, ყოველთვის სურს, რომ თვისი გულის პასუხი სხვებსაც გადასცეს, შეატყობინოს ხოლმე და ეს მხოლოდ შეუძლია თვის ტოლ-ამხანაგებთან.

ხშირათ, როდესაც ყმაწვილი ვეღარა ჰხედავს ტოლ-ამხანაგს, უსულო საგნებს ესაუბრება ხოლმე... ქვას, ხეს, ყვავილს ბალახს და სხვა.. პირუტყვებთან ხომ რაღა! ისე სიამოვნობით მუსაიფობს ხოლმე, რომ მეტი აღარ შეიძლება!.. მხოლოთ დიდებთან ვერ ახერხებენ ყმაწვილები სიტყვა-პასუხს და გულს არ უხსნიან მათ!.. და ეს კი თვით უფროსების მედიდურობისა და აუყოლოებობის ბრალია. ცხადია, რომ მეც ამიტომ ვერ ვრჩებოდი დიდხანს ყანაში მუშებთან. მაგიერათ სამწყესურში წასვლა, მინდვრად და ტყეში, და იქ დარჩენა ჩემთვის სამოთხეში შესვლა იყო. გათენდებოდა თუ არა, უქულო, ფეხშიშველა გავრბოდი მწყემსებისაკენ და დაღამებამდი იქა ვრჩებოდი. ყმაწვილი, რომელიც-კი სოფელში არ გაზდილა, ბუნებაზე სრულიათ მოსხლეტილია. ის არის მოკლებული უპირველესს ბედნიერებას. ქალაქში გაზდილ ბავშს, გენიოსიც რომ იყოს, მისი მასწავლებელი სიტყვით და ნახატებით ისე ვერ გააცნობს ბუნებას, როგორც სოფლეელი იცნობს თავის საკუთარი ნახულობით. სოფლეელს თვალ წინ უდგას ყოველთვის ბუნება მისის სხვა-და-სხვა ფერობით, გაცნობილი ჰყავს ყოველ გვარი ოთხფეხი, ფრინველი, ქვემძრომი, მწერი, მცენარე და იცის მათი ზნე და ჩვეულება; ყველა მის თვალწინ იბადება, იზრდება, იშობება, იფურჩქნება, აჰყვავდება, მოაქვს ნაყოფი და კვდება,— ყველა მათგანის ჭირისა და ლხინის თანამოზიარეა და ამიტომაც ეთვისიანება მათ. რომელ მხატვრობას შეუძლია გადასცეს ბავშს ის, რასაც სოფელში მყოფი თავის თვალთ ჰხედავს? ავილოთ, თუ გინდა, სულ უკანასკნელი: აი, მოდის, მოღრუჩუნობს დედა-ლორი და მას ცქრიალით უკან მისდევენ პატარ-პატარა ჰყვილია გოჭები. ძუძუს ეხვეწებიან... დედა მდის ჩრდილში სად-

მე და წამოგორდება მხარ-თეძოზე: მისცვივდებიან შვილები და მიეძაბრებიან ძუძუებს; სიამოვნების ნიშნათ აქიცილებენ პატარა გადაპრეხილ კუდებს და დედაც თვალ-დახუჭული დაჰხარის. დაღრუჩუნებს მათ... აგერ, კრავები კუნტრუშობენ, თიკნები დახტიან... გოჭები ჭილაობენ, კვიცები კოტრიალობენ და სხვანი—სულ მრავალ ფერობა და სხვა-და-სხვა სანახაობა... უყურებს ბავში და თვითონაც, გულ-შექნილი, ხტის და თამაშობს!.. ამავს ყველას მოკლებულია ქალაქელი. „გიმნასტიკაო“—მეტყვიო!.. მაგრამ გიმნასტიკა მხოლოდ ტანჯვაა ბავშვის და სხეულის ჯორჯვა. სხვადა-სხვა ნაწევრებს ადამიანის გვამისას განაერთი და იგივე მოთხოვნილება აქვს?.. მე ვგება მარტო ფენი მინდა ვავარჯიშო და იმ დროს ხელი შევასვენო. ყველაფერს თავისი დრო აქვს და ამ დროს თვითონ ბუნება უფრო უტყუერათ უჩვენებს. გიმნასტიკის დროს - კი, წინააღმდეგ ჩემის მოთხოვნილებისა, უნდა მხოლოდ სხვის ბძანებით ვიმოდაო. მაგალითად, მე, როცა სირბილი მინდა, ის გამაჩერებს ერთ ადგილზე, მომცემს ხელში მძიმე რკინებს და, გინდა თუ არა, ხელები ავარჯიშეო... ხელოვნებას შეუძლია, რომ დაიმორჩილოს, ე. ი. დაამახინჯოს ბუნება, მაგრამ, რომ შეცვალოს და თავისი სურვილით ვითომ გააუკეთესოს, არა მჯერა. აბა, წარმოიდგინეთ ერთი მხრით თავისუფალი, შევლევით მონავარდე, სოფლელი ბავში და მეორე მხრით დაჩანჩურებული ქალაქელი ყმაწვილი!.. ფეხსაცმელი უჭერს და მაზოლები სტანჯავს... გამოსუდრულა ტანთსაცმელში, საძრაობა აღარა აქვს; ეუბნებიან: ჭკვიანი იყავი, რაც ჩვენ გირჩიოთ, მხოლოდ ის იკისრე შენცო!.. იმ საბრალოს ერთი ვაკოტრიალება ქვეყანას ურჩევნია, მაგრამ განა გაბედავს, რომ ტანისამოსი დასვაროს?.. იზრდება ბძანებით მომავალი ქლექი და მუმიია.

ქართველების ოდენი სხვა-და-სხვა გვარი სათამაშო თიუქმის არც ერთს ხალხს არა აქვს და ყოველგვარი სათამაშოც უთუოთ მისთანაა, რომელიც ჭკუა-გონებასა და სხეულს წვრთნის, ავარჯიშებს. ყველას არ ჩამოგიტე-ლით აქ, რადგანაც შემდეგში კიდევ მექნება მათზე მსჯე-ლობა განსაკუთრებით და დავასახელებ მხოლოდ „ბურ-თაობას“. აბა, რომელი გიმნასტიკა შეედრება მას!.. ბურ-თაობის დროს თვალი, ფეხი, ხელი, თავი, ტანი და ყოლითფერი თანასწორათ ეჩვევა სიმარდეს. ქართულ სა-თამაშოებს ბავშვები თავის ხელით აკეთებენ, მაგალითად, ტაფარიკს თვითონ გამოჰკრიან ხოლმე, შვილდ-კოდალს— იკეთებენ... ბურთს თავის ხელით ამზადებენ და ეს შრო-მა კიდევ უფრო აყვარებს პატარა პატრონს თავის საკუ-თრებას!.. ნაყიდი სათამაშოები და მუქთათ ნაშოვნო ტი-კინები ქალაქებში მუქთა-ხორობას აჩვევენ ყმაწვილებს და უფრო უფუჭებენ ხასიათს. ეს მე ჩემ თავზე გამომიც-ლია! სხვისი გაკეთებული და ნაყიდი სათამაშოები არა-ფრათ არ მიმაჩნდა და ჩემსას კი ვუფთხილდებოდი ხოლ-მე. პატარაებს უყვარს დიდების მიბაძვა და მეც რომ ხუხულა-სახლებსა და ბელელ-სასიმინდე-წისქვილებს ავაშენებდი ხოლმე, — ჩემს სიამოვნებას საზღვარი აღარ ჰქონდა. თავი მომქონდა, რომ მე თვითონ ვაკეთებდი. აბა წარმოიდგინეთ სოფლელი ბავში, რომელსაც თავის ხელით გაკეთებული ბურთი ხელში უჭირავს და თავისუფლათ გაჰკრავ-გამოჰკრავს ხოლმე ხტუნვითა და სირბილით და შეუდარეთ ქალაქელს!.. იმ საცოდავს უჭირავს ხელში ძაფზე გამოზმული ბუშტის ბურთი და შიშით ვეღარ ინ-ძრევა, არ გამიფრინდესო... რომ სიტყვა აღარ გავაგრ-ძელო, მოკლეთ ვიტყვი, რომ სოფელში გაზრდილ და

და ქალაქში მყოფ ბავშვებს შუა ისეთი განსხვავებაა, როგორც ნამღვილსა და მის აჩრდილს შუა ეს უბედურება ბედმა თავიდან ამატდინა მე და ექვსი-შვიდი წლის ნამღვილი ბუნების შვილი ვიყავი: ტან-მრთელი, მალხაზი, კეთილი, ყველას მოსიყვარულე და თავისუფალი, როგორც სამოთხის შვილი. დიად, სანამდი სოფელში ვიზრდებოდი, სრულიათ ბედნიერიც ვიყავი, თუმცა ხან-და-ხან კვირაში ერთხელ თუ ორჯერ ჩემს ბედნიერებას შეაფერხებდნენ ხოლმე სასახლიდან ჩემ სანახავად გამოსულები .

„ღღეს ბატონები გამობრძანდებიანო!“ — იტყოდა ხოლმე ჩემი ძიძა: გამწმენდა, გამმზანდა, მომრთავდა, თითქოს საღღესასწაულოთ, და აღარ გამიშვებდა გარეთ. მართლაც იმ ღღეს გამოვიღოდენ ჩემ სანახავათ დედ-მამა დიდი ამბითა და ამალით, ისე, როგორც-კი შეშვენოდა ბატონ-ყმობის დროს, და მთელი სოფელი ცქერათ გადაიქცეოდა ხოლმე. იმათი გამოსვლა ჩემთვის მხოლოდ სასეირნო და სათამაშო იყო. ვიცოდი, რომ ისინი ბატონები იყვნენ და მე მათი შვილი ვიყავი. როგორც ისინი, ისე მათი მხლებლები მოწიწებითა და აღერსით მეპყრობოდნენ: მკოცნიდნენ, ხელში ამიყვანდნენ ხოლმე, საჩუქრებს მაძლევდნენ და მანებიერებდნენ, მაგრამ მაინც მე მათი მობრძანება ბევრათ არაფრათ მეპიტნავებოდა, რადგანაც გული ტყე-მინდვრისა და სამწყესურისაკენ მქონდა. კიდევ ჩემი ბედი, რომ ისინი ღიღხანს არ იცდიდნენ სოფელში და მეც, გავაგულლებდი ხოლმე თუ არა მათ ცოტა მოშორებით, ისევ გავრბოდი სამწყესურში. იქ სოფლის ბიჭები, ჩემი ამხანაგები, გამომკითხავდნენ ხოლმე: „რა მოგიტანეს, რა გითხრეს ბატონებმა, როგორ იყვენო?“ და სხვა. ამის გამოკიხვის შემდეგ, ჩვენც მაში-

ნვე «ბატონობის» თამაშს დავიწყებდით ხოლმე: ზოგიქალ-
ბატონს წარმოადგენდა, ზოგი ვითომ ვაჟბატონი იყო,
ზოგიც მხლებლები!.. გადავჯდებოდით ჯოხის ცხენებზე
და ჩვენს მხიარულებას საზღვარი არ ჰქონდა. ზემოთაც
მოვიხსენიე, რომ ქართველებს ურიცხვი და უთვალავი
სამათამაშოები გვაქვს-მეთქი. ერთი მათგანი სამუდამოთ
ჩამრჩა გრძნობა-გონებაში, თუმცა ის თამაშობა თავის-
თავად სახალისო არ არის. ეს გახლავთ „ქორობია“.
ერთი უფროსთაგანი კრუხობას იკისრებდა, სხვები წიწი-
ლები ვიყავით, გავაკეთებდით წრეს, ჩავაბამდით ფერ-
ხულს და ვტრიალობდით. ქორი მოდიოდა. წიწილების
მოსატაცებლათ, კრუხი იგერებდა, სანამ ძალ-ღონე ჰქონ-
და. ბოლოს ქორი ხან ერთი კუთხიდან, ხან მეორე
კუთხიდან მოვარდებოდა, გაგლეჯდა წრეს და გაიტა-
ცებდა წიწილს; მაშინ წიწილები გაიფანტებოდნენ, მიიმალ-
ებოდნენ აქეთ-იქით და გამწერებული კრუხი კი, შვი-
ლებს რომ აქეთ-იქით მიმალულსა და მიხიზნულს დაი-
ნახავდა, თვითონ გამოუდგებოდა ქორს, დაადებინებდა
და დაიბრუნებდა ხოლმე გატაცებულ წიწილას. მაშინ ხელ-
ახლა იწყებდა ქოთქოთს, შეიკრებდა წიწილებს და გა-
აბამდა წრეს. მართალია, გამარჯვებული კი ყოველთვის
კრუხი რჩებოდა, მაგრამ იმ საბრალოს მოსვენება არ ჰქონ-
და და იტანჯებოდა. ეს თამაში მე არ მიყვარდა, თუმ-
ცა ყოველ დღე სხვა-და-სხვა თამაშობას ამითი ვაბოლა-
ვებდით ხოლმე. მეცოდებოდა კრუხი და ხშირათ ვეკით-
ხებოდრი ხოლმე ძიძას: „რა დაუშავა კრუხმა ქორს, რომ
წიწილებს ტაცებს და არ ასვენებს მეთქი?“ — „ჰამა უნდაო!“
მიპასუხებდა ხოლმე ძიძა და დაიწყებდა სიცილს. არ
ვცდი, ეს თამაშობა, რომელიც სავარჯიშოთ დიდი არა
არის-რა, განძრახ იყო გამოგონებული რაიმე სამნიშვნე-

ლოთ, თუ ისე შემთხვევით, უბრალოთ, მაგრამ დღეს რომ ვუკვირდები, ძალიან მაგონებს ჩვენი ქვეყნის ბედს. ჩვენი ცხოვრება, ჩვენი ისტორია სწორეთ ქორაობიას წარმოადგენდა: საქართველო კრუხი იყო, სიცოცხლე გამწარებული, და სხვა მისი კუთხეები — წიწილები!.. მტრები ქორეზივით ესეოდენ... იტაცებდენ ხან ერთს მხარესა და ხან მეორეს, მაგრამ საბოლოოვით კი საქართველო მაინც კიდევ იბრუნებდა ხოლმე დაკარგულ მხარეს და გაერთეული, ფერხულ-ჩაბმული წრე ბოლოს იქნედა ძლიერათ. მაშინ მე ეს არ მესმოდა, მაგრამ გულზე კი რაღაც უნებურათ მკბენდა და მეჯავრებოდა „ქორაობია“. რასაკვირველია, თუმცა მისი თაზაშობა ყველას კი უნდოდა, მაგრამ სიყვარულით კი არავის უყვარდა. ერთხელ, სახლში რომ დავბრუნდი, მოწყენილობა შემნიშნა ძიძამ და მითხრა: „რა იყო? ქორაობია ხომ არ გითამაშნიათო?“

— ვითამაშეთ და ქორმაც მე გამიტაცა-მეთქი! — ვუპასუხე სიცილით. ძიძამ ჩამიკრა გულში და დაიწყო ტირილი. მე გამიკვირდა და ვკითხე: „რა გატირებს-მეთქი?“ — ის მატირებს, რომ ხვალ ჩემ წიწილასაც მოიტაცებენ და მომაშორებენო!.. წიწილას რა უჭირს, მაგრამ, როგორ აიტანოს და როგორ-და გაძლოს კრუხმა უმისობით?“ ეს რომ თქვა, გული ამოუჯდა, მოუმატა ტირილს და უფრო ძალუმათ მიმიკრა გულზე... მე თუმცა არა მესმოდა რა, მაგრამ მივხვდი, რომ აქ კარგი არა არის რამეთქი და დავაწყე ტირილი... ვიტირე, ვიტირე და ჩამეძინა ძიძის კალთაში. მეორე დღეს კი ყოველივე გავიგე: სამუდამოთ გამომათხოვეს სოფელს და გამიყვანეს სასახლეში, სადაც სულ ახალი ცხოვრება უნდა დამეწყოს.

სასახლეში აღრეც ბევრჯელ ვყოფილვარ, მაგრამ, რომ გამომიყვანეს, მაინც ბევრი რამ მეუცხოვა. ჩვენებს თი-

თქმის ყველას ვიცნობდი და სტუმრებმა კი სწორეთ
გამაცეცეს. ხან ერთთან მივყავდი, ხან მეორესთან. მე-
ალერსებოდენ და მკოცნიდენ. ისე მხებვოდნენ გარს,
როგორც ჩხიკვები ბუს. „ეი სოფლის ბიჭო!“ — დაიძახა
მამაჩემმა, — შენ ახლა ბატონობა უნდა ისწავლო და ბა-
ტონიშვილობას უნდა მიეჩვიო, რაც გითხრან, დაიჯერე
თორემ, თუ ურჩობა დაიწყე, წაგიყვან და დაგამწყვდევ
ისე როგორც ის პატარა ბიჭი მყავს დამწყვდეულიო“.
მომკიდა ხელი, მიმიყვანა და გამაჩერა საარკის წინ, სადაც
თავიდან ფეხებამდე ნათლად გამოვჩნდი და სიცილი და-
ვიწყე.

— ხომ ხედავ? — მკითხა მამაჩემმა.

— რატომ არა!.. ბრმა ხომ არა კარ?

— იცნობ? — შეკითხება მამა.

— რა დიდი ცნობა უნდა?

— ხომ არ გინდა, რომ დაეკიდო?

— ვისა?

— ამ პატარა ბიჭს.

— ბიჭი კი არა, ის არ გინდა კიდე! ჩემი ლანდია.

— რა იცი, რომ ლანდია?

— რატომ არ ვიცი!.. განა ცოტა მინახავს წყალში?

— ამ სიტყვაზე სუყველამ სიცილი ასტეხეს და გაიკვი-
რვეს. — „შენი რისხვა ნუ მომეცემა — წამოიძახა მოუჩრავ-
მა — შენი რისხვა ნუ მომეცემა, რო იტყვიან: კვიცი გვა-
რზე წავაო, სწორეთ მართალი ყოფილა! სოფლის ბავში
რომ ყოფილიყო, რას მიხვდებოდა!.. მე რომ პირველათ
სარკეში ჩავიხედე, ჭალარა მერია, მაგრამ მაინც კინალამ
გავგიჟდი, ისე გამიკვირდა!..“ ეტყობოდა, მოუჩრავს კი-
დევ ბევრი რამ უნდოდა ეთქვა, მაგრამ დედა-ჩემმა გაა-

წყვეტინა სიტყვა, დაიძახა და მკითხა: წყალშიო? როგორ თუ წყალში?

— ისე. როცა სათევზოთ დავდიოდი ხოლმე ან ყვირილაში, ან იზვარაში, წმინდა წყალში ყოველთვის გამოვჩნდებოდი ხოლმე.

— მარტო შენ?

— მარტო მე რათა? წყალში ყოველიფერი გამოჩნდება: ხარი, ძროხა, ცხენი. დღე ყოველიფერი გამოჩნდება, ღამე-კი მარტო ვარსკვლავები და თვარე გამოჩნდება ხოლმე.

— თევზს როგორ-ღა იჭერდი?

— პატარაებს ჩქიფით და დიდებს კი ხელაობით. შევეყოფთი ხოლმე ხელს ჯილეში, ქვებში და, თუ შევხვდებოდი თევზს, დავიჭერდი და გამოვიყვანდი.

— გველი რო შეგხვედროდა?

— რა ვუყოთ მერე? განა არ შემხვედრია? შეჰყოფა ჯილეში ხელს, იქ ბევრი ღორჯო გვონია ერთათ თავმოყრილი, გამოგაქ და თურმე გველია დახვეული... გაიშლება და შემოგვეხვევა კლაზზე.

— მერე... არ გეშინოდა?— შემომკივლა დედამ.

— არა! დავასხვერტებდი ხოლმე რიყეზე.

— რომ ეკბინა?

— ნწუ, ამა! წყალში როდი იკბინება, შხამი როდი აქ თან. წყალში ჩასვლას რომ დააპირებს, გველი წვანე შხამს იქავე ქვაზე წამოანთხევს. წყლიდან რო ამოვა, მერე ისევე ალოკავს და გაუდგება გზას. მაშინ თუ ვისმეს შეხვდა და უკბინა, ძნელია, მზის ამოსვლისას თუ უკბინა, მზის ჩასვლამდის ვეღარ გაატანს; და მზის ჩასვლისას თუ უკბინა, მზის ამოსვლას ვეღარ მოესწრება კაცი, მოკვდება.

— რო ველარ მიაგნოს თავისი შხამი?

— თუ ვინმემ დაუმალა, ან შხამიანი ქვა გადაუგდო, მაშინ წყლის პირზე დაიწყებს ძებნას გველი, ირბენს, ირბენს და, რო ველარ ნახავს, ჯავრით დაუშენს თავს ქვაზე და მოკვდება.

— შენ რა იცი ეგა?

— შარშან ყვირილას პირზე ვნახეთ მაგრე მკვდარი გველი. არც თავი ჰქონდა გატეკილი და არც წელი მოწყვეტილი, ისე იყო კვდარი და მეთევზეებმა თქვეს, შხამი დაეკარგებოდა და თითონ მოიკლავდა თავსაო.

— რაზე იტირვებს საქმეს, რატომ თან არ ჩაიტანს იმ შხამს წყალში?

— დაწყევლილია!.. მერე და შხამი რო ჩაიტანოს წყალში, წყალს ხომ მთელი სოფელი სვამს და დიდი და პატარა სულ არ მოიწამლებოდენ ერთიანად? ჩემს სიტყვა-პასუხზე დედას ეცინებოდა და თავზე მისვამდა ხელს და მეც, რაღაი კი სოფლის ამბავი მომაცოცხლეს, მზათ ვიყავი, რომ სადამომდის მეტიტინა. მაგრამ სხვებმა გაგვაწყვეტინეს საუბარი. დასწყევლოს წმინდა გიორგიმ — დაიძახეს აქეთ-იქით — ტფუ, ტფუ! ვიდაც სწორეთ ჩვენ ძვირში არისო და გადავიდენ სხვა საუბარზე. ამასობაში სადილობამაც მოატანა და გადაძახეს ბიჭებს აივანზე, რომ სადილი მოეტანათ.

უცბათ ოცი-ოცდა ათი მეტი ფარეში შემოიჭრენ და გაჩერდენ შუა ოთახში. ბატონები მივიდენ, ჩამომწკრივდენ ტახტზე; პირდაპირ, მეორე ტახტზე აზნაურშვილები დასხდენ და თავში ღვდელი დაუჯდათ. კიბეზე ვილაცამ დაახველა, თქვეს—მოურავიაო და მართლაც ის იყო, მოუძლოდა წინ სადილს, შემოვიდა და მიეყუდა სვეტს. იმას შემოჰყვენ სხვებიც. ხელოსნებს პური მოჰ-

ქონდათ ხელ-კალათებით, მზარეულებს კი ქოთნებით და ქვაბებით სხვა-და-სხვა საჭმელები. მიდგეს კუთხეში და გაჩერდნენ. აბა, ჰე! ხელი დაგვაბანეთო, ბძანეს ბატონებმა. ერთმა ფარეშმა ტაშტს დაავლო ხელი, მეორემ თუნგს და მესამემ ხელ-საწმენდს. ჩამოუარეს რაგით და ყველას ხელი დააბანის. მერე ორმა ბიჭმა შემოიტანა გძელი და ვიწრო ხის სუფრა ოთხ-ფეხიანი, რომელსაც ერთი ფეხი გამოვარდნილი ჰქონდა. „შეუყენეთ ფეხიო“ — უბძანა ბატონმა. ბიჭები სულ ერთიანად გაცვინდნენ გარეთ და თვალის დახამხამებამდე ერთმა შემოარბენინა ქვა, სხვებიც ისევ უკან მოსდევდნენ, გადააბრუნეს სუფრა და შეიქნა ერთი კაკი-კუკი. გაუმაგრეს ფეხი, მაგრამ ცოტა მეტი მოუვიდათ, ფეხი დამოკლდა და სუფრამ ყანყალი დაიწყო. „შეუყენეთ ნაფოტი“-ო, ბძანა ბატონმა. გაცვინდნენ ბიჭები ნაფოტის მოსატანათ. კიდევ ისევ ერთმა მოიტანა ნაფოტი და სხვები უკან მოსდევდნენ, შეუყენეს სუფრას და გაამაგრეს. როგორც იქნა, ამ ჰირს გადარჩენ, მაგრამ მწუხარება ამითი მინც არ გათავებულა. დამშეულს ძაღლებს რომ სადილის სუნი ეცათ, დრო იხელეს, შემოცვინდნენ ოთახში, შეძრვენ სუფრას ქვეშ და წამოწვევენ. — არიქა, დაგვიხსენით ამ ძაღლებისაგანაო, დაიყვირა ბატონმა. ბიჭებმა დაავლეს ჯოხებს ხელი და დაუწყეს სუფრას ქვეშ ძაღლებს ცემა. ძაღლები იღრინებოდნენ, იკბინებოდნენ, დიდხანს არ უნდოდათ, რომ გამოსულიყვენ სუფრის ქვეშიდან, მაგრამ ბოლოს, ძალა რომ დაატანეს, იკადრეს და გაცვინდნენ გარეთ. ერთი-ორი ძაღლი აზნაურების სუფრას ქვეშაც შემძვრალიყო. ბიჭებმა რომ იმათ ჯოხით ცემა დაუწყეს, ერთმა აზნაურმა იყვირა: „ვაიმე, წვივი, წვივი მომტეხე, შე ოჯახ-დაქცეულოო! ბატონი ჩემის რისხვა ნუ მომეცემა, ჩემი

ჯინი ჭირს და განგებ მიყო ეს საქმეო, — მაგრამ ბიჭი დიდ უარზე იდგა და იძახოდა: ღეთისა და ბატონის რისხვა მქონდეს, თუ უცაბედად არ მომსვლოდესო. ამ შემთხვევამ დიდი სიცილი და ხარხარი გამოიწვია და ის აზნაურშვილიც განგებ აზვიადებდა ტკივილს, ისვამდა წვივზე ხელს და იჭყანებოდა. ძაღლები რომ გარეკეს, რამდენიმე ბიჭი კარებზე დააყენეს ჯოხით, რომ აღარ შემოსულიყვნენ. ეს შემთხვევა პირველი არ ყოფილა და უკანასკნელი. არა თუ ჩვენ ოჯახში, სხვის ოჯახებშიაც ამ გვარივე შემთხვევა იყო ხოლმე; თითქმის ყველა იჯრაზე, ყოველ სიდილ ვახშამზე ამ სუფრის ფეხების ცოდვილი იყო და ძაღლების გერება და აზრათ არავის მოსდიოდა, რომ ერთხელვე გაემაგრებინა სუჟრის ფეხები და ან ბიჭები სადილობამდინ კარებზე დაეყენებინათ, რომ ძაღლები არ შემოსულიყვნენ ხოლმე. ამ ახირებულობას ისე იყვენ მიჩვეული დიდი და პატარა, რომ უამისოთ ვერც კი შეეძლოთ წარმოედგინათ სადილ-ვახშმის ჭამა, თითქოს ეს ყველა აუცილებელი საჭიროება ყოფილიყოს ისე, როგორც ღვდლისაგან სუფრის კურხევა. ყოველიფერს რომ მორჩენ და დაალაგეს საჭმელები სუფრაზე, უცბათ დედაჩემმა შეჰკივლა მამა-ჩემს — რას შერები მაგას! — თურმე მამაჩემს კარგი მოზდილი ლუკმა ჩაედვა პირში ისე, რომ ჯერ ღვდელს „მამაო ჩვენო“ არ ეთქვა და სუფრა არ ეკურთხებინა. ახლა კი გაახსენდა, წამოვარდა ზეზე და ხელით ანიშნა ღვდელს, ღვდელმაც სისწრაფით მამაოჩვენო გადიკითხა, აკურთხა სუფრა და მაშინ კი მამაჩემმა გადაყლაპა ლუკმა და მიუბრუნდა ღვდელსა. „მამაო, კინალამ არ დამახრჩე, შიშით ვერ გადავყლაპე, სირცხვილით ვერ გადმოვაგდე და შენ კი ლოცვა გააჭიანურეო“. — შენი რისხვა ნუ მომეცემა, გადავახტი, ორჯელ გადავახ-

ტი, რამდენიც შევიძელი, ჩავაფუჩეჩე. ამ სიტყვებზე დედაჩემი გაჯავრდა და უსაყვედურა მამა ჩემს: სულ შენი სულ-წასულობის ბრალია, რომ ღვდელსაც ცოდვაში აგდებ და გმობას ალაპარაკებ. ვის გაუგონია ლოცვის გადაფუჩეჩება და ღვთის მოტყუებაო. ღვდელი გაწითლდა და თავის გასამართლებლად წაილულლულა: არა უშავს რა, ჰური და ღვინო ისეც ნაკურთხია ღვთისაგანო; ცოტა რომ დააკლდეს, რა უშავსო. რას ამზობ, ღვდელი, სთქვა დედა-ჩემმა, რაც კი არსებობს ქვეყანაზე ღმერთს უკუთხებია, რო გაუჩენია. მაშ რაღა საჭიროა კურთხევანი რო ყოველ დღე ხელში გიჭირავს, ეს ბაასი ვინ იცის, რამდენს ხანს გაგრძელებოდა და რითი გათავდებოდა, რომ მამაჩემს არ დაეყვირა: კარგია, ახლა რა დროს ეგ არის, მშაიაო. ყველამ ხმა ჩაიწყვიტეს და შეუდგნ გულს-მოდგინეთ ჭამას.

სუფრა სხვა-და-სხვა თავი საკმელებით აივსო, თავთავისი კერძი ყველას საყოფი ედვა წინ, მაგრამ მაინც მამა ჩემს მოართვეს ხელ-გობით და დაუდგეს წინ ასო-ასოთ აქნილი რაჭული ხბო, რომელსაც მოსაკითხათ უგზავნიდა ხან ერთს და ხან მეორეს. ისინიც თავყანისცემით მოახსენებდნ ხოლმე: „ღმერთმა ნუ მოგვაკლოს თქვენნი მოწყალებაო“. ამ დროს გავიხედე და შუა ოთახში რომ გამწყრივებულნი ბიჭები თავზე გვადგენ და ჩვენ ჭამას რომ უყურებდნ და ტუჩებს აცმატურებდნ, მათ რიცხვში ჩემი ძიძიშვილიც იდგა. თვალი მიქნია, მივხვდი, რაც უნდოდა, გავაპარე ხელი, ვტაცე შუა ძვალს და ელვასავით გადავუგდე. ბურთში გაჩვეულმა ბიჭმაც, რასაკვირველია, მიმინოსავით დაიჭირა და იგდო უბეში. ბევრმა თვალიც ვერ მოასწრო ამ ჩვენ ხორციტ გაბურთავებას,

მაგრამ დედა ჩემმა შენიშნა და სიცილით მითხრა: „შვილო, მარტო მაგას რომ მოუკითხე, სხვებს ხომ გული დაწყდებათო! მაგის ტოლა ბიჭები, ორი-სამი, ხომ ხედავ, სხვაც არისო! ისინი სულ შენი შინაყმები და ვეზირები იქნებიანო! მოუკითხე იმათაცო!“ მე დიდი სიამოვნებით ავასრულე დედის ბძანება და თითო ნაქერი გადავუგდე სამივეს. ეტყობოდათ, რომ ბურთაობაში ისინიც გაწაფული იყვენ, ორმა მათგანმა თითები ისე გამოკრეს ჰაერში მოტრიალე ხორცს, როგორც მიმინამ ბრჭყალები მწყერს, მხოლოდ ერთ იმათგანს, რომელიც უფრო მოზრდილი იყო, გაუვარდა ძირს. „აი დაგესხა თავსხლაფიო!‘ მიაძახეს აქეთ-იქიდან, „ვერ უოფილხარ ბატონის ერთგულიო!“ შერცხვა ბიჭს, მაგრამ ხორცის ნაქერი მარჯვეთ მომუქნა. „პალური მაგასო!“ ბძანა ბატონმა, მიცვინდენ პატარა ბიჭები და ჰკრეს პალური. საკვირველია! ეს პალური არც მეპალურეებს და არც საპალურე'ს არა სწყენიათ, შეიქნა ერთი საზოგადო სიცილი და ხარხარი. პატარა ბიჭებს პურიც გაღუგდეს და ისინიც სიამოვნებით გაცვინდენ გარეთ, რომ პირი ჩაეგემრიელებინათ. სუფრაზე ღვინოს არავის არ აძალებდენ, მხოლოდ მერიქიფეებს ეჭირათ ხელში ღვინით სავსე დოქები და დაიცლებოდა თუ არა ვისიმე ქიქა, მაშინვე აავსებდენ. საღლეგრძელოები არ იცოდენ, პირველს ქიქას რომ აიღებდენ, მაშინ კი პირჯვარს გამოისახავდენ და იტყოდენ: „დიდებაა ღმერთსა! მოწყალესა ერსა! ღმერთო გაუმაჯვე ბატონსა და ყმებსა, აქა მბძანებელსა! შენდობა მამაო“—ეტყოდენ ღვედელსაც და გადაჰკრავდენ ღვინოს. მერე კი იმდენსა სვამდენ, რამდენიც უნდოდათ. სამიზეზო საღლეგრძელოები-კი ფიქრადაც არ მოსდიოდათ.

სადილი რაც უფრო გძელდებოდა, უფრო და უფრო ეტყობოდა მხიარულება ყველას. იცინოდნენ, ხუმრობდნენ და სასცილო ამბებს ამბობდნენ, საცილსა და მუსაიფში ხანდახან ფარეშებიც გამოერეოდნენ, მაგრამ თავი კი მხიარულათ ეჭირათ. გათავდა სადილო, სუფრა აალაგეს, ფარეშებმა ხელი დააბანიეს ისევ ყველას და წავიდ-წამოვიდნენ. სახლში მხოლოთ დარჩნენ ბატონები. იმ დროში ნასადილევს ძილი ყველასათვის აუცილებელი საჭირო იყო და ამიტომ დედ-მამა საწოლ ოთახში დარჩნენ. მე კი სასტუმრო ოთახში შემეყვანეს და იქ დამტოვეს: „იყავი მანდო და როცა ძილი მოგინდეს, წამოწევი ტახტზე, მუთაქა მანდერ არიო, მიიღევი და დაიძინეო. სანამდის არ აგრილდება, კარში არ გაგიშვებთ, ხომ ხედავ, რომ სიცხით დადამიწას აღმური აღისო. ყოველი ცხოველი გამორეტებულია, ან ბრაზიანმა ძაღლმა არ დაგგლიჯოს, ან გელმა არ დაგკბინოსო. რო აგრილდება, მაშინ კი პატარა ბიჭებიც გამოიღვიძებენ და იხტუნეთ ერთად ეზოში, რამდენიც გინდოდესთო“. მომიკეტეს კარები და დამტოვეს მარტო. ეს პირველი შემთხვევა იყო ჩემ სიცოცხლეში, რომ მარტო დავრჩენილიყავი, და ისიც კარ-დაკეტილ ოთახში. დავღონდი და დავიწყე ფიქრი. მე გული ისევ ჩემი სოფლისაკენ მქონდა. „მართლია, აზისთანა სიცხეში, ვამბობ გუნებაში, მზეში ყოფა და წანწალი არ ვარგა, მაგრამ მაგიერათ რა სჯობია იმას, რომ ხეს ქვეშ ჩეროში იჯდე და დანასობიას ან კენჭობიას თამაშობდე! და აქ კი, არ ვიცი, რა უნდა გავაკეთო? ძილიო, რა მეუბნებიან, განა ძილის გუდა ვარ, რომ დღეც ვიკატრიאלო?“ ამ გვარი ფიქრები სევდასავით მომაწვეს გულზე და ყელში რაღაცა ბურთივით გაქეჩარა. უცბათ რაღაცამ გრიალი დაიწყო,

მივიხედვე კედლისკენ და შევნიშნე, რომ (თურმე კედლის სიათი იყო), თითქოს კოლოფის მსგავსი შეიძრაო, გაიღო კარები, გამოხტა გუგული, სამჯერ დაიძახა „გუგუ“-ო და შეყო ისევ თავი, დაიმალა. წამოგვარდი ზეზე, დამავიწყდა ჯავრიც, მწუხარებაც, ვიფიქრე: „ეს გუგული სად შემოფრენილა-მეთქი“. ის სოფელშიაც ვიცოდი, რომ გუგული ბუდეს არ იკეთებდა და სხვის ბუდეში სდებდა კვერცხებს. ვთქვი, სწორეთ მერცხლის ბუდეა აქა და იქ ზის მეთქი. მოვიხლოდი, რომ მივპაროდი და ქული დამეხურა ზედ. მივეპარე ფეხ-აკრეფით ნელ-ნელა, დავდგი სკამი და შევდექი ზედ, მაგრამ მაინც ვერ ავწვდი. საათი მალლა იყო ჩამოკიდული, სკამი სკამზე დავდგი და ისე ვაპირებდი მიპარვას, შევპოტინდი; მაგრამ ამდროს გამომისხლტა სკამი, გადმოგვარი და გამხდა ბრეგვა პოლზე. ხმაურობაზე გამოცვინდენ მეორე ოთახიდან და გაშვართული რომ მნახეს პოლზე, ჯერ შეეშინდათ, მაგრამ მერე-კი, რომ მნახეს არა მიჭირდა რა, სიცილი აიტყეს. მე შემრცხვა და მოვრთე ტირილი. გული ამომიჯდა და ველარაფერით ველარ გამაჩერეს, სანამდი ჩემმა უფროსმა დამ არ მომკიდა ხელი და არ წამიყვანა სამოახლოში, სადაც ჩემი ძიძაც სტუმრათ იყო.

დედა ჩემი დიდი ძველებურ-ოჯახის ასული იყო. 1820-ში, თეოფილაქტეს დროს, ქუთათელი და გენათელი რომ დააპატიმრეს და აჯანყება მოხდა, იმ აჯანყებულეების მეთაურად ითვლებოდა დიდი ივანე აბაშიძე, ახალციხეს მოკლული. ეს ივანე დარეჯან-ბატონიშვილის, პირველი სოლომონ მეფის ასულის, შვილი იყო და დედინჩემის მამა. აჯანყებულები რომ დაიმორჩილეს და დაამშვიდეს, (უნდა მოგახსენოთ, მისთანა აჯანყება არ ყო-

ფილა, რომ ხალხს რამე ძალადობა ეხმაროს; მხოლოდ უკმაყოფილებას აცხადებდენ პირდაპირ, დაუფარავად) აბაშიძის ოჯახი აიკლეს და მისი ცოლ-შვილიც სხვებთან ერთად ტყვედ წაიყვანეს. გურიის უკანასკნელი მთავარი, მამია გურიელი, ღვიძლი ძმა იყო აბაშიძის ცოლის; გამრესარჩლა დასა და დის-წულებს, იშუამდგომლა მთავრობასთან და ტყვეები, გარდა დარეჯან ბატონიშვილის ერთი უფროსი ვაჟისა, უკანვე დააბრუნეს გზიდან. მაშინ დედა ჩემი იყო 12 წლისა და ყველაფერი გულის ფიცარზე დაებეჭდა. აბაშიძის სახლობა დაბრუნდა, მაგრამ ყმა და მამული ჩამორთმეული დაუხვდა, ოჯახი აკლებული და განადგურებული. საზრდო რომ აღარა ჰქონდათ და პატრონიც აღარავინ ჰყავდათ, გურიის მთავარმა გადაიყვანა თავის ოჯახში და ცდილობდა, რომ მათი მწუხარება, მომავალის იმედებით, როგორმე გაექარებინა. ყველაზე უფრო დასევდიანდა თურმე დედა-ჩემი: ამას თურმე დარეჯან-ბატონიშვილი აგონდებოდა, რომელიც შვილსავითა ზრდიდა და ანებივრებდა, როგორც შესანიშნავ ბავშვს. დარეჯან ბატონიშვილისა არ იყოს, გურიელმაც განსაკუთრებული ყურადღება მიაქცია დედაჩემს. იმ დროს, როგორც სხვა ყოველ ქართველ დიდ-ოჯახებში, გურიელის სასახლეშიაც თითქმის შინა კაცებათ ითვლებოდნენ ფრანგის პატრები და დიდი გავლენაცა ჰქონდათ ოჯახებზე...

ამ ევროპიულათ განათლებულმა და გონება-განვითარებულ მეცნიერებმა დედა-ჩემზედაც დიდი გავლენა იქონიეს: მათი მეოხებით შესწავლილი ჰქონდა, სხვათა შორის, ექიმობა და მეურნეობა. რაც-კი იმ დროში ქართველ-ქალის ხელიდან გამოვიდოდა, ყველაფერი ზედმიწევნით იცოდა: იყო კარგი მწიგნობარი, მეოჯახე, მოხელ-

საქნარე და მასთანაც კარგი აღჭზდელი. ცნობის მოყვარეობასთან შრომის მოყვარეობაც შეთვისებული ჰქონდა: დილას, მამლის ყივილზე რომ წამოდგებოდა, დაღამებამდე ფეხზე იდგა და უსაქმურათ კაცი ვერ ნახავდა. „სიზარმაცე და უსაქმურობა დედა არის ყოველ-გვარ ბოროტებისაო“—იტყოდა ხოლმე და „კეთილი საქმე-კი იგივე ლოცვა, ვედრებაო“. მოსამსახურეს ყოველთვის თვალ-ყურს ადევნებდა, რომ ცუდი არა ჩაედინათ-რა. უსაქმოთ არავის გააჩერებდა... ყოველ გვარ ხელობას ასწავლიდა მათ და ზოგს წიგნსაც აკითხებდა. მაშინ, ბატონ-ყმობის დროს ამგვარი ქცევა საარაკო იყო და დედა ჩემის მოქმედებაც ბევრს თვალში ეჩხირებოდა. მკაცრობისა და მრისხანის სახელი ჰქონდა დავარდნილი, რადგანაც თავი მძიმეთ ეჭირა. „თუ თავი გაუყადრე ბრბოს, პირს შეგაჩვევს, აღარათ ჩაგაგდებს და რაც უნდა ურჩიო, აღარ დაიჯერებსო“—ამბობდა. სასახლეში მისი ყველას ეშინოდა და დიდი ხათრიცა ჰქონდათ. მაშინ მეც ისე მეგონა, როგორც სხვებს, რომ დედა ჩემი ცივგული და მრისხანე იყო, მაგრამ გონებაში რომ ჩავხვდი, მაშინ-კი გამოვიკვლიე სიმართლე. ის იყო ნამეტანი ჩვილი გულის მექონი და მოყვარული, მაგრამ დიდ-ოჯახში ნამყოფი, დარეჯან-ბატონიშვილის გაზდილი და პატრების ნამოწათარი, განგებ პირ-ბადეს იფარებდა, მხოლოთ კეთილი განძრახვით: უნდა გენახათ მაშინ, როდესაც სასახლეში ავათ ვინმე გახდებოდა, გინდ უკანასკნელთაგანიცა!... დღე და ღამ მოსვენება აღარა ჰქონდა და თავის ხელით უვლიდა, როგორც შვილს. ვაჭირვებულის დახმარება რჯულათ ჰქონდა დადგენილი. სულ სხვებზე ჰფიქრობდა და სხვებისთვის, თითქოს თავის საკუთარ პირადობაზე ხელ-აღებულო ყოფილიყოს, მუდამ მწუხარე-

ბაში იყო და ყოველ ფერიცვალობა დღეს მტირალი იჯდა ხოლმე. ამბობდენ: ამ დღეს რაღაც ძველებური ამბავი აგონდებო.

სულ სხვა ბუნების, მიმართულებისა და ხასიათის იყო მამაჩემი. უკანასკნელ დროში წერეთლები მძლავრობდენ და სახუცის ოჯახი კი, მთავრობისაგან ზურგ-მომაგრებული, ყველაზე ბატონობდა იმ დროს მამაჩემი დედის ერთა მცირე წლოვანი ობოლი ყოფილა; ბიძებიც გადავარდნილი ყოფილან, მეფე სოლომონს ხლებიან თან. ქვრივ-ობოლს ვინ არა სჩაგრავს და, რასაკვირველია, შეძენის სურვილით გატაცებული სახუცესიც არ დააკლებდა ხელს. ერთხელ სახუცის მოურავი მოსულა ბებია ჩემთან და მოუხსენებია: „თქვენ რომ ეზოში ძელქვის პატარა სახლი გიდგათ სახუცეს სურს, რომ დაუთმოთო“. პატრონს, რასაკვირველია, შორს დაუჭერია ეს ამბავი, მაგრამ მოურავს მაინც მიუყვანია მუშები, დაუნგრევია სახლი და გადაუტანია. გამწარებულ ბებია ჩემს სახუცისთვის წიგნი მიუწერია: „დიდო ზურაბ წერეთელი! გრცხვენოდეს უკადრისი საქციელისო. დაგვიმარტოხელე ქვრივ-ობოლი და სახლს თავზე გვანგრევო. ვინ იცის, დრო რას მოიტანს, თუ ღმერთმა ინება და ჩემი მაზლი შინ მშვიდობით დაბრუნდა, მაშინ დრო გადაბრუნდება და შენც ესევე საქმე მოგივაო“. პასუხათ ზურაბ წერეთელს აი, რა მოეწერა: „აბაშიძის ქალო, ენა დაიმოკლე, თორემ, ხომ იცი, დროც ჩემ ხელთ არის და გასავალიცო. ჩაგწერ სიაში და შენი ობლიანა მოზდოკში ამოგაყოფიებ თავსო!“ ამ მუქარით შეშინებული ქვრივი გაჩუმებულიყო, მეტი რა გზა ჰქონდა, და შეილსაც ისე უფრთხილდებოდა, რომ მუდამ გვერდში უჯდა და აღარსად უშვებდა. ამის ბრალი იყო, რომ მამაჩემი ში-

ნაკაცად იყო გაზდილი და მხოლოდ ის იცოდა, რაც დედა მისს ესწავლებია. მუდამ დედის კალთაში თავის დებას ისეთი ზედგავლენა ჰქონდა მამაჩემზე, რომ იმას მთელ მის სიცოცხლეში თვით-ნებობა და ახირებულობა ზნეთ ჰქონდა გადაქცეული. სძულდა ნადირობა, რაც იმ დროში მებატონეების ჩვეულება იყო, ეჯავრებოდა აქეთ-იქით სიარული და სულ სახლში იჯდა. შინაც არას აკეთებდა. ამბობდა: „კაცი სიმშვიდისა და მოსვენებისათვის არის გაჩენილი“. არც თვითონ შრომობდა და არც სხვას აწუხებდა. უყვარდა ძილი, აგრეთვე არ სწყინდა, როცა ხელავდა, რომ უსაქმური მოსამსახურეები მთელი დღე მხარ-თემოზე წამოწოლილი კოტრიალობდნენ სახლში. პირის გემო იცოდა, უყვარდა კარგათ ჭამა და სულ იმას იძახოდა: „არიქა, მშვიერი არავინ დარჩეს სახლში, დიდსა და პატარას, ყველას საყოფათ აჭამეთ“. ბუნებითად ნამეტანი გულ კეთილი იყო, შური და ბოროტება არ ესმოდა, რა იყო, მაგრამ ერთ უბრალო რამეზე უცბათ იცოდა გულის მოსვლა და მაშინ აღარ დაზოგავდა გინდ შორებელი ყოფილიყო და გინდ მახლობელი.

ეს ზნე მოუვლიდა ხოლმე უფრო ხშირათ მაშინ, როდესაც უნებურათ გამოადვიებდა ვინმე. მაგრამ სიფიცხე დიდხანს არ გასტანდა. მოვიყვან რამოდენიმე მაგალითს: ჩვენში, როგორც შოპის წინ ალილოზე, ისე სააღდგომოთ ჭონაზე დადიოდნენ ხოლმე მომღერლები. ერთხელ იმ დროს მოვიდნენ ჩვენსა მეჭონეები და დაიწყეს „ჭონა“, როცა მამა ჩემს ეძინა. „ალათასა, ბალათასა, ხელი ჩაჰკარ კალათასაო“, რომ შემოსძახეს, მაშინ გამოვლძვიდა მამა ჩემს და მიაშურა. მომღერლებმაც რომ დაინახეს ლომივით კაცი, პერანგის ამარა, თავ-შიშველა, ფეხ-შიშველა მათკენ მუქარით მიმართული, დაფთხენ, გადა-

ცვიდენ ზოგი აქეთ, ზოგი იქით ყორეზე, თავს უშველეს, მაგრამ თითო-ოროლა აქა იქ მოგროვებული კვერცხები კი სულ დამეტვრათ. მამა ჩემი გამობრუნდა და ზუბანა მოურავს: „შემიტყვე ვინ იყვენენ ვგ მექონეები, რომ ცოცხალი არ გადავარჩინო“. ამაზე დიდი ფიციც დასდვა, მაგრამ, რომ გამოიძინა და კაი გუნებაზე დადგა, ბევრი იცინა და თავის ბქანებაც გამოსცვალა: „შეიტყვეთ, ვინ იყვენ ის საცოდავები, რაც დამტვრევიათ კვეცხები სასახლიდან უზღვევით და, ამას გარდა, კარგათაც დაასაჩუქრეთო“. ეს ხასიათი რო იცოდენ მისი, მძინარის ყველას ეშინოდა და ფხიზელს კი არავინ ერიდებოდა. ოჯახის საქმეში არ ერეოდა, სულ დედი-ჩემის ხელში იყო, მაგრამ მამა ჩემის ახირებულობა ბევრჯელ ხელს უშლიდა და ამ ორს, სრულიად ერთმანეთის წინააღმდეგ ბუნების მექონ, ადამიანთ ხშირათ ჰქონდა ერთმანეთში საყვედური. დედაჩემს არ მოსწონდა მამიჩემის ყოფა-ქცევა, მაგრამ ბევრს უთმობდა. როგორც კი შეიქნებოდა შუა ღლე და გუგული თორმეტჯელ დაიძახებდა „გუგუს“, მამაჩემი მაშინვე სადილათ დაჯდებოდა. აღრე რომ მონდომოდა სადილი, მაინც არა სქამდა, უცდიდა გუგულს და მოთმინებიდან გამოსული ყვიროდა: „რა არის ეს რჯულდალი, რო ასე აგვიანებს და სასადილოს არ დაუკრავსო“. ესეები ყველა დედას არ მოსწონდა და ხშირათ ეტყოდა ხოლმე: „შენი ცოდვა მიეცეს, ვინც შენ აგრე გამოგზარდაო“. ამგვარი ახირებული ხასიათი ოჯახში მოსაწონი არ არის, როგორც წესისა და რიგის ამრევი, მაგრამ სასახლეში კი ყველას ვაჟბატონი უფრო უყვარდათ, ვიდრე ქალბატონი. საკვირველია, მრისხანე დედაჩემს არ უყვარდა არავის დასჯა, მხოლოთ სიტყვითა და შეხედულობით იყო საშიში. ხშირათ იპატივებდა ხოლმე

მამიჩემისაგან გულმოსულობით გაწირულს, მაგრამ მანც ყველა მრისხანეთა თვლიდა.

ერთხელ მოკლილი ფარეშები წასულიყვენ შეშის მოსატანათ, ტყე იქვე ახლოს იყო; თითო კონის შეკვრას, რასაკვირველია, დიდხანს არ მოუწდებოდენ, მაგრამ დაღამებამდი მანც რათ დაბრუნდებოდენ სასახლეში; დარჩენილიყვენ სათამაშოთ და, სხვათა შორის, „ტირილობია“ ეთამაშნათ: გადააფარებდენ თურმე ჩოხას შეშის კონას, დახურავდენ ქუდს, ერთი მიუჩოქებდა, ორი იქით-აქეთ ხელს მოჰკიდებდა და სხვები ზარს ააყოლებდენ მოთქმით ტირილს, ვითომ და მკვდარიო; ხან ერთმანეთს ტიროდენ, ხან თურმე მოურავს, ხან ხელოსნებს, ხან შხარეულებს, ხან ვისა და ხან ვის. ამ ხანად თურმე რიგი მოურავზე მიმდგარიყო. იმასაც გაეგო, გული მოსვლოდა და ბატონს დააბეზლა: „თქვენ გტიროდენო“. მამიჩემს გული მოუვიდა. მიაყვანია მომტირლები და მათი საქმე ცუდათ იყო, თუ დედაჩემი არ გამოსარჩლებოდა: „როგორ გეკადრება აგრე გამოურკვეველად გარისხებაო, ტირილიც არის და ტირილიც არისო. ვინ იცის, რა სიტყვებს ამბობდენო. ეგება მართლა წარმოიდგინეს, რომ ბატონი აღარა გყავდეს, რა დღეში ჩავცვინდებითო და იმას მოთქვამდენო“. ამის გამგონე ბიჭებმა გული მოიცეს და შეჭფიცეს: „შენი ხატი ნუ გაგვიწრება, ჩვენ თქვენი ხსენება არ გაგვებდოს და ღმერთმა ნუ მოგვაწაწროს მაგ დღესაო. ჩვენ მხოლოთ მოურავი ვიტირეთო“. მამიჩემს გაეცინა და ბრძანა: „კარგი, აღარ დაგსჯით, მაგრამ გაიმეორეთ კი ახლავე, როგორ იტირეთ მოურავიო“. იმათაც, რასაკვირველია, შემოიტანეს შეშის კონა, გადააფარეს ჩოხა და შექნეს ღრიალი: „ვაიმე, მოურავო“ და შექნა კამედია. სათითაოდ ატირეს სუყველამ. დიდმა, პატარამ,

ვინც კი ოჯახში იყო, თავი მოიყარა, შეიქნა ერთი საზოგადო მხიარულება, ასე გაშინჯეთ დედაჩემიც კი მეორე ოთახში იჯდა და ცდილობდა სიცილი შეეკავებია. ცუდ გუნებაზე იყო მხოლოდ მოურავი და მეორე დღეს მოციქულიც მოუგზავნა მამაჩემს: „თუ შეიძლებოდეს, რამდენიმე ხნით დამითხოვეთ, რომ სახლში წავიდეთ“.

ეგება ვინმემ იფიქროს, რომ ამ გვარი საქმეების ჩამდენი და საქმეში აჩქარებული მამა ჩემი მჩატე ჭკუის ყოფილიყო. სრულიადაც არა, ძლიერი გონების კაცი იყო, მოსწრებული და ენა-მჭევრი, თუმცა კი ხშირათ ენა-მწარეც. დედა ჩემი იტყოდა ხოლმე: „ამ ჩემ შვილებს მამა მისის ენა გამოჰყვიათ, დახურდავებულო“. ჩვენ ხუთნი და-ძმანი ვიყავით, ღვთის მადლით, არც ერთს არ გვქონია სუსტი ენა და აქედან შეგვიძლია ვიგულისხმოთ, თუ რა უნდა ყოფილიყო მამა ჩემის დაუხურდავებელი ენა? სწორეთ, სასიამოვნო და საყვარელი სანახავი იყო მამაჩემი, როდესაც გუნებაზე იყო. იმას რო სწავლა მიეღო და ცხოვრებაში განვითარება ჰქონოდა, შესანიშნავი რამე იქნებოდა, მაგრამ ნამეტან გულ-კეთილობასთან შეერთებულ გულ-ფიცხობას სულ სხვა ბეჭედი დაესვა და თუ დედა ჩემი არ ყოფილიყო, ოჯახში ყოველიფერი არეულ-დარეული იქნებოდა. ამას თვითონ მამაჩემიც გრძნობდა და დამშვიდების დროს, დიდი პატივის მცემელიც იყო კოლის ნება-სურვილისა. მიუხედავად მისი ახირებულობისა, გარეშეებსაც ძალიან უყვარდათ მამა ჩემი და მთავრობაც დად პატივსა სცემდა სიმართლისა და პირდაპირობისათვის და ბევრ რამესაც უთმობდა. ერთხელ გენერალ-გუბერნატორმა გაგარინმა დაიბარა: „მოდით ახლავე ჩემთან, უნდა მოგილოცო ხელმწიფის წყალობა“. ბზობა დღე იყო. მივიდა მამაჩემი. გაგარინმა მიულოცა და უთხ-

რა, რომ ხელმწიფის „ბლალოვოლენიე“ მ. აგივიდაო. მამა-ჩემს იამა და დაჯდა, დაუწყო ცდა, როდის ჩამაბარებენ „ბლალოვოლენიესო“: იცადა, იცადა, სადილობა გადავიდა, მამაჩემმაც მოთმინება დაჰკარგა და მიაძახა: „თუ მიბოძებთ, მიბოძეთ, ეგ რაღაც „ბლალოვოლენიე“ არისო!“ გუბერნიის მმართველს გაეცინა და უთხრა თარჯიმანის პირით: „ბლალოვოლენიე“ უმაღლესი მადლობა არისო“. მოთმინებიდან გამოსული მამაჩემი წამოვარდა ზეზე და მიაყვირა: „ღმერთმა უმაღლური გამყოფოს, უსადილოთ დამტოვეთ! დღეს ბზობაა, მაგას ერთი კარგი ზურგიელი მერჩიაო“—სთქვა და გამოვარდა გარეთ. არ გაუვლია ნახევარ საათს, რომ ჩვენსა თარჯიმანი მოვიდა, გაგარინის გამოგზავნილი, თანაც ერთი წყვილი დიდროვანი ზურგიელი მოიტანა: „ეს მიახლებია შენთვისო— შემოეთვალა გუბერნატორს, და „ბლალოვოლენიეც“ კიდევ სხვა იყოს ზედ მეტათო“. რასაკვირველია, სრულიათ დაკმაყოფილებულმა მამაჩემმაც დიდი მადლობა შესწირა.

მამაჩემის ახირებული ხასიათის ასახსნელათ ბევრი რამ სასაცილო შემთხვევა მახსოვს.

ფოტოგრაფია რუსეთში ახალი შემოდებული იყო. ჩემ ძმას გადაეღო თავისი სახე და გამოეგზავნა. უწყება მოგვივიდა; მე გიმნაზიაში მიმეჩქარებოდა და დავიბარე შინ: რომ დავბრუნდები, ფოსტიდან გამოვიტანთქო. მამაჩემს სულმა აღარ მოუთმინა და თითონ თურმე წავიდა ფოსტაში; შევიდა, ნახა, რომ ყურადღება არავენ მიაქცია, მიიხედ-მოიხედა, სკამიც ვერსად დაინახა, რომ დამჯდარიყო. დგას ფეხზე სხვებთან ერთად და ფიქრობს გუნებაში: ეს რას ნიშნავს! სადაც შევდივარ, ყველგან დაბძანდის მეუბნებიან და სკამს მიდგმენ და ეს კი ვიღაც არის, ბუზათაც არ მაგდებსო. ფოსტიმისტერი ახალი

დანიშნული იყო და მამაჩემს არ იცნობდა. მამაჩემმა ერთხანს იცადა და ბოლოს, რომ მოთმინება დაჰკარგა, მივიდა და უთხრა:

— კიდევ დიდხანს გინდა, რომ მაცდევინო, მომეცი ჩემი ილიკოს გამოგზავნილი თუ რამე იყოს და გამისტუმრე.

— ილიკო ვინ არის?— ეკითხება განკვირვებული ფოსტიმეისტერი.

— ილიკო ვინ არის? ვინ არის და ჩემი შილი, ხემწიფე იმპერატორის მოსამსახურე— კანვოი.

— მე ვერ ვიცნობ.

— ოხ, შენ თუ არ იცნობ, მაშ პური ვეღარ უჭამია! იმ კაცს სასახლეში იცნობენ და შენ, აჰ, გინდ იცანი და გინდ არა.

— ყოველიფერი კარგი, მაგრამ თითონ თქვენ ვინლა ბძანდებიო?

— მე? თავადი როსტომ წერეთელი.

— ვერც თქვენ გიცნობთ.

— ახლა ხომ გეუბნები ვინცა ვარ.

— ეგ არა კმარა.

— მაშ, ხატზე ხო არ გინდა, რომ შემოგფიცოთ?

— ფიცი რა საჭიროა, წადით და მოწმობა მოიტანეთ.

ნეთ.

— მოწმობა?! რისი მოწმობა?

— მისი, რომ სწორეთ თავადი როსტომ წერეთელი ხარ.

მერე და ვის უნდა გამოვართვა ეგ მოწმობა?

— პოლიციაში, კვარტალს.

აჰ მამაჩემმა მეტი შეურაცხყოფა ვეღარ აიტანა და სტაცა კისერში ხელი...

შეურაცხყოლილი ფოსტიმეისტერი გაიქცა საჩივლე-
ლათ პირდაპირ გუბერნატორთან. დაიბარეს მამაჩემი. შე-
ვიდა თუ არა ზალაშა, მაშინვე საყვედურით მიმართა
გუბერნატორს: მთელი ხმელეთი ხელში გიჭირავთ და
კაცებს ვეღარ შოულობთ, თუ როგორ არის თქვენი
საქმე, რომ ვიღაც გიყებს და მასხარებს ნიშნავთ?

— როგორ? რა ამბავი იყო? რა ჩაგიდენიათო? —
ეკითხება გუბერნატორი.

— როგორ თუ რა ჩამიდენია! დიდმა იმპერატორ-
მა ალექსანდრე პირველმა დამამტკიცა თავად როსტომ
წერეთლად, ნიკოლოზმა ხელი მოაწერა, ალექსანდრე
შეიარემ ბეჭედი დაუსვა და ახლა, ეს ვიღაც ოხერია, სა-
მი დიდი ხემწიფის მონიჭებულ წყალობას ისე მართმევს
და მხდის, თითქო მაგის შეკერილი ჭოხა-ნაზადი იყოს!
მეუბნება, რომ ეგ ყოლიფერი ჩალათაც არ ღირს, თუ
პოლიციაში არ წახვედი და იქ ხელ-ახლა კვარტალმა,
მაქსიმე მგალობლიშვილმა, არ დაგამტკიცაო.

— ეგ ყოველიფერი კარგი, მაგრამ თქვენ რაღა უპა-
სუხეთ.

— საპასუხო რა მქონდა?! რისიც ღირსი იყო, კიდე-
ვაც მივანიჭე.

— მაშ, აღიარებ, რომ შეურაცხყოფა მიაყენე?

— რას ამბობთ? როგორ თუ შეურაცხყოფა?! ჩემი
საყინათ აგდება რომ კიდევ ამეტანა, რა ნება მქონდა,
რომ მთავრობის შეურაცხყოფა დამეთმო მაგისთვის?

— ხელი შეახეთ?

— არა, ისე, კისერში წავავლე.

— მეტი არაფერი?

— როგორ არაფერი. გადმოვლუნე და სამიოდე ჯო-
ხი ვზუზდე, ერთი ჩემი გაკიცხვისთვის და ორიც — მთავ-

რობის შეურაცხყოფისთვისო. ამას ისეთი გულ-მოსულობით ამბობდა, რომ ვერც თითონ გუბერნატორმა და ვერც მისმა ჩინოვნიკებმა სიცილი ველარ შეიკავეს. ბოლოს, როდესაც აუხსნეს მამაჩემს მისი შეცდომა, შეწუხდა, მიუბრუნდა იქვე მდგარ ფოსტიმეისტარს და უთხრა: — „შეცულო კაცო, მე რა ვიცი ახალი რიგ-სა და წესებისა? რომ მნახე, შემოვედი ერთი უსწავლელი, ადამის ხნის კაცი, აგეხსნა ჩემთვის, რასაც ახალი კანონები გეუბნებიან, თვარა: მე შემოვდივარ ზრდილობიანათ, შენ კი ისე მიბღვერ, თითქოს შენი მოსისხლე მტერი ვყოფილიყო. სხვა რომ არა იყოს რა, ყმაწვილი ხარ, ჩემი ჭაღარასთვის მაინც უნდა გეცა პატივიო“. ეს საქმე ბოდიშითა და მორიგებითა გათავდა. შემდეგ დიდი მეგობრებიც იყვენ მამაჩემი და ის მისი მონათლული ჩინოვნიკი. ყოველ დღესასწაულების წინ, საშობოთ, საახალწლოთ, სააღდგომოთ, დიდ მოსაკითხებს, როგორც მეგობარს, უგზავნიდა ხოლმე მამაჩემი და ისიც დიდი მადლიერი იყო: მოუვიდოდა თუ არა მამაჩემს მისი შევილების წიგნები რუსეთიდან, თვითონ პოსტიმეისტერი მოარბენინებდა ხოლმე მამაჩემთან და აღარც კითხულობდა: „ქტო ტაკოი როსტომ წერეთელიო?“

კულებიაკინი ჭკუიანი და კეთილი კაცი იყო და ხალხსაც ძალიან უყვარდა, მაგრამ ერთი წუნი ჰქონდა: უცბათ რაღაცა მოუვლიდა და აყვირდებოდა ხოლმე, მაშინ მის მრისხანებას საზღვარი აღარა ჰქონდა. ამ გუბერნატორს ჩვეულებათ ჰქონდა, რომ სადმე წავიდოდა სოფლათ, სვიტას იახლებდა და წინ ბაირალს გაიძლოლებდა. ერთხელ საჩხერეშიც ამ გვართ მოვიდა. თითქმის მთელი საწერეთლო, დიდი და პატარა, თავად-აზნაურებთაგანი, შუა გზაზე მიეგება და თან წამოჰყვა. კულე-

ბაკინმა თავ-მომწონეთ თავის ბელაური შეათამაშა. ცხენს რაღაცა წასცდა. ერთმა ახალგაზღდათაგანმა თ. ა. მ. სიცილი აიტეხა. გუბერნატორმა შეჰყვირა თავასებურათ! ახალგაზღდა უადგილო მხიარულებისათვის გაქაჩეს და სატუსალოში, ქუთაისისაკენ, უპირებდენ გაგზავნას...

მამაჩემი თავის ღროზე გათქმული მოჭადრაკე იყო, ვერავინ უგებდა. განსაკუთრებით ღენერლის შტაბის აფიცრები იყვენ მონდომებული, რომ როგორმე მოეგოთ, მაგრამ ვერას აწყობდენ. ერთხელ ღენერალ-გუბერნატორს — გ. ერისთავს — შემოეთვალა: თბილისიდან ერთი შესანიშნავი მოჭადრაკე პოლკოვნიკი გვეწვია, შენთან თამაში სურს და, თუ დრო გაქვს, მოდი, ჩემთან არისო. აბა, შენ იცი, თუ შენებურათ გვასახელებ ქართველებსო. მამაჩემიც წავიდა და გაიმართა თამაშობა. პოლკოვნიკმა დაინახა, რომ მოპირდაპირე ახირებულათ ეთამაშებოდა და ჰკითხა: თქვენ, როგორც პირველსავე გამოსვლაზე გეტყობათ, თეორია არ უნდა იცოდეთო: კუთხის პაიკი რა ხელმოსაკიდებელი იყო.

— თეორია რა არის? — ეკითხება მამაჩემი.

— სხვა-და-სხვა სათამაშო კანონები.

— ჩვენ, ქართველებმა, ერთი კანონის მეტი არ ვიცით: ისე უნდა ეთამაშო, რომ მოპირდაპირეს მოუგო.

— ეგ მართალია, მაგრამ უთეორიოთ არ შეიძლება.

— არ ამიხსნით მაინც, რა არის თეორია?

— სხვა-და-სხვა გამოჩენილი მოჭადრაკეების ნათამაშევი, რომელიც სხვებისთვის სამაგალითო კანონათ ღარჩენილა.

— ჰო, ისეც კარგი დაგემართოს. ისინიც ხომ ჩემისთანა მიწიშვილები იქნებოდენ, ციდან ხომ ვერ ჩამო-

ფრინდებოდენ. ახლა ჩემ თამაშსაც უგდე ყური და, თუ მოგეწონოთ, ჩაწერეთ და თეორია იქნებაო.

პოლკოვნიკმა დაიწყო თამაში და არ გაუვლია დიდხანს, რომ კიდევ წააგო. შეწუხდა და თქვა: „აშიბკაო“. ითამაშეს მეორე, კიდევ წააგო და თქვა: „აშიბკაო“; მესამე, მეოთხე, მეხუთე!.. გაცხარებული პოლკოვნიკი აგებს და თან იძახის: „აშიბკა, აშიბკაო“. მამაჩემს გაეცი-ნა და უთხრა: პოლკოვნიკო, ტყუილად ნუ ფიქრობ რომ მოიგო, სანამ, ეგ ვილაც „აშიბკა“ გადაგკიდებია, მაგას თავიდან არ მოიშორებო! ეს ხუმრობა მის მოპირდაპირეს ეწყინა, შეურაცყოფათ მიიღო და ხმა-მალლა ლაპარაკი დაიწყო. მამაჩემმა დამშვიდებით უპასუხა: ნარდი, ჭადრაკი და სხვა ამ გვარი სათამაშოები სასიამოვნოთ და დროს გასატარებლათ გამიგონია ჩვენშიო, ხუმრობაც შეშვენის და მეც ჩემი ქვეყნის ჩვეულებაზე ვადგივარო და თქვენში თუ საწყენი და გასაჯავრებელი ყოფილა, ჩემთან რა გინდა, ისევ თქვენებთან გეთამაშნაო. გაჯავრებულმა დაავლო ქულს ხელი და გამოვარდა გარეთ. აი, ამისთანა ხასიათის კაცი, რომელიც გარეთ, სხვაგანაც არ იშლიდა თავის ახირებულობას, რა უნდა ყოფილიყოს შინაურობაში, სადაც დაზოუკიდებელი ბატონი იყო? მართლაც, ბევრს ახირებულობას ჩადიოდა და ხელს უშლიდა დედრიემის ყოველთვის წინ-და-წინ მოფიქრებულ და გონივრულ განკარგულებას.

მახსოვს, ერთი გლეხი გადაგვიშენდა და ოჯახში არავინ დარჩენილა, გარდა ერთი ოთხმოცდაათი წლის მოხუცისა, რომელსაც აღარც მამულის მოვლა შეეძლო და აღარც თავის საკუთარი თავისი რჩენა. რომ საგლეხო ადგილ-მამული არ გამცდარიყო, მამაჩემმა მოინდომა იმ ბერაკაცის სასახლეში გამოყვანა. მოხუცმა, რასაკვირვე-

ლია, შორს დაიჭირა თავის სახლ-კარის თავის დანებება; იმას უნდოდა, რომ თავის სიცოცხლეში არ ენახა მის ქობში გამქრალი ცეცხლი, იქვე მომკვდარიყო, სადაც მისიანები ცხოვრებდნენ და ბოლოს იმათვე საფლავს ამოწოლოდა გვერდით. ნებით რო ველარ დაიყოლიეს, ბატონმა ბძანა, რომ ძალით გამოეყვანათ და კიდევ გაუგზავნა კაცებო. ეს ამბავი არავის არ მოსწონდა სასახლეში: მოსამსახურეები, ბიჭები, გოგოები, ყველანი ჩურჩულობდნენ: ნამსახური კაცი თავის სახლიდან რა გასაგდებიაო? ნაერგთგულარს და ნამსახურს კაცი ძაღლსაც არ გაიმეტებსო. ამას მოვკარი მე ყური და გავიქეცი მამაჩემთან. ის ნიგოზ ქვეშ ჩეროში იყო მხარეთქოზე წამოწოლილი; მივედი და ვკითხე: მამა ბატონო, ჩვენი მურა რო დაბერდეს, აღარაფერი არ შეეძლოს, აღარც ყფა და აღარც ღრენა, მაშინ რაღა ვუყოთ მეთქი?

— რაში გეკითხება, შვილო? თუ მანგრე დაბერდება, მკაღს აქმევენ და იქნება თავისთვის, სანამ არ მოკვდებაო.

მაშ, თუ მანგრეა, კაცი უკეთესი არ არის ძაღლზე მეთქი. ბერიკაცს რომ თავის სახლ-კარს აშორებ და გაგამოგყავს, ის კი არ გეცოდება-მეთქი.

ამ სიტყვებმა ისე დააფიქრეს მამაჩემი, რომ ხელ-ახალი განკარგულება მოახდინა: თავი დაანებეთ იმ ბერიკაცს, დარჩეს თავის სახლში და საზრდოც მიუჩინეთო. მასუკან ხშირათ იტყოდა ხოლმე: ჩემი დაუფიქრებლობით კინალამ ცოდვაში ჩავეარდიო, მაგრამ ანგელოზმა მამხილა ბავშვის პირით, ვენაცვალე იმის ძლიერებასო.

ხშირათ მამაჩემს სახარების კითხვა უყვარდა, მაგრამ იმ კილოთი, რა კილოთიც წირვაზე კითხულობენ ხოლმე და ისე გაიტაცებდა ხოლმე კითხვა, რომ სახარებაში გამოხატულ პირებს ემუსაიფებოდა. მაგალითად: „ჰი

შენს მადლს“, „ვენაცვალე შენს სახელს“ „იცის, ბიჭმა“ და სხვანი და სხვანი. ამგვარ სიტყვებს ჩაურთავდა ხოლმე, მოსაწონ აზრს მოიწონებდა და საგმობელს გმობდა. ერთხელ, სახარების კითხვის დროს, როდესაც მივიდა იმ ადგილამდინ, სად-ც ფარისევლები შეცდენას უპირებდენ ქრისტეს და ქრისტეც უბძანებდა მათ: „მიეციტ კეისრისა კეისარსა და ღეთისა ღმერთსაო“, მამაჩემმა ჩვეულებრივით წამოიძახა: დაგესხათ თავს ლათი, გინდოდათ, რომ მოგეტყუებიათო? ჰოი, ახლა ნეტავი თქვენნი თავი მომცა ხელში. რომ ეგ წვევრები სულ ღერ ღერათ დაგაგლიჯოთო! ამ სიტყვებს დედაჩემმა მოჰკრა ყური. გამოვიდა მეორე ოთახიდან და ჰკითხა: ბატონო, ვის უჯავრდებით მაგრე გულითო? — ვისა და ამ შეჩვენებულ ფარისევლებსაო — გულმოსულათ უპასუხა მამაჩემმა.

— შე დალოცვილო, მაგ სიშორეს რომ არ წაეპოტინო—მიუგო დედაჩემმა—შინ რომ საკუთარი ფარისეველი გყავს, რატომ იმას-კი არაფერს ეუბნებიო? შენმა მოურავმა მთელი ოჯახი აურ-დაურია, მაგის თავგასულობას საზღვარი აღარა აქვს. რამდენი ხანია გეხვეწები, რომ ამ ოჯახს ეგ როგორმე მოაშორო, მაგრამ ის ფარისეველობით თვალებს გიხვევს და ჩემი აღარა გჯერარაო. ამის თქმა და მამაჩემის ზეზე წამოვარდნა ერთი იყო: მომგვარეთ მოურავიო—დაიყვირა. მოიყვანეს ნამძინარევი მოურავი, მაგრამ, სანამდი ის რასმე იტყოდა, მიაძახა ბატონმა ბიჭებს: „მე ფარისეველი სახლში აღარ მინდა, დააყოლეთ ეგ შეჩვენებული თავ-დაღმართზე და მიაყოლეთ პანღური, რომ სასახლისაკენ პირი აღარა ქნასო!“

ეს მოურავი, მართლა საძაგელი რამ იყო, მაგრამ მამაჩემი მაინც არ ელყოდა და დედა-ჩემმა, რომ იცოდა

მამიჩემის ხასიათი, სახარების კითხვაში შეურჩია დრო და ძლივს გადაარჩინა ოჯახი იმ ცუდი მოურავისაგან.

ამით ვათავებ მამაჩემზე საუბარს, თუმცა ბევრი რამ შემეძლო, რომ კიდევ მეთქვა.

ჩვენი სახლის ზედა სართულს ოღა ერქვა, ქვედას, პალატი და ორივეს საერთოდ-კი—სასახლე, რომელსაც ირველივ, სამი კუთხით სხვა-და-სხვა შენობა ერტყა: სამოახლო, საფარეშო, სახაბაზო, სამზარეულო, ბგლეები, საბძლები, სასივინდეები, მარანი და სხვა-და-სხვა ხულები. იმათზე ცოტა მოშორებით საჯალაბო იყო და იმ საჯალაბოს გარს ერტყა საჯინიბო, სათხებო, სალორე, საქათმე, საბატე საინდოურე და სხვანი. სამოახლოში ქალები იდგენ და სამ ხარისხოვანათ იყოფებოდენ: გამდლებათ, მოახლეებათ და გოგოებათ. გამდელი, როგორც ოჯახის ერთგული, ნამსახური და მოჭირნახულე, დიდპატივში იყო, ხმა ჰქონდა საოჯახო საქმეში და ბატონიშვილების გამოზდაც მის ხელში იყო. ეს ყოველ ოჯახში საზოგადოთ ძველთაგანვე მიღებული იყო, მაგრამ დედა ჩემი-კი ამ კანონს არ დასდევდა და უფრო თვითონ ზდიდა შვილებს. მოახლე, ქალბატონთან თანშეზდილი და ნამზითვი, მისი ხელზე მოსამსახურე იყო; გოგო-კი—ყველას მორჩილი და მოსამსახურე იმათ გამდლები ადევნებდენ თვალ-ყურს და სწვრთნიდენ; საქმე არ გამოეღეოდათ ხოლმე: ჭრა, კერვა, ქსოვა, ქარგვა, რეცხვა, აბრეშუმის მოყვანა და სხვა ამგვარი რამ ხელსაქნარი მათი პირდაპირი მოვალეობა იყო. კაცებს უფრო ცოტა საქმე ჰქონდათ სასახლეში. სახაბაზოში ხაბაზები იდგენ; დღეში ორჯელ გაახურებდენ თორნეს, გამოაცხობდენ საცხობს და სხვა საქმეს, რაც უნდა საჭირო ყოფილიყო, ხელს არ მოჰკიდებდენ. სამზარეულო მზარეულებს ეჭი-

რათ ხელში და ისინიც ხაბაზობის კვალობაზე მიდიოდნენ. მარან-ბეღლები ხელოსნებს ებარა, სასიმიინდე და ხულებიც მათი საქმე იყო; საბძლები კი მეჯინიბეებს ჰქონდათ მიჩენილი. მოჯალაბე და მწყემსები ცალკე წრეს შეადგენდნენ. ყველას თავისი საკუთარი, ძველითგანვე დაწესებული და გადაჭრილი საქმე ჰქონდა: სხვა საქმეს ხელს არ ჰკიდებდა, სხვების საქმეში არ გარეოდა; იცოდა მხოლოდ ის, რაც მისა საქმე იყო და კიდევ ასრულებდა, თქმა აღარ უნდოდა. ეს ყველა ასე იყო, მაგრამ, რადგანაც ამგვარა საქმის კეთება მაინცა და მაინც ბევრ დროს არ მოითხოვს, ბატონი მხლებლებიც უმეტეს ნაწილათ უსაქმურათ ბრძანდებოდნენ და სიზარმაცით დათენთილი იყვნენ. მხოლოდ ფარემებმა არ იცოდნენ, რა უნდა გაეკეთებიათ, თუ ბატონები არ მიუთითებდნენ, ისე, თავის თავად, ხელს არაფერსა ჰკიდებდნენ.

ჩვენ სახლს წინ დიდი ეზო ჰქონდა, სადაც უზარმაზარი ნიგვზები, ანუ, როგორც ზოგან ეძახიან, კაკლის ხეები საჩრდილებლათ თავ-მომწონეთ შლიდნენ შტოვნილ სახლის წინ კარის ეკკლესია იყო აგებული უკან საქალეზოთი. ძველათ, საქართველოში არც ერთი ეკლესია არ აშენდებოდა ისე, თუ უკან საქალეზოც არ ექნებოდა მიდგმული. წირვა-ლოცვის დროს საყდარში წინ კაცები იდგნენ და უკან საქალეზოში-კი ქალები. რასაკვირველია, არავის მამაკაცთაგანს ფიქრათაც არ მოუვიდოდა, რომ ზურგი მიექცია ხატებისაკენ და ქალებისათვის დაეწყო ცქერა!. დღეს-კი, როდესაც რუსულ წესზე აშენდა ჩვენი საყდრები და საქალეზოს აღარ აკეთებენ, ქალები და კაცები არეულათ შედიან საყდარში. ნახევრად ტიტველა ქალები თვალს იტაცებენ კაცებისას და მლოცველებსაც ზეციური სასოება ქვეყნიურ იმედებზე

გადააქვთ. სიხლი უღელავთ და გულისთქმა ებილწე-
ბათ. თითქმის ყოველ დიდ ოჯახს ჰყავდა ძველათ საკუ-
თარი მღვდელი; წირვა-ლოცვა გაუწყვეტელი იყო და
აღრე მღვდელსაც უფრო პატიესა სცემდენ, ვიდრე დღეს.
მეფე და მთავრებიც შენდობას თხოვდენ მღვდელს და
ხელზე ეამბორებოდენ; მხოლოთ ბატონები თავის სა-
კუთარ მღვდლებს, რადგანაც სულ ერთად იყვენ, არა
ჰკოცნიდენ ხელზე, ამიტომაც დარჩენილა ჩვენში ანდაზა:
„შინაურ მღვდელს შენდობა არა აქვსო“.

აი, ვრცელი სახე, როგორც საზოგადოთ ყველა
დიდ-ოჯახებისა, ისე ჩვენი მოსახლ-კარობისაც! ახლა, ეგება
ვინმემ იკითხოს, თუ რათ უნდოდათ მაშინდელ ბატონებს
ურიცხვი ფარეში სასახლეში მაშინ, როდესაც საქმე არა
იყო რაო? ამის მიზეზი იყო მაშინდელი ბატონ-ყმობის წესი
და რიგი, ძველათგანვე ისე რჯულათ დაკანონებული, რომ
მისი გატეხა ცოდვით მიაჩნდათ.

ბატონ-ყმობა ჩვენში პირობით იყო და არა უსაზ-
ღვრო, როგორც სხვაგან. ყმებმა იცოდენ, რა უნდა გა-
დაეხადათ, ბატონებმა—რა უნდა გადაეხდევინებინათ და
ორივე მხარე შეურყევლათ ასრულებდა თავის მოვალეო-
ბას. სხვა-და-სხვა გვარის და სხვა-და-სხვა სოფლის გლე-
ხები, სხვა-და-სხვა გვარათ იყვენ დაბეგრული, ზოგს მეტი
ემართა, ზოგს ნაკლები, ზოგს სულ ამოკვეთილი ჰქონ-
და ბეგარა და გააზატებული იყო. ერთ ჩვენ გლეხთაგანს,
სხვათა შორის, ნახევარი კვერცხიც ემართა. ყველიერის
დაურწყებას ჩამოვიდოდა სასახლეში, სამზარეულოში შე-
წავდა კვერცხს, გაფუკქვნიდა, მერე გაჰყოფდა ძუით შუა
და ნახევარ კვერცხს მიართმევდა ბატონს, როგორც
ბეგარას. ნახევარ კვერცხის ბეგარა ისე აწუხებდა იმ გლეხს,
რომ რამოდენჯერმე თხოვა ბატონს: ამომიკვეთე და ერთს

ძროხას მოგართმევო, მაგრამ პასუხად ამას ეუბნებოდა: საშვილი-შვილო ვალდებულება რომ მე მოვსპო ძროხის გულისთვის, ეს ღორმეუკლობა იქნება და თუ სხვებ გამოიჩინ როგორმე თავს ერთგულობით, მაშინ კი შეიძლებაო. მართლაც, ჩვენს სამოახლოში სახადი გაჩნდა, ავათმყოფები გადახიზნეს. საორმოცომ ისე შეაშინა ყველა, რომ ავათმყოფებს არავინ ეკარებოდა; მაშინ ამ გლეხკაცმა იშოვა დრო, დაადგა თავზე ამ გადაწოლილებს და უპატრონა. ამ ერთგული სამსახურისათვის ამოუკვეთეს ნახევარი კვერცხის გადახდა.

ერთ გლეხს წელიწადში ათი კოკა ღვინო ემართა; ერთ წელიწადს ღვინო აღარ მოუვიდა და ბატონმაც კოლოტებით ღვინის მაგიერ ათი კოკა წყალი გამოატანია და ჩაასხმევინა ჭურში. ღვინო რომ არ მოუვიდა, ის ღვთის ნება იყოო, გლეხკაცს მუშაობა და შრომა მაინც არ დაკლებიაო და რაც არა აქვს, რა უნდა გადავხდევინოო, მაგრამ წყალი ხომ ზედ კარზე ჩამოუდისო და მიტომ გამოვატანინე, რომ არ იფიქროს, ბეგარა ამოკვეთილი მაქვსო. რაც მამა-პაპიდან არ მართებს, იმაზე მეტს არას ვთხოვ, მაგრამ რაც მართებს, იმას კი ვერ შევარჩენო, რადგანაც მამებს ასე გადმოუციათ ჩვენთვის და შეიღებსაც ასე უნდა გადავცეთო. თვითონ გლეხებიც მტკიცეთ იღვენ თავის პირობაზე და ნამეტანის გადახდას სიკვდილს არჩევდენ.

როგორც სოფელი შრომა ქათმით, რაქა ხბოთი და არგვეთი ცხვრით, ისე თავასა ღორის სიკეთით იყო განთქმული. თავასელ გლეხებს ბეგართ ედვათ, რომ ყოველ წელიწადს, ნაშობვეს, დაურწყების კვირაში, თითო ბურაკი გამოეტანათ სასახლეში. ჩვეულებათა ჰქონდათ, რომ მარჯვენა ფეხი უნდა მოექრათ გამოტანილ ბურა-

კისათვის და უკანვე წაეღოთ შინ. ამას ბედის დაბრუნებას ეძახოდენ.

ერთხელ ერთ გლეხთაგანს გზაში დაგვიანებოდა და რომ დამარხვდა, მეორე დღეს მოიტანა ბურაკი. ბატონი გაუწყრა და ის ბურაკი იქვე დაბმულ დათვის გადაუგდო. დათვმა, რასაკვირველია, მაშინვე დატორა. გამწარებულმა გლეხმა გაიმეტა თავი, შეეჭიდა დათვს, გამოგლიჯა ბურაკი, მოჭრა მარჯვენა ფეხი და დანარჩენი ისევ გადაუგდო: „არა, შენი ქირიმე—მიადახა, - როგორც დამნაშავეს, რაც ვინდა ის მიყავათო, მაგრამ ჩემს ბედსა და მამა-პაპის ჩვეულებას დათვს ვერ შევაჭმევო“.

გრიგოლ წერეთლის შვილი — ნესტორ წერეთლის მამა, დიმიტრი, რუსეთში იყო გამოზდილი. დაბრუნდა თუ არა, ოფშქვითელი ნიჟარაძის ქალი შეირთო, მდიდარი მემკვიდრე. ჩაესახლა იქ და მეოჯახობას მიჰყო ხელი. ერთ ღამეს ვიღაცამ თოფი ჰკრა და მძინარი მოჰკლა. მკვლელობა მიაწერეს ცოლის ნათესავეებს, როგორც გარეშე მემკვიდრეებს. დაიჭირეს, ბევრი დასაჯეს, ზოგი ციხეში გამოახჩვეს და ზოგი ციმბირში გაგზავნეს. გაიარა ორმოცდაათმა წელიწადმა. ერთმა მოხუცებულმა სოფლელმა, სიკვდილს წინეთ აღიარა საჯაროთ შემდეგი: „მე ვიყავი დიმიტრი წერეთლის შინაყმა, ერთხელ კამბეჩები დარჩენილიყვენ ღამე საჩხებს გარეთ და ბატონმა გვიბძანა, რომ შეგვერეკა საჩხეში; ჩვენ, რასაკვირველია, უარზე დავდექით, რადგანაც მწყემსები არ ვიყავით, მაგრამ ბატონი გაგვიწყრა და გვიბძანა: მე ეგეები არ ვიცი, რასაც გიბძანებთ, ის უნდა გააკეთოთო. ეს გვეუცხოვა ჩვენ, ფარეშებს, პირობა შეგვკარით, რომ მოგვეკლა. წილი ვყარეთ და მე მერგო. იმ ღამეს მივეპარე მძინარს ფანჯრიდან და თოფი ვკარიო“. ამ რამდენიმე მაგალითებიდან მკი-

თხველი ცხადათ დაინახავს, თუ რა მძიმეთ იდგენ თავის მოვალეობაზე ბატონიც და ყმებიც. აზატ გლეხებს არაფერი გადასახადი არ ემართათ და მიდიოდენ საბატონო აზნაურების კვლობაზე: გამოჰყავდათ სასახლეში თითო პატარა ბიჭი ხელზე მოსამსახურეთ და იმით თავდებოდა მათი მოვალეობა. აი, სწორეთ ამ მიზეზით აიხსნება ის გარემოება, რომ დიდ ოჯახებში ორმოც-სამოცობით ეყარენ ფარეშები და საქმეს-კი არაფერს აკეთებდენ. ბატონ-ყმობის დროს მხოლოთ მოჯალაბეები იყვენ საზოგადო კანონს, რიგსა და ჩვეულებას მოკლებულნი. გლეხი, მიწა-წყლის პატრონი, და მოჯალაბე, უმიწა-წყლო, სულ სხვა-და-სხვა იყო. მოჯალაბეთ გახდებოდა მხოლოთ ნაყიდი, ანუ ტყვეთ წაყვანილი და სრული მონაც იყო მისი პატრონისა. მოახლეთაც მოჯალაბის შვილები უნდა გაეყვანათ და გლეხისას ვერ შეგებოდენ, გინდ ობოლიც ყოფილიყო.

სიკო წერეთელს ერთი გლეხი გადაუშენდა და უპატრონო ობოლი მოსამსახურეთ გამოიყვანა. სოფელმა იწყინა და მოციქული მოუგზავნა: მიწა-წყალი თქვენია, საკომლოს რაც გნებაეთ, ის უყავით, მაგრამ ობოლზე-კი ხელი არა გაქვთ და დაგვიბრუნეთ, რომ ჩვენვე ვუპატრონოთ და გავათხოვოთო. ბატონმა, რასაკვირველია, ყურადღება არ მიაქცია მათ თხოვნას. ერთ დღეს რაღაც უჩვეულო ხმაურობა მოისმა საჩხერეში; გაიხედეს და დაინახეს, რომ ყვირილის პირათ ხვადაბუნები მოდებული იყო გლეხ-კაცებით, კალიასებ მოფენოდენ ქალებს, შემოვიდენ საჩხერეში და შემოერტყენ ირგვლივ წერეთლის სახლს ყვირილით: ნუ ჩადიხართ უსამამართლობას, გოგო დაგვიბრუნეთო. როდესაც ბატონი გაუძაღდა, გლეხებმა შეუყარეს კეტები ხის სახლს და სულ კრიჟინ-კრი-

ქინი დააწყებინეს. შეშინებულმა ბატონმა დაუბრუნა გოგო და გლეხებმაც სულ მაყრულითა და ვარხალალოთი წაიყვანეს თავის სოფლისკენ. იმ დროს დიდი სვიმონ წერეთელი, სახუცის შვილი, მეფის სიძე, ღრმა მოხუცებული კიდეც ცოცხალი იყო; იწყინა ეს შეურაცხყოფა გლეხებისაგან, შეაკაზმინა თავისი ლურჯი ბედაური (მთელ საწერეთლოში მისი ლურჯი ბედაური იმ დროს გათქმული იყო), შეჯდა და დაიძახა: „მდევარიო!“. მაშინ ყველა მებაჭონეებს ბედაურებით საჯინბოგები გაესილი ჰქონდათ. თვალის დახამხამებამდი გამოეწყვიტნენ, შეეკაზმნენ წერეთლის შვილები, თან იახლეს დაიარაღებული აზნაურშვილები და გამოუდგნენ გლეხებს. ხვადაბუნებში, ყვირილის პირათ, მოსწვდნენ. გლეხებმა რომ დაინახეს მათზე მიმავალი ცხენოსანი ჯარი, მობრუნდნენ, მოიმარჯვეს ხელ-კეტები და დაეწყვიტნენ რაზმებათ. წამოდგნენ წინ მოხუცებული გლეხები, მიეგებნენ ბატონებს, დაუჩოქეს და მოახსენეს: ნუ იზამთ მისთანა უსამართლობას, რომელიც არც თქვენს ძველებს და არც ჩვენს ძველებს არ ჩაუდენიათო, ნურც თქვენ თავს გავგამეტებიებთ და ნურც ჩვენ ამოგვწყვეტთ ცუდ უბრალოთო. ორივე მხარე მაგრათ იდგა და ვინ იცის, რით გათავდებოდა საქმე! მაგრამ ამ დროს გაჩნდა მისი ჭაკი ცხენით ოქროპირ ღვდელი, წერეთელი და ჩამოვარდა შუა კაცათ: როგორ გეკადრებათ გლეხ-კაცების თავის გაყადრებაო!— მიუბრუნდა წერეთლებს, თავი დაანებეთ, მთავრობას შეატყობინეთ და ის გაცემს მაგათ თქვენ მაგიერ პასუხსო. მართლადაც, გლეხ-კაცები ძალიან დასაჯეს, ზოგი დაპატიმრეს და ზოგიც გაგზავნეს. საკვირველი ეს იყო, რომ ეს ხალხი, რომელიც ჩხუბს უპირებდა შევნიერათ დაიარაღებულ ცხენოსან ჯარს, სრულიათ დაემორჩილა, მხო-

ლოთ ერთ ზასელატელს და ორ ყაზახ-რუსს. რა გაეწყობაო — ამბობდენ, — ძალა აღმართს ხნავს, მტერმა რაც უნდა ის გვიყოს, მაგრამ შინაურობაში-კი წყისა და რიგს ვერც ჩვენ გავტებით და ვერც სხვებს გავატეხინებთო. ამ გვარი მაგალითები ბევრი ყოფილა, მაგრამ სამინუშოთ ესეც კმარა.

ბატონ-ყმობის დროს, ჩვენში ცემა-ტყევა ძალიან იშვიათი რამ იყო! თუ გალახავდენ ხელით, ან მათრახით, ან ჯოხით, ისევ პატარა ახალგაზდა ფარეშებს, თორემ დავაშკაცებულს არა. ამათ შესარტყვენათ საკმაო იყო პანდური და ცალი ულვაშის აწევა. „როზგი“ ამ ბოლო დროს შემოიღეს, თორემ აღრე ქართველებმა მისი სახელ-ც არ იცოდენ. აი, რა გამიგონია მამიჩემისა და ბიძიჩემისაგან. 1830 წ. ქუთაისში შეკრბეს იმერეთის თავად-აზნაურობა, რომ მარშალი აერჩიათ. იმ თავად-აზნაურებში ერთი ოთრმე კაპიტანი მიქელაძეც ერია, რომელსაც სუყველა ერიდებოდა. ზემოურებს თურმე გაუკვირდათ ეს და ჰკითხეს ქვემოურებს: რა მიზეზია, რომ მაგ დარბაისელ კაცს პირს არიდებთო. მეტი რაღა მიზეზი უნდაო — უპასუხეს ქვემოურებმა, — ეგ დალოცვილი, წამოაქცევიანებს გლეხ-კაცებს, ჩაახდევინებს და სულ ისე აროზგინებსო. ზემოურებმა რომ ეს გაიგონეს, იმათაც ზურგი უჩვენეს ათვალწუნებულ ვაჟბატონს.

ჩვენ ოჯახში მახსოვს, მხოლოდ რამდენიმე შემთხვევა, რომ კაცი დაესაჯოთ. და აი ერთი იმათგანი. ერთხელ სოფლიდან გამოვიდა მოხუცებული გლეხი და შეევედრა მამაჩემს: შენი ჭირიმე, ეგება მიშველოთ რამე, შვილი გამიმუტრუკდაო, ნაქართლი გახლავსო; როცა იქ მიდიოდა, გვარიანი ჭკუიანი ბავში გახლდათ, ახლა იქიდან რომ დაბრუნდა, ჭკუის ნიშან-წყალიც აღარ ეტყო-

ბაო. ჩაუცვამს რაღაც ქაჯურათ, იპრანქება და სამუშაოთ ხელს აღარ ანძრევსო. ამან ყოველიფერმა კიდევ თქვენი ქირი წაიღოს, მაგრამ ერთი მისთანა საქმე ჩაიდინა, რომ ოჯახსაც თავი მოჰკრა და ჩვენ სოფელსაცო: საჯაროთ ყბაში სილა გაარტყა დედაკაცსაო... საბრალო ჩემი რძალი წყალში გადავარდნას აპირებდა, რომ ჩვენ არ დაგვექირაო.

მამაჩემმა გამოაყვანინა ნაქართლი ბიჭი, რომელმაც რაღაც ახირებულათ დაუწყო მუსაიფი ბატონს: კნიაზს გაუმარჯოს—უთხრა ბატონს. ბატონს გაუკვირდა და ცივათ უპასუხა: შენც ღმერთმა შეგარცხვინოს და შენი კნიაზიცა! ე, რას დამგვანებხარ, რა ნაირათ ჩაგიცვამს?

— როგორ თუ რა ნაირათ, კნიაზ? ჩვენი ადათი ესე გახლავს.

— როგორ თუ თქვენი? სადაური?

— ქალაქური. მე გეურქ აღასთან ვიყავ ქარვასლაში. იქ ყველანი ასე იცმენ!

— კი, მაგრამ ეგ ქუდი რო განზე მოგიქცევია და მარტო ნახევარზე გახურავს, ნახევარმა თავმა რაღა დააშავა?

— ეს ანჩისხატური გახლავს.

— ეგ კობლებიანი ქამარიც ანჩისხატურია? წვეტიან ჩექმებზე რო შემდგარხარ, თითო ტკაველა რიკი მიგიცია ქუსლებისათვის და შენ საკუთარ სიმაღლეს რო აღარ ჯერდები, გინდა ცაც მოატყუო და დედამიწაც?

— ესეც ადათი გახლავს, კნიაზჯან.

— ადათი! ჰმ! მაშ, ისიც ადათი ყოფილა, რომ შენ დედაკაცი გაგილახავს?

— ვისი დედაკაცი? მე ჩემ ცოლსა ვცემე.

ამ მუსაიფს მოსამსახურეები ყურს უღდებდენ, უკ-

ვირდათ და თავის ქნევით იღიმებოდენ. ერთხანს ბატონ-საც ეცინებოდა, მაგრამ ბოლოს ველარ აიტანა მისი უზრდელი სიტყვა-პასუხი და დაიღრიალა: სტაცეთ ამ წუწკს ხელი, ბიჭებო! მოხადეთ ქუდი, გააძვრეთ ჩოხა, შემოხსენით ეშმაკის კოთხობიანი ქამარი, გახადეთ ფეხს და მიაკარით ხეზეო!.. მოსამსახურეები მიცვინდენ და სიამოვნებით აასრულეს ბატონის ბძანება. ბოლოს ბძანა ბატონმა, რომ სამოახლოდან გამოსულიყვენ გოგოები, სათითაოდ მისულიყვენ მასთან და ეთქვათ: ფუი, შეგირცხვა წვერ-ულვაში, რომ დედაკაცსა სკემო. ეს რო გაათავეს, ბძანა, რომ ხელ-შეკრული გაეყვანათ წყალ-გაღმა, იქ გაეხსნათ მისთვის ხელები, პანლური ეკრათ და გაეგდოთ. ეს ამბავი, ძალიან ეწყინა დედა-ჩემს, რო გაიგო და უსაყვედურა ქმარს, როგორ იქნება მაგრე გაკიცხვა კაცის და შერცხვენაო; ცხადია, რომ სულელია და მაგითი ეგ ქკუას მაინც ვერ ისწავლისო. ამაზე მამა-ჩემმა ესა თქვა: მაგის ქკუას მე რას დავეძებ, მაგრამ სამაგალითოდ დავსაჯე, რომ სხვებიც არ გაბრიყვდენ სოფელში და პრანქიობა არ დაიწყონო.

აი, ასეთი იყო სახე იმ ოჯახისა, სადაც მე სოფლიდან მიმიყვანეს.

სასახლეში რომ გამომიყვანეს, პირველ-ხანებში ძალიან მოწყენილი ვიყავი. დედამ შემნიშნა ეს, მომიჩინა, პატარა ბიჭები და მიმანება თავი. მე ამ ახალ ამხანაგებთან ერთად დილიდან საღამომდე სულ მინდოროში დავრბოდი; მხოლოდ სადილათ დამიძახებდენ ხოლმე. თვითონ დედაჩემი, როგორც წინეთა ვთქვი, მშრომელი იყო: დილიდან დაწყებული საღამომდე სულ ფეხზე იდგა; საღამოს შემობრუნდებოდა სახლში და მაშინ ჩვენც დავვიძახებდენ ხოლმე. დაანთებდენ ბუხარში ცეცხლს, ბუხ-

რის წინ გაგვიშლიდნენ შვლის ტყავი და დავესვამდნენ ზედ. ირგვლივ შემოგვეხვეოდნენ ბიჭები და მოგვიყვებოდნენ ხოლმე ზღაპრებს. ზღაპარი რომ მოგვეწყინდებოდა, მაშინ გავშაარდებოდით ხოლმე ერთმანეთში: ან გამოცანებს ვამბობდით და ან სხვებ როგორმე ვიქცევდით თავს ვახშობამდე. დედა იქვე ტახტზე იჯდა ფეხ-მოკეცილი, წიგნს კითხულობდა თავისთვის, მაგრამ ჩუმათ-კი ყურს უგდებდა: ბიჭებს ურიგო არა წაცდეს-რა ყმაწვილებთანო. ჩემ ამხანაგ-ბიჭებში ერთი პატარა ბიჭი ერთა დიდი გამოეშაკებულნი ყოველივერში, მაგრამ გულისყური კი არა ჰქონდა. როცა დედა დაგვასწავლიდა ხოლმე ჩვენ ყველას სახეპირო ლოცვებს, ის ბიჭი ისე გამოშტერებული იდგა, რომ სიტყვის განმეორებას ვერ ახერხებდა. დედა ჩემს ეს ძალიან უკვირდა: „ისე ყოველივერში მოხერხებულია და ნიჭიერიო და გულისყური-კი დახშული აქვსო!“ „ვაიკეთე სამი თითი“ — ეტყოდა ხოლმე გამოლენიებულ ბიჭს, დაიდევნი შუბლზე! თქვი: „სახელითა ძამისათა!“ ახლა კიდევ ჭიპზე!.. თქვი: „და ძისათა“!.. ახლა მარჯვენა მხარზე... „და სულისა წმიდისათა!“ ახლა მარცხენაზე. „ამინ“!.. ბიჭი იმეორებდა, თუთიყუშივით, მაგრამ თავის-თავად კი ვერ ამბობდა. ბოლოს, რომ ვეღარა მოუხერხა რა, სულ დაანებებია თავი და ერთხელ, ბუხრის წინ რომ ვთამაშობდით, დედამაც ვითომ ხუმრობით მიუბრუნდა იმ ბიჭს და უთხრა: „პეტრე იყო ბელატიო!“ (მელოტი) უჩვენა, შუბლი და დაადებია სამი თითი. „წვერი ჰქონდა აქამდო“! დაადებია თითები ჭიპზე — „უღვაშები აქედან-აქამდე“ — გაატანია მარჯვენა მხრიდან მარცხენაზე ხელი. ამ სიტყვების შემდეგ, რასაკვირველია, წარმოვიდგინეთ მოხუცებული პეტრე, თავ-ტიტველა: დიდი წვერებითა და უღვაშებით...

დავიწყეთ სიცილი და ზედი-ზედ ვიმეორებდით ზემო სიტყვებს ხან ერთი და ხან მეორე. შედეგი ამისი ის იყო, რომ უგულისყურო ბიჭმა პირჯვრის-წერა ისწავლა და მეორე დღეს „სახელითა მამისათა“ გაიზვირა. ჩვენს სიხარულს საზღვარი აღარ ჰქონდა. დედაც გამხიარულდა და მკითხა: „შენ არ იცი ჯერ ლოცვებიო?“ — როგორ არა, სოფელში მასწავლეს და თუ იმას არ მათქმევინებდენ, ისე არ დამაძინებდენ ხოლმე-მეთქი და მოჰყევი. ზვირათ:

„დავწვები, დამეძინება,
პირჯვარი დამეწერება,
ცხრა ხატი, ცხრა ანგელოზი
თავითა დამესვენება!“..

„ჯვარი მწყალობს ჯვარ-ცმული
ვერას მავნებს მაცდური!“

კარგი ლოცვააო, მითხრა დედამ, მაგრამ ეგ სოფლურია და ჩვენ კი სულ სხვა ლოცვები გვაქვს წმინდა მამებისაგან შედგენილიო და ის უნდა ისწავლოო“. მეც, რასაკვირველია, დავეთანხმე და ერთი თვის განმავლობაში „მრწამსი“, „მიწყალე“, „მამაო ჩვენო“, „წმინდაო ღმერთო“ და სხვანი სულ ზვირათ ვიცოდი. ისე გამივემრიეღდა საზვიაროები, რომ წერა-კითხვის სწავლაც მოვიწოდო, მაგრამ დედამ მითხრა: „ჯერ ბრიყვი ხარ და არ შეგშვენის წერა-კითხვაო; როცა დაჰკვიანდები და ხასიათიც კარგი შეგექნება, მაშინ გასწავლი, თორემ ჯერ შენ რა ღირსი ხარო!“.. ამ სიტყვებმა სულ ცეცხლი მომიკიდეს და ვცდილობდი დაჰკვიანებას, რომ ჩემ ძმებსავეთ მეც წერა-კითხვის ღირსი გავმხდარვიყავი. მე-ხარბებოდა, ესეები რომ კითხულობდენ და ბოლოს ჩემ-

მა ბედმაც გაქრა. ერთხელ ჩემი ძმა, რომელიც რამდენიმე წლით ჩემზე უფროსი იყო, მღვდელს მოეხმარა და წირვაზე შევენიერთა წაიკითხა „სამოციქულო“. ნაწირვეს დიდი და პატარა ყველა მის ქებაში იყო.

მე მეხარებოდა და გული მწყდებოდა. ერთმა გლენმა მკითხა: „შენ როდის-ღა წაიკითხავო?“ ჩემ მაგიერად მეორემ მიუგო: „როდინობის კვირეშიო!“ მივხვდი, რომ დასწინოდენ და მეწყინა. იმ დღეს ჩემ უფროს დას კალთა დავაკლიჯე ხვეწნით: კითხვა მასწავლე-მეთქი. იმანაც დამარცხა, დედამ არ გაგვგოსო, და ჩუმათ დამაწყებინა კითხვა: მოკლე ხანში ან-ბანიც ვისწავლე და ამოსაღებიც დავიწყე. „თუ აგრე კარგათ და გულ-მოდგინეთ ისწავლი, მალე სამოციქულოსაც დავასწავლი და საყდარში წავაკითხებო—მეუბნებოდა ჩემი—და დედას ძალიან გაუკვირდება და მოგიწონებსო;“ მე, ამ იმედით წახალისებულს, დღე-ღა-ღამ მეტი აღარა მეფიქრებოდა რა. რა ვიცოდი, თუ ეს სულ დედი ჩემის ხერხი იყო, რომ წერა-კითხვა შემეყარებოდა! ამ ნაირმა წინდახედულობამ ძალიან შემეყარა წიგნის კითხვა და ერთ წელიწადსაც არ გაუვლია, რომ მე მღვდელს ვეხმარებოდი. დედა ჩემი არ გვაქალაჩუნებდა ჩვენ. „ნამეტანი აღერსი აფუჭებს ყმაწვილო“—იტყოდა ხოლმე და მართლაც თუმცა გალახვა არ იცოდა ჩვენი, მაგრამ შიშით მაინც კი ძალიან გვეშინოდა მისი. არც ერთ დანაშაულობას არ შეგვარჩენდა, რომ არ გადაეხდევინებია ჩვენთვის; მაგრამ სასჯელი კი ახირებული იცოდა, მაგალითად, წიგნის კითხვის ნებას არ მოგვცემდა: „ღირსი აღარა ხართ, როგორც დამნაშავეო!“ და მაშინ უნდა გენახათ ჩვენი მწუხარება!... „იიი! იიი!“—დაგვცინოდენ ბიჭები და გოგონები სასახლეში „უწიგნოთ დარჩით, უწიგნოთ დარჩი-

თო!“ და მართლაც ჩვენს სირცხვილსა და მწუხარებას საზღვარი აღარ ჰქონდა. რამდენისამე წლის განმავლობაში ხუცური ზედ-მიწევნით ვიცოდით; მხედრული ჩემით ვისწავლე, ანბანის წერა ბექზე დავიწყე. რუსული კითხვა დედაჩემმა მასწავლა, მაგრამ სიტყვები კი ბევრი არც დედას ესმოდა და არც მე. ერთი ძველი, მოსკოვში დაბეჭდილი, „რაზლოვორი“ გვქონდა და იმას მაზებირებივბდა ხოლმე. დედაჩემი სულ იმას ფიქრობდა, რომ ჩვენ უსაქმოდ არც ერთი წამი არ დავრჩენილიყავით და სწორეთ, რომ სიხარულით გვზრდიდა. სულ თებ-შიშველა და თავშიშველა დავრბოდით მინდორში, არც გაცივების გვეშინოდა და არც შიმშილის. „კაცი იხე უნდა იყოს დაწვეული ბავშობიდანვე, რომ ცხოვრებაში ყოველიფერი აიტანოს.“ — იტყოდა ხოლმე დედაჩემი და მართლაც, რომ მისი რჩევა ბოლოს გამოგვადგა. რომ უურო დაწვრილებით გაიგოს მკითხველმა, თუ რა ნაირათ გვზრდენ ჩვენ სოფელში, მე ავწერ წლიდან წლამდი რას ვაკეთებდით და ან დღეს როგორ ვალამებდით?

დილას, გამოვიღვიძებდით თუ არა, ქვეშაგებშივე უნდა გვეთქვა ეს ლოცვა: „გმადლობ შენ, უფალო, ყოველითა გულითა და სხ.“.. მერე ხელ-პირს დავიბანდით, ჩავიცვამდით, წავდგებოდით ხატების წინ, საზეპირო ლოცვებს ვიტყოდით და ზედაც დაუჯდომეფს მოვბამდით. ლოცვის შემდეგ პირს გავისველებდით, ე. ი. ცოტა რასმე ვისაუზმებდით, რომ იმ დღეს, გამოსვლის დროს, ჩვენთვის ჩიტს არ დავსწრო და არ ეჯობნა: მერე მივუჯდებოდით წიგნებს, ერთ ხანს ვკითხულობდით, ვსწავლობდით და, რომ მოვრჩებოდით, შემდეგ კი საღამომდე თავისუფალი ვიყავით. სადილათ მოგვიკითხავდენ ხოლმე, მაგრამ ზოგჯერ, როცა „სტუმრობიაში“ თამაშს მოვინდო-

მებღით ხოლმე, გარეთ ვრჩებოდით და ერთად პატარა ფარეშებთან სუფრას ხეს ქვეშ საღმე ჩრდილში გაეშლიდით. იქ, ჩვენ კერძს გარდა, მოსაკითხიც მოგვედიოდა. მასპინძლებათ ყოველთვის ყმაწვილები ვიყავით ხოლმე და სტუმრებათ კი—პატარა ფარეშები. უნდა ვამოგიტყდეთ, რომ ჩვენი სტურები ძალიან უბოდიშოთ გვექცეოდნენ და გვაბრიყვებდნენ: გვეტყოდნენ ხოლმე, დაგვახრჩვეო!.. დაგვიღებდნენ პირს და რაც კი რამ გაგვაჩნდა, ვტენილდით პირში, განსაკუთრებით ცხელ-ცხელ ხაჭაპურებს. ისინი გააბამდნენ ყვირილს: „ვაიმე ვიხრჩობით, ვიხრჩობითო“, აიტეხდნენ განგებ ხველას და დაიწყებდნენ ფართხალს. ჩვენ სრული დარწმუნებული ვიყავით, რომ ისინი იგონებდნენ ყოველიფერს, მაგრამ ეს თვალთ-მაქცობა მაინც ძალიან მოგვწონდა, გვიხაროდა. საღამოს, შინ რომ დავბრუნდებოდით, დედა გვეკითხავდა ხოლმე: „რა ქენით? რა გააკეთეთ? რა ითამაშეთ? რა ილაპარაკეთ?“ და სხვანი... საზოგადოთ უნდა ვთქვათ, რომ სპარტანულათ გვზდიდნენ. არ გვარიღებდნენ არც სიცივეს, არც სიცხეს, არც დარს და არც ავდარს. დილ-დილობით ცვრიან ველზე ფეხშიშველას უნდა გვერბინა. პირველი თოვლი რომ მოვიდოდა, ფიფქზე რამდენჯერმე უნდა გაგვერბინ-გამოგვერბინა; დასოვლებული და სიცივისაგან გაქარხლებული ფეხები ცეცხლზე უნდა შეგვეშრო. დარწმუნებული ვიყავით, რომ ამით ტან-მრთელობა მოგვემატებოდა. ახალ გაზაფხულზე რომ წვიმა მოვიდოდა, ჩვენ სახლის ღარს თავს ვუშვერდით, რომ ოქროს ხუჭუჭი ამოგვსლოდა. უმთავრესი ყურადღება ჩვენი წირვა-ლოცვაზე და მარხვაზე იყო მიქცეული. სამწუხარო დრო ჩვენთვის დიდ-მარხვა იყო; მთელი დღე საღამომდის, სანამ ლოცვა არ გამოვიდოდა, წყლის მეტს არაფერს მიგვაკარებდნენ; სა-

ღამოსაც მარტო ხმელ ჰურს გვაძლევდნენ. არა თუ შექამადი რამე, ღვინო, მარილი და ზეთიც კი აკრძალული გვქონდა. თამაშის ნებაც არ გვეძლეოდა. ცისკარს როგორ დავაკლდებოდით? ესეები ყველა ჩვენთვის ჯოჯოხეთი იყო და, რასაკვირველია, აღდგომას სულ-წასულობით მოველოდით. მასუკან ანახევარმა საუკუნემ გაიარა, მაგრამ დღესაც, დიდ-მარხვა რომ დადგება, მე ჩემს ქერქში აღარა ვარ და ვერც მოვიხდი სიკვდილამდე სიყმაწვილიდან დარჩენილ ზაფრას. საზოგადოთ დიდ-ოჯახებში ყველგან ამოდ მორწმუნება იყო გავრცელებული: ყმაწვილებს ყველას სჯეროდათ, რომ ტინკები, ქაჯები, კუდიანები და ეშმაკები ქვეყნად დადიან და ადამიანებს აშინებენო. ეს სენი ჩვენს ოჯახშიაც მოდებული იყო. ახლა, როგორც ვფიქრობ, ეს სულ მოსამსახურეების ბრალი იყო: იმათ, საზოგადოთ ბიქსა და გოგოებს, აკრძალული ჰქონდათ ერთმანეთთან მისვლა-მოსვლა და თამაშობა: დღე ვერ ხედავდნენ და ღამ-ღამობით რომ თავისუფალი ყოფილიყვნენ და ვერავის დაენახათ, ბატონიშვილებს, ყმაწვილებს განძრახ აშინებდნენ და ისინიც, დაღამდებოდა თუ არა, შიშით კარში ველარ გამოდიოდნენ. არ მახსოვს ისე შევსულიყო ან საფარეშოში და ან სამუახლოში, რომ ათასი რამ უცნაური და საშიში არ ეთქვათ ჩემთვის. დედას რომ ვეტყვოდი ხოლმე ამას, ის გაიღიმებდა და მიპასუხებდა ხოლმე; „არა, შვილო, ტყუილია! ვინც ცუდს არ იზამს და არც არას დააშავებს, იმას არაფერი არ მოეჩვენებაო.“

ამ გვარი სიტყვებით დაიმედებულს გული საგულეს მქონდა და უშიშარიც ვიყავი, მაგრამ ორმა შემთხვევამ გამიტეხა გული და ხასიათიც გამომეცვალა: ერთხელ, დღე-ღამის გაყრის დროს გადავიპარე ზოსტანში და ნესვის

მოპარვას ვაპირებდი; დაუწყე ძებნა, გადავზი-გადმოვზიე ბარდები და მივაგენი ერთ მწიფე ნესვს; მოწყვეტა რომ დავაპირე, გამევლო გულში: არავინ მიყურებდეს-თქო, დავანებე თავი, წამოვდექი ზეზე და მივიხედ-მოვიხედე. მეორეთ რომ დავაპირე და მოვინდომე ნესვის მოწყვეტა, თურმე ხელი დავაცდინე ბარდებს და იქვე სხვა ალაგას გადავშალე ფოთლები; იქ თურმე კატა იწვა. წამოვარდა ზეზე ფრუტუნით და გაიქცა. მე მაშინვე მომაგონდა ჩვენი მოსამსახურეების სიტყვები, რომ „კუდიანები რათაც უნდათ გადაიქცევიანო“; ამას გადა, დედის სიტყვებიც მომაგონდა: „ვისაც არაფერი დაუშავებია, იმას არაფერი მოეჩვენებაო“. ვთქვი გუნებაში, მეტი დამნაშაობა რაღა იქნება, რომ ჩუმათ მინდოდა ნესვის მოწყვეტა-მეთქი? ალბათ კუდიანი იწვა ნესვათ და კატათ გადაიქცა-თქო. ერთი-ორი დავიკვივლე და შემეჩუბდა გული. არ გაუვლია ერთ კვირეს, რომ ამას მეორე შემთხვევაც დაერთო: ტალავერში მალჯა ყურძნის მტევნები იყო ჩამოკიდებული, მე პატარა ვიყავი და ვერ ავწვდებოდი, მაგრამ ჩემი უფროსი და კი კრეფდა ხოლმე; ერთხელ მთვარიან ღამეში შევნიშნე, რომ ჩემი და ტალავარ ქვეშ იდგა და ყურძნს კრეფდა. მივიტყერი და შევეხვეწე: „ანნა, გენაცვალე, ერთი მტევანი მეც მომიწყვიტე-თქო!“ ჯერ ხმა არ გამცა, მაგრამ, რომ აღარ მოვეშვი, მომიბრუნდა, უცბათ რაღაც წაიპურტყულა და დამეჭყანა. მისთანა თქვენმა მტერმა ნახოს, მე იქ სანახავი ვნახე: ჩემი დის მაგიერათ ვიღაც სხვა იყო! თურმე ჩემ უფროს ძმას, დავითს, რომელსაც კუქის სისუსტის გამო ყურძნის ჰამა აკრძალული ჰქონდა, დის ტანისამოსი ჩაეცვა და ისე წასულიყო ყურძნის მოსაპარავათ. მე ესები რა ვიცოდი, ეშმაკათ მივიღე და გული შემეჩუბდა. თუმცა ორივე მემთხვევაში ჩემი შეცდო-

მა თვალდათვალ დამიმტკიცეს, მაგრამ ისე გამიფუჭდა ხასიათი, რომ ბნელაწი, კარში გამოვიდოდი კი არა, ოთახშიაც ვერ ვრჩებოდი მარტო, თუმცა მერვე წელიწადში გადმომდგარი კი ვიყავი.

ერთხელ, ზამთარი რომ დადგა, მე და ჩემმა პატარა ფარეშებმა შეილდ-კოდლების კეთება დავიწყეთ. ქორაფის ხეს რომ ვაკობიტებდი, დავიცილე წალდი, დავიკარი კოქზე და შუა გავიბე. ტკივილს ისე არ შევუწუხებია, როგორც შიშს: „ვაი თუ გამიწყრენ-თქო“. მოვავროვეთ აბლაბუდა, დავიდვეი სქლათ გაქრილზე, ზედ ბამბა დავიდვეი და შევიკარი მაგრათ. მინდოდა არავისთვის გამემხილა, მაგრამ იმ ღამეს თურძე ქვეშაგებში შემხსნოდა და სისხლის ტბა დამდგარიყო. რასაკვირველია, გაიგეს, მიაქიმეს და ნახევარი წლის განმავლობაში ტკივილი არ დამცხრობია. ბოლოს მოვრჩი, მაგრამ ძარღვები კი ისე დამისუსტდა, რომ მუხლი მომელუნა და დავკუტდი. ბევრი მიაქიმეს, მაგრამ არა მეშველა რა. ამ ხანებში მამა ჩემი დეპუტატთა დაინიშნა ქუთაისში სათავად-აზნაურო კომისიაში. დედა ჩემმა ურჩია, რომ მეც წავეყვანე ქუთაისში და ექიმებისთვის ეჩვენებია ჩემი თავი. რადგანაც ფეხის გამართვა არ შემეძლო, ქალის უნაგირზე შემსვეს, ქალივით გადამადებიეს შეხუთული ფეხი და ისე წამიყვანეს. ქუთაისამდის ორი დღის სავალი იყო. გზაში უნაგირზე თურძე ფეხი დამეზილა, შეკრული ძარღვი გაიხსნა, ჩავედი თუ არა ქუთაისში, ფეხი გამემართა, აღარც ექიმი დამქირვებდა და აღარც წამალი.

რვა წლის ვიყავი, როდესაც სოფელს მომავორეს და ქალაქ ქუთაისში გადამიყვანეს. აქ თავდება ჩემი ბავშობის პირველი ხანა ბედნიერი, ნაყოფიერი და დაუვიწყარი. აქიდანვე იწყება მეორეც: მტანჯავი, დამჩაგვრელი

და გამაუკუღმართებელი!.. მაგრამ, სანამ ამ მეორე ხანაზე ვიტყოდე რასმე, დავუბრუნდები ისევ ჩვენს სოფელს და მაშინდელ ცხოვრებიდან სამინუშოთ რამდენსამე სახასიათო შემთხვევებს გავიხსენებ. ზემოთ ვთქვი, რომ სპარტანულათ გვზდიდენ-მეთქი და, მართლაც, რაც უფრო ვიზდებოდით, წლიდან-წლობით, უფრო და უფრო გვეტყობოდა ამ გვარი აღზრდა. თითქოს ისე აღარ გვაქცევდენ ყურადღებას, როგორც სულ პატარაობისას და უფრო თავ-მინებებული ვიყავით. ბევრჯელ, გაზაფხულის დამლევს, ტობობის დროს, როდესაც ღრუღოებიდან გამოსული თევზები ქარავენად აყვებოდენ დიდ მდინარეებს, რომ მერე იქიდან პატარ-პატარა დელეებში შესულიყვენ ქვირითის დასაყრელათ, — გონჯურის პირათ, სხვებთან ერთად მეც მთელი ღამე გამითევია, ფაცერსაც ბევრჯელ მოვდგომივარ და გარეთაც ბევრჯელ ვწოლილვარ, მაგრამ არავის უთქვამს თუ ეგ საშიში, სახიფათო და ურიგო საქმეაო. ღამის თევის დროს, რომ ძილი არავის შემოგვპაროდა, მორიგათ ზღაპრებს ამბობდენ ბიჭები: ხან შაირებს, ხან ანლაზებს, ხან გამოცანებს და კიდევ ეს იყო, რომ ამგვარ აღგილებსკენ ჩვენც მიგვიხაროდა. ბევრს აღარც ჭამა-სმას დადევდენ ჩვენსას: ხან მეტსაც ვჭამდით, ხან მშიერიც ვიყავით, ხან ასე და ხან ისე: ხან ძვირფასათ მოგვრთავდენ ხოლმე, ხან უბრალოთ; ხან ბუმბულში ვგორავდით და ხან ხმელზე ვკოტრიალობდით. თანასწორობა არ იყო. რიგსა და წესს ვინ დადევდა? ავისაც და კარგისაც თანასწორათ შეგვეძლო ატანა; ამას არც არას ჩვენ ვნაღვლობდით და არც უფროსები გვეკითხებოდენ, მაგრამ ეს-კი იყო, რომ ცუდს არაფერს გვაბეძვინებდენ. მაგალითად, თავი რომ გაგვეტება, გვეტყოდენ: „აი, შეგიტყვია თავი! შენხელა ბავშვმა როგორ არ უნდა იცო-

დეს თავის მოვლაო! გასწი, გასწი გაიზღები და დაგავიწყდებოა.“ ამ გვარი ცივი ნუგეშებით გაგვისტუმრებდენ ხოლმე, მაგრამ სხვისთვის რომ უსამართლოდ წიპარტი გვეკრა, არ შეგვარჩენდენ და უთუოდ გადაგვახდევინებდენ. ერთხელ, ტყაპა-ტყუპი რომ შაპომესმა, მივირბინე სახაბაზოს კარებთან და ხაბაზს ცხელი თორნოული გამოვართვი. ჩემზე აღრე იმავე კარებს მიდგამოდა ჩვენი წუწკი წითელი ღორი და შეღრუჩუნებდა, მაგრამ ვინ გაცემდა ხმას. მე რომ დამინახა, მჭადით ხელში, ამედევნა ჭყვიღლ-ჭყვიღლით, გავექეცი, გამომიდგა; წამოვკარი ქვას ფეხი და გავგორდი მიწაზე; იმანაც იხელთა ღრო, მეძგერა და ზეამაღლიტა მჭადი. მოერთე ყვირილი და მივაშურე დედას. დედამ მომისმინა საჩივარი, შეკრა წარბები და მითხრა: „როგორ ამხელ სირცხვილით შე, ნაცარქექია, შენაო? ბაბუა შენმა გარეული ტახი დაიჭირა ყურით და შენ-კი ერთი შინაური წუწკი ღორიც ვერ მოგიგერებიაო... ავიღებდი ჯოხს და დავკრავდი თავშიო! პატარა ხომ აღარა ხარ: დამდეგ თიბათვეს ექვსი წლის გახდიო“. ამ სიტყვებმა ისე შემარცხვინეს, რომ მჭადიც დამავიწყდა და ტირილიც. მთელი დღე ჩემ გუნებაზე აღარ ვყოფილვარ, მით უფრო, რომ პატარა ბიჭები და გოგოები, რომ ჩამივლიდენ ხოლმე გვერდს, დაცინვით წაილაპარაკებდენ, ვითომ თავისთვის: „ღორის წაქცეულაო“. ამ დაცინებამ ისე გამამწარა და გამაგულადა, რომ მეორე დღეს ცალ ხელში მჭადი დავიჭირე და მეორეში ჯოხი და განგებ ავუარ-ჩამოვუარე გვერდით ჩემ მტერს. წართმევას დაჩვეულმა ღორმა შამომიტია, მაგრამ მე ვაშკაცურათ დავუხვდი და ვხეთქე თავში ჯოხი. ჩემი მტერი აღბათ ამას არ მოელოდა, რომ შეჩერდა და შამომიხორხოტა, მაგრამ, რომ მოუვნაცვლე მეორეცა და

მესამეც, იკადრა და გაიქცა. ახლა მე დავედევნე გაგულადებულნი. წინ ის და უკან მე! ის მიტყვივის, რაც შეუძლია, და მე-კი, რაც ძალი და ღონე მაქვს, კიჟინას ვაყრი. ვერ წამიხვალ, შე წუწკო, შე ფრთხალო-თქო! იმ დროს სწორეთ ჩემი თავი პაპაჩემი მეგონა; შამოვარბენიე ღორს ორჯელ-სამჯელ სამოახლო, საფარცმო, თითონ ჩვენი სასახლევ და აღარ მოვეშვი, სანამ სალორეში არ შემევიარდა. არ იფიქროთ, რომ მე იმის მტერობა მქირვებოდეს და შურისძიება მდომებოდეს! არა, ეს ომი იმისთვის გადავიხადე, შეეტყო სუყველას, რომ მე ღორის აღარ მეშინოდა.

ღორზე ამ ძლივა-მოსილობამ ისე გამაგულადა და გამაუწიშარა, რომ, თუ-კი ჯოხი ხელში მექნებოდა, აღარათრის აღარ მეშინოდა. საგმირო ზღაპრებმა, სავაშკაცო შაირებმა და ამბებმა იმდენათ გამიტაცეს თანდათან, რომ თავი გმირათ დავისახე. ერთხელ პატარა შინდის ხეზე გავედი, რომელიც ზღაპრულ აღვის ხეთ წარმოვიდგინე, და იქით-აქეთ ყურება დავიწყე, რომ აღმოსავლეთისა და დასავლეთის ხელმწიფეების სარაიები დამენახა, მაგრამ გადმოვევარდი, განხდა ბრეგვა მიწაზე და ზურგის ტკივილმა მაგრძნობინა, თუ რა ზღაპრული „ღეთისა ვარ გმირი“ ვიყავი! საკვირველია, ამ გვარი მარცხები ხან-და-ხან გამომაფხიზლებდენ ხოლმე, მაგრამ მერე-კი ისევე ოცნება მერეოდა და ისევე გამანაცარქეჩიავებდა ხოლმე. ერთ საღამოს „კურდღლობისა“ ვთამაშობდით. ვისაც კარგი ხმა ქონდათ და მოყფა შეეძლოთ, ისინი ვითამ მეძებრები იყვენ ხოლმე, ვისაც მუხლს ერჩოდათ, მწვერები, სხვები-კი უფრო ზანტები — კურძულები და მონადირეები; კურდღელი-კი მორიგისი ვინმე. იმ დღეს, თუმცა მეძებრათაც კარგი ვიყავი, მაგრამ ზოგიერთებთან მწვერობაც მერგო. და-

იმაღლა კურდღელი, ავუშვით მეძებრები, მოედევნ არე-მარეს, დასცეს კურძულალებმა კიჟინა; წაქეხებულმა მეძებრებმაც ვითომ სუნი იცეს და კვალი აიღეს, ატეხეს ყეფა; ათი თუ თხუთმეტი ბავში სულ სხვა-და-სხვა ხმაზე ყეფდა... ყურთა სმენა აღარ იყო; მწვერებმა ყურები დაცქვიტეს და აიქოჩნენ. ამ დროს თურმე ჩვენს ბაღში ნამდვილი კურდღელი ყოფილიყო შეპარული და გამოვარდა. ჩვენ დაგვაფიწყდა თამაშობა და გავედევნეთ დიდიან-პატარაიანა იმ კურდღელს. კურდღელს თვალი წაუხდა: ხან იქით ეცემოდა და ხან აქეთ, მაგრამ სუყოველი მხრიდან ჩვენი ორ-ფეხი მეძებრები უყეფდნ და ისე აერია გზა და კვალი, რომ ხიმეში გაეკვეტა; მივასწარი და ვტაცე ხელი უკანა ფეხებში. რომ მაგრათ არ ყოფილიყო გაქედლი, რასაკვირველია, მე იმას ვერ დავიმაგრებდი, მაგრამ მაინც გავაბი ყვირილი: მიშველეთ, დავიჭირე-მეთქი. მოცვიდნ სუყველა, დიდი ბიჭებიც მოგვეხმარნ და ცოცხალი მივგვაზეთ ბატონს. იმ დღეს ჩემი ვაშკაცობის ამბავი ძალიან გაითქვა და მეც სწორეთ დავრწმუნდი, რომ კურდღელს ფეხ-და-ფეხ მოვწვდი და დავიჭირე-თქო. მას უკან, ხშირათ, სალამ-სალამობით ბოსტნის ბოლოზე ვიციდიდი ხოლმე, ეგებ კიდევ გამოვარდეს კურდღელი და დავიჭირო-მეთქი. ალბათ, ეს შემინიშნა დედამ, რომ ერთხელ მიმიხმო და მითხრა: „შენ ხომ ამისთანაებში ტოლი არა გყავს და ერთ-ერთი შინაური კურდღელი დამიჭირე, სხვისთვის მინდა გასაგზავნათო“. მეც, რასაკვირველია, ვიკისრე; სახტართან, საქალეზოს გვერდით საკურდღლე იყო მიშენებული და იქ შინაური თეთრი კურდღლები ბუდობდნენ. დილიდან სალამოდის ვდიე ხან ერთს და ხან მეორეს, მაგრამ ვერ დავიჭირე და სალამოს, დედამ რომ მკითხა, ჟაჟი მითი ვი-

მართლმე, რომ ფეხები მტკივა-თქო. დედაჩემმა სიცილი დაიწყო და მითხრა: „პატარა კი აღარა ხარ, როგორ ვერ მიხვდები, კურდღლის დაქერა ფეხ-და-ფეხ შენ კი არა, არა კაცს არ შეუძლიაო. შინაური რომ ვერ დაიქირე, გარეულ კურდღელს შენ როგორ დაწვინდი, თუ უცაბედათ ხიმეში არ გაკვეთებულეო.“ ამ სიტყვებმა, ცოტა არ იყოს, გულში ჩამახედეს, ვიგრძენი ჩემი ნაცარქექიაობა, შემრცხვა და გავწითლდი.

იმ დროში ჩაის არ სვამდენ, ხოლოთ სტუმრებისათვის მოაღუღებდენ ხოლმე, მაგრამ ბავშვებს მაშინაც არ ასმევდენ... ცხელი წყალი შიგნეულს გაუფუჭებსო და შაქარიც კბილებს წაუხდენსო. მე, რასაკვირველია, სული მიმდიოდა შაქარზე, მაგრამ ვინ მაქმევდა? მაგიერათ, როდესაც შაქარს მტვრევას დაუწყებდენ ხოლმე, მე მივუცსუკტდებოდი გვერდით შაქრის მტვრველს და იქითაქეთ შორს გადაბნეულ ფხენილს ქორივით მივჩერებოდი, მაგრამ მათი აღება ხელით მოუხერხებელი იყო; დასველებული თითები მზათ მქონდა, დავაწებდი ზედ და ელვასავით ვიტკუცებდი პირში. ეს შემნიშნა ერთხელ ჩემმა უფროსმა დაძ და მირჩია—მაგას ნუ შევები, სიწუწუკეაო; ჩუმათ თითო კენიტ შაქარს მადღევდა ხოლმე; მეც ეს მინდოდა და ღმერთს ვეხვეწებოდი: ღმერთო, სტუმრებს ნუ გამოგვიღვე-თქო, რადგანაც უმისოთ, ვივიციოდი, შაქარს არავინ დაამტრევდა. ხშირათ დავუხვდებოდი ხოლმე წინ ჩვენგან წამავალ სტუმრებს და ჩუმათ ვეხვეწებოდი: თქვენი ქირიმე, ხშირათ იარეთ-მეთქი; იმათ ეგონათ, თუ მე ეს სტუმართ-მოყვარეობით მომდიოდა, მიწონებდენ და ამბობდენ: რა კეთილია ეს ბავში და რა პურადი გამოვიაო!.. რა იცოდენ, რომ მე მხოლოთ ჩემი „უსხის კული“ მაგონდებოდა, ე. ი. შაქრის

კენტი. პურადობის რა მოგახსენოთ, ვაშინ რა პურადობა შემეტყობოდა, მაგრამ გულ-კეთილი კი მართლა ვიყავი: პირუტყვი რომ ჩემთან ვისმე გაელახა, ვატირებდი, თუმცა ღორი მეც კი გავლახე ერთხელ; მაგრამ ეს სულ სხვა იყო, მინდოდა მომეგერებია და ქკუა მესწავლებია. ერთხელ ყანაში ღორი მოკლეს და მე მთელი დღე არაფერი მიჭამია; ისე მებრალეობდა, რომ სიახლოვესაც ვერ მივეკარე, დამეხედა, და ეს მით უფრო საკვირველი იყო, რომ საკლავს რომ წამოაქცევდენ, სიამოვნებით თავზე დავტრიალებდი და არც არაფერ სიბრალულსა ვგრძნობდი. საუფლო დღეებში, მაგალითად, შობის, აღდგომის და სხვა ამგვარ დღესასწაულების წინა-დღეს ძროხას რომ დაკლავდენ, ჩემ სიხარულს საზღვარი აღარ ჰქონდა! ბუშტს გამოვართმევდი ხოლმე მზარეულს, დავხედიდი ნაცარში, გადავადრობდი ზედა კანს და გავებრავდი; მერე ვინმე ქალს ან გამდელს ვაჩუქებდი ხოლმე საუმარულეთ, რადგანაც გავგონილი მქონდა, რომ უმარულის შესანახავათ კარგიაო. ერთხელ მხოლოდ შობის წინ დღეს აღარ მიყურებია ძროხის დაკვლისთვის, რადგანაც უჯრო სასიხარულო შემთხვევამ გამიტაცა და ჩვეულება დამავიწყდა: სწორეთ იმ საღამოს ქუთაისიდან მოგვივიდა მამი-ჩემის გამოგზავნილი კაცი და პატარა ჩექმები მომიტანა. იმ დღემდის ჩემ ფეხს ჩექმა არ მიკარებია და მხოლოდ შლაპუნა ფოსტლებს ვიცვამდი ხოლმე. რაღა თქმა უნდა, რომ სიხარულმა ამიტაცა, ძროხა-კი არა თავი დამავიწყდა. მამა-ჩემი იწერებოდა, სხვათა შორის: „ამ ჩექმებს ვაგლახათ ნუ გააფუქებიებთ ჩემ კაკოს! სირბილის ნებას ნუ მიცემთ, რომ ქუსლი არ მოაქციოს და უბრალოდ არ მოჩორთოსო!“ ეს ბძანება ჩვენ სახლში გადაქარბები-თაც აასრულეს: ჩამაცვეს მხოლოდ შობა დღეს, ახალ-წე-

ლიწადს და ნათლიღებას. მერე გამხადეს და შეინახეს; მე ისევ ფოსტლებზე გადამიყვანეს და აღდგომამდის აღარ მიპირებდენ ჩაცმევას.

მომავალ აღდგომას, რასაკვირველია, ორ-კეცი სიხარულით მოველოდი. ცისკრის რომ დარეკეს და ჩვეულებრივად ჩაცმა-დახურვა დაიწყეს, მეც მომიტანეს ჩემი საოცნებო ჩექმები; მაგრამ წარმოიდგინეთ ჩემი უბედურება: ჩექმები გამხმარიყვენ, მეც ფეხები გამზლოდა და შიგ აღარ ჩამეტია. ბევრი მაწვალეს, მუხლზე კანი გადამაძვრეს, კოჭი კინალამ ამომიგდეს, მაგრამ არა ეშველარა. დამმწარდა აღდგომა. იმ დღეს რალა მოესწრებოდა, მაგრამ სწორამდის კი მომიტანეს ახალი და იმ დღიდან დაწყებული, ქუთაის წასვლამდი, თითქმის წელიწად-ნახევარს უჩქემოთ აღარ გამივლია. უკანასკნელ წელიწადს მით უფრო კარგათ შევიშენე ჩექმები, რომ ბევრს აღარ დავრბოდი, რადგანაც აღრინდელი თავ-შესაქცევარი ყოველგვარი თამაშობა მომწყინდა და უფრო სხვა საფიქრელს გადავყევი. ამის მიზეზი იყო „ვეფხის ტყაოსანი“. წავიკითხე თავიდან ბოლომდი და, თუმცა სლაპრული მხარის მეტი არა გამიგიარა, მაგრამ მაინც ძალიან გატაცებული ვიყავი. იმას მივაყოლე სხვა საკითხავებიც და მთელი ქრისტომატია, ჩუბინაშვილისაგან პეტერბურგში გამოცემული, რამდენჯერმე გადავიკითხე. ამას გარდა, ერთხელ ქალაქიდან ჩამოგვიტანეს ამბავი, რომ „გლუხარიჩმა“ კომედია დაწერაო და ვარანცოვის სასახლეში ითამაშესო. ამ ამბავს გულმოდგინეთ ვუგდებდი მე ყურს და ბოლოს თითონაც მოვინდომე, რომ იმ გვარი რამ კითხვა-მიგეზითი დამეწერა და მართლაც ავწერე ჩვენი შინაურობა, მაგალითათ, როგორ აწვალებდა ჩვენი მოურავი ხალხს, მერე ბატონს აბეზლებდა; ბატონიც მოთმინებიდან გამო-

დიოდა და ჯავრობდა და სხ. და სხ. ეს ბავშური სცენები სასახლეში სუყვედოს მოეწონა გარდა მოურავისა, რომელიც გულ-მოსული ამბობდა: „ჩემი დაცინება არაფერია, მაგრამ ვნახავ, თუ ამ ყმაწვილმა მთელი ქვეყანა არ გადიმტეროს და ნუ აქეზებთო“. ეს ჩემი პირველი ნაწარმოები დედა-ჩემს თურმე შეენახა და რუსეთიდან რომ დაებრუნდი, მიჩვენა. მე სიბრძნევე მორეულმა ვიუკადრისე, გამოვართვი დედას, დავხიე და ცეცხლში ჩაეყარე. დედაჩემს ეს ძალიან ეწყინა და მისაყვედურა, მაგრამ რაღა გაეწყობოდა, ხომ ველარ გავამთვლებდი! აზგვარი ბევრი რამ მაგონდება ჩემი სიყმაწვილიდან, მაგრამ, რომ მკითხველს თავი არ მოვაბეზრო, ამით ვათავებ.

იყო და არა. იყო რა, ერთი ხელმწიფე იყო უსაქ-
მური და ჭამა სმაზე გადაყოლილი. ერთხელ, სადილათ
რომ იჯდა, მწვადი დაუგვიანეს, გაჯავრდა და ბრძანა: რა
თავს იგდებს მზარეული, რომ ამდენ ხანს მალოდინებსო?!
კუჭ-ღვიძლის შეწევას ბევრი რა უნდაო? შამფურზე წა-
მოაგოს და ცეცხლზე მიაფიცხოსო. გაგზავნა მსახური
შესატყობათ. გავიდა ხანი და გაგზავნილი აღარ დაბ-
რუნდა. მეორე გაგზავნა, ისიც დაიკარგა. მესამე... მე-
ოთხე.. მეხუთეც... რაც მსახურები კი აღგენ თავზე, ყვე-
ლა გაგზავნა და აღარც ისინი დაბრუნებულან. გაგზავნა
ვეზირი, ისიც დაიკარგა. შეიღები გაგზავნა აღარც ისი-
ნი დაბრუნდენ. მერე ცოლს უთხრა: შენ მაინც შემიტ-
ყვე რა ამბავიაო? წავიდა დედოფალი, ისიც იქ დარჩა.
გაუკვირდა ხელმწიფეს და თქვა: სწორეთ რაღაც ამბავი
უნდა იყოსო! თვითონ წავიდა და რომ შეჰყო თავი სამ-
ზარეულოში, მისთანა თქვენს მტერს, იმას საქმე მოუვი-
და: თურმე კუჭი გადმოგორებულიყო, გავლო პირი, ჯერ
მზარეული ჩაეყლაპა და მერე ყველა, ვინც კი ამბის შე-
სატყობლათ მიდიოდა. ბოლოს ხელმწიფეც ჩასანსლა..
გაიბერა, გაიზარდა და გამოგორდა კარში. მიდის და
მიგორავს; ვინც შეხედება წინ—ჰყლაპავს! ჩაუარა სოფ-
ლებს და ჩაუყლაპავი აღარავინ გაუშვა... შეშინდა ქვეყ-

ყანა. ვისაც კი გულს ერჩოდა, დაუხედენ წინ ზოგი კეტებით, ზოგი ცულით, ნაჯახით, წილდით, ზოგიც შევილდისრით, მაგრამ ვერა დააკლეს რა. უფრო და უფრო აღებს პირს „კუქია“, ჰყლაპავს დიდსა და პატარას!.. იზღებდა და იბერებდა... მთის ოდენა გახდა!.. მაინც მიდის და მიგორავს უგზო-უკვლოთ. რომ ველარა გააწყვეს რა, წავიდენ სოფლები მკითხავეთან. მარჩიელმა უთხრა: მაგას თქვენ ვერას დააკლებთ, ტყულა ნუ აჯავრებთ და ნურც აკვდებითო. ეგ რასაც მეტს ჩაჰყლაპავს, ისა სჯობია, ბევრს ველარ მოინელებს და თან გადაჰყვებაო. გარედან ვერას დააკლებთ და ვინც ჩაგყლაპოსთ მის ძუცელში თან სადგისი ჩაიტანეთ და შიგნიდან უჩხვლიტეთ ხოლმეო. დაუჯერეს და მართლაც, რომ ველარ მოინელა ამდენი მსხვერპლი „კუქიამ“ და შიგნიდანაც დაჩხვლიტეს, „ბუჰო“ ერთი დაიძახა და გასქდა. რაც რომ ჩაეყლაპა, ვერ მოენელებია და ისევ ისე ცოცხლათ გადმოჰყარა ყველა... ცოცხლები იყვენ, მაგრამ მკვდრის ძილით კი ეძინათ, გარდა ერთი მეჩანგურისა; მარტო იმას ეღვიძა და, რომ განთავისუფლდა, მოაწყო ჩონგური და დაამღერა:

სულხანო და ღორ-მუცელა,
ძალთა-პირა, „კუქიაო“,
უსამართლოთ ჩანაყლაპი
ყველა თურმე ფუქიაო!

ქვეყნის სასწორ-სამართალი
ღვთის ხელი და მუქიაო
და რატომ არ ეკითხები
მის განგებას, „კუქიაო?“

ბაბილონის გოდოლივით.
იბერები, იზრდებიო!..
რომ გასქდები, გაპრეწილი,
მაშინ გამოთხიზლდებიო.

გველეშაპსაც გადაყლაპა
შუა ზღუაში იონაო,
ჰგლოვდა ხალხი წინასწარ-მთქმელს,
რადგანც მკვდარი ეგონაო.

მაგრამ სამ დღეს მტრის მუცელში
ცოცხლათ მოიკალათაო,
შეოთხე დღეს გამოვიდა
ხმელზე ძალის ძალათაო.

თქვა: „რა დიდხან მძინებია“..
სამ დღესა და სამ ღამესო,
უსიცოცხლოთ, უსინათლოთ,
მოკლებული სიამესო.

მაგრამ, ღმერთო, ვისაც თურმე
არ გასწირავ მაღლით შენო,
ის არ ქრება და იმის ბნელს
ნათელ შუქსაც მიაფენო!

ამდენ მსხვერპლსაც გადმოხედე
მოწყალეების თვალითაო,
გაუმტკიცე ნეტარება
კარგი მომავალითაო!..

სიმღერაჲა და ჩანგურის წკრიალჲა ნელ-ნელა ყველა გამოაღვიძა... წამოდგა ზეზე მეფეც, მიიხედ-მოიხედა და ღმერთს მადლი შესძინა: გმადლობ, უფალო, რომ ახლა გადამარჩინე და აწ თუ კიდევ კუჲს მივენდო, უარესიც დამმართეო. შეჰყარა ისევ თავისი სახელმწიფო, მარტო ჭამა სმაზე აღარ ფიქრობდა, დაუდვა გული სახელმწიფო საქმეებს და მის ბედს ძალლი აღარ დაჰყეფდა.. ჭირი იქ დავტოვე და ლხინი აქ მოვიტანე.

ვალის სოფელი შესანიშნავია ახალციხეში თავის სახნავ-სათესით, ვაკეებით, ბაღჩებით და ბოსტნეებით. ახალციხიდან 10 ვერსის სიშორეზე იქმნება ეს სოფელი. აღმოსავლეთისა და სამხრეთის მხარე წვრილ-სერ-გორებიანია, დასავლეთი და ჩრდილო უფრო ვაკეები; ამ სოფლის აღმოსავლეთით პამაჯის, წინუბნის და აბათხევის სოფლები მდებარეობენ, სამხრით — ნაოხჩების სოფელი, ჩრდილოთ, ფოცხოვის მდინარის გაღმა, — ჭიხელი, ფარება და მეურნეთი და დასავლეთით, ფოცხოვის მდინარის გაღმით, წარბათ-უბანი და არალი. ბაღჩები და ბოსტნები გაშენებულია, როგორც სოფელში ისე მდინარის ჩაყოლება გაღმა-გამოღმა, რომელზედაც თავ-ბოლოს რვა-რვა თვალის წისქვილებია გაკეთებული!

მადნეულებისაგან აქ მოიპოვება ქვის ნახშირი, რომელიც 1852-მდის წარმოებაში იყო; ოსმალები რომ შემოესიენ, დააქციეს და აღარ მუშაობს. არის მარილიცა, მაგრამ სახნავ-სათესის გამო არ აცხადებენ, რომ წაგვიხდება ყანებო. 1840 ერთ გლექს მისცეს ის მლაშის ნაჭოქარი სახნავი ყანათ და რა გუთანი შეიტანა, პირველი კვლის გავლები-სათანავე მარილის ლოდი გამოჩნდა და სოფლელებმა დააგდებინეს ის ადგილი და სხვაგან მისცეს. ტითომ, თავიანთ ჭკუით, სასარგებლოთ არ დაინახეს თავიანთთვის, მარილის ლითონი, რომლის ძარღვი 5 ვერსის სიშორემდის მიდის პამაჯის მიწებში. ფოტორებში არის წერნაქიცა და ქვის

ნახშირი; აქვე არის ამინარის ქვა, 60 ფეხის ზომისა სინ-რგვლით.

ვალეში ცხოვრობს 140 მოსახლე; არიან მართლ-მადიდებელნი, კათოლიკენი და მაჰმადიანი მესხები; სულ 1500 სულამდის იქნებიან. აქვთ თლილი ქვითკირის ეკლესიები და ჯამე (სამკრებულო). ხალხი მეტათ გამრჯე, მუშა, ხელ-გამომავალი არის, ზამთარ ზაფხულ; კაცი თ ქალამდის: მშვიდობიანი, კაცთ-მოყვარე და კარგი ყოფა-ქცევისა. იშვიათად მოხდება ამათში ავ-კაცობა; გარეშე ავაზაკი აქ ვერ ნავარდობს ვერასოდეს, მიტომ რომ გარშემო ვრცელი ვაკეები აქვს. ერთმანერთიც ძმურათ უჭირავთ, რადგან ერთი ტომი, ერთ-ხორც-სისხლი არიან: მაჰმადიანები მთლათ მართლ-მადიდებლების და უმრავლესნი კათოლიკეების განაყოფები არიან. არსებობს აქ მართლ-მადიდებელთა საკვირაო სკოლაცა.

ვალეში შესანიშნია სიძველით მართლ-მადიდებელთა ღვთის-მშობლის ეკლესია, სადაც დროებითად ილარიონ ეპისკოპოსის კათედრაც ყოფილა. აი, რა სწერია შიგნით სვეტზე სამხრეთის კართან: „ქ. ნებითა ღვთისათა მე ღვთივ-გვირგვინოსანის იესიან-დავითიან-სოლომანიან ბაგრატიონისა ქართველთ მეფეთ მეფის კოსტანდინის შვილის შვილმან, მეფის ბაგრატის ასულმან, ათაბეგ ამირსპასალარის სახლის სძალმან, დედის იმედმან, მეორეთ აღვაშენე წმიდაჲ ესე ეკლესია შენ ცათა მობაძვისა ვალისა ღვთის-მშობლისა; რათა მცველ-მფარველ გვექმნა აქა და მერმისა მის საუკუნესა მე და თანა მეცხედრესა ჩემსა ათაბეგს, ქაიხოსროსა და ძენი ჩვენნი ყვარყვარე, მზეჭაბუკ, მანუჩარ, თვალ-შვენიერ, ივანე" და თამარ დღე-გრძელობით დაიციენ—ამინ. დასა მათსა ელენესა სასუფეველი დაუმკვიდრე, მამასა ჩემსა—ბაგრატ მეფესა, თა-

ნა-მეცხედრესა მისასა დედოფალს ელენეს შეუნდოს ღმერთმან, ძმასა ჩემსა არჩილს და აშოტს შეუნდოს ღმერთმან, დასა ჩემსა თათიას შეუნდოს ღმერთმან—ამინ. ვახტანგ, გრიგოლ, კონსტანდინე დღე-გრძელობით დაიცვენ.“ აქ ხსენებული ის ბაგრატი მეფე არის, რომელიც ლუარსაბ მეფესთან ერთად ოსმალ-თაშებს წაეჩხუბენ და დამარცხდენ სოხოსიტახედ, 1545. მაშინ ის ქაიხოსრო ათაბეგი იყო. რომელიც ბოლოს 1573 წ. ყაზმინს მოკვდა.

ძანთლ-ძანდიკებულთა კვანკბა:

. ბენაძეები, გიორგიძეები, ჩიტაძეები, როსტიათობა, ნადირაძეები, გოგიძეები (ჩოტუათი); ესენი ჩორღუნელე-ბის მოგვარე ყოფილან; ამათი განაყოფი მაჰმადიანებიც არიან, შედუმანათ წოდებულნი. კათოლიკეებში არიან: გოზალათი (კოჭიბროლაშვილები), მალენაშვილები, ჩიტოშვილები, ხითარაშვილები, კაკაჩაშვილები, ჯანაშვილები, ნასყიდაშვილები, თელიაშვილები, ათუნაშვილები, (კოპაძეები), გოგილაშვილი, აღლენაშვილები, არსენაშვილები, ფეიქრიშვილები და სხვა.

სახლები ვალელებს ქვის კედლებით ნაშენი აქვთ, რამდენიმე თვლად გაყოფილი; თავი-სახლი, დარბაზი, ოდა-სასტუმრო, ბოსლებში აქვთ; სათორნე, სადაც ფურნეები აქვთ, საკუჭნაო, სადაც—ჭინახული, საფქვავი, ზოგს სახილვეცა აქვსთ ცალკე. საბძელი და სახბორე, სადაც შინაურ ფრინველთაც ინახვენ, ასრევე საცხვარეცა; ამბრები, ბელლები ქანური, ორმოები და სხვა.

პირუტყვები: ძროხა, ხარი, ფურ-კამეჩი, ხარ-კამეჩი, თხა, ცხვარი, ვირი, ჯორი, ძაღლი, კატა და ცხენი. ფრინველები: ქათამი, ინდოური, ბატი, იხვი და ტრედი.

მხეცები: დათვი, მგელი, ფოცხვერი, მგელ-კაცა, ტურა, მაჩვი, კვერნა, დალა, ქვიჯანი, თრითინა, ვირთაგვა, თხუნელა, ძღარბლი, კურდღელი, მელა და წავი. ნადირები: ირემი, შველი, გარეული თხა, ჯიხვი და სხვა. მტაცებელი ფრინველები: არწივი, ორბი, ფუცხი, ძერა, ალალი, ქორი, მიმინო, კირკიტა, ღამე-ბუა, ალოლი, ბუქნაჭორტი, ყორანი, ყვავი, კაჭკაჭი, კოდალა, ბუზი-ყლაპია, სხ. მგალობლებში: შოშია, შაშვი, ტაროლა, მერცხალი, დალა და ბულბული, კირკიტა, წრიალა, როქო, ტყის-ქათამი, მთის-ქათამი, ქედანი, გვიძინი, გვრიტი, გნოლი, მწყერი, მწყერ-ჩიტა, ნარ-ჩიტა, ჩახ-ჩახა, მანგალა, ჭიკჭიკა, ოფოცი, კუკუა, ბზე-წვა, ღამურა და სხვა. წყლისა: თევზი-ყლაპია, ყრუნი, ვარხუ, ტარბი, გარეული-ბატი, გარეული-ბატასინა, იხვი, დედათ-მთრევალი, ლაკლაკი, შხერო და სხვა. მწერები: ფუტკარი, ბუზი, ბუზამ-კალი, ბოვრი, კრაზანა, ფუნდურა, ძაღლის-მწერი, ცხენის-ბუზი, ქინქლა, მუმლი, ტყიპი, ბაღლინჯო, ბუხალაკი და სხვა. მატლები: ქიანყელა, თეთრი-მატლი სხვა და სხვა წვრილი, თუ დიდი ბობოლი, ბოსტანა, მცენართ-მჭრელი, ხილის-მატლი, პურის-მატლი და სხვა. ქიები: პურის-ცომა, რწყილის-დედა, შავი-ქია, მწვანე-ქია სხვა-და-სხვა ზომისა მრავალრიგი, კევი-რაქია, მარიამ-ქია, ხე-ბლის-შუვრი, ქიანქველა, ჯინქველ-ლომი, რცხილა, ჩიჩქვი და სხვა. პეპლები: თეთრი, ყვითელი, ნარინჯი, ალი, წითელი, რუხი, მწვანე, ლურჯი, შავი, მიხაკის-ფერი და ნაირ-ნაირი ჭრელი ვერცხლის და ოქროს-ფერი პეპლები. ქვე-მძრომები: ბაყაყი წყლისა თუ ხმელეთისა, ასრევე გველები, კლდის ჯოჯო, სვენი, ხელიკი, ანკარა, კუტი-კალია, მკალი და სხვა.

ყანების და მადამოს სახელები:

ფოტოროები, ვალის-ქალა, გძელი-ქალა, საგველია, თინარი, წეწნარი, მოკრული, თეთროში, შინდის-წყარო, თამარის-წყარო, ოსიას-წყარო, ავახნის-ხევი, სამგლია-ხევი, ქორატი, ჩრდილის-ძირი, ტბა, ზღვარ-მაღალი, გვერდელი, დაფუფი, ქობა, ღარული, მოკირიელი, მამულასელი, ხელიკის-ყანა, ანჩხარა, ვაჩიანი, გაბადური, მლაშე (აქ არის მარილი), ლარი, გძელა, ბერაი, კავაი, ტაბარელი, ნაღვარელი, ნაფუზარი, ქვიანი, საურმისერი, სასისო, წისკვილის-წვერი, დოლის-წვერი, ხუცური, ბებერაი, საწყევარაი, ქანქახი, აღთუნდელი, ქოჭი, გორი, ვარდი, ბერისელი, ნათლის-მცემელი, საკაკე (აქაც წყარო არის) წითლი-გვერდი, აღომა-ხევი, ახორეთი, კვანჩხი, ვაშლიელი, საკარცხელი, ქანიური, ელია-წმიდა, ხევის-ყანა, კოლა-ღელე, წნელიელის ღელე, ურწყავაი, კოლა-პატური, ხოდაბუნი, ნიგვზის-ძირი, ჯარმელი, ბოლო-ბოსტნები, ოჯორჯალი და სხვა. ნათლის-მცემელი და ელია-წმიდა ნასაყდრევი არიან. ვაჩიანი, ქანქახი, გაბადური, ანჩხარა და თეთრობი სოფლების სახელებია. თქმა არის, იქიდგან მოსულთ თავიანთ სამშობლოს სახელები დაურქმევიათ. ასე არის, რაც მესხეი გადასახლებულან იმერეთში, თავიანთ სამშობლოს სახელები დაურქმევიათ, როგორც მაგალ.: ვახანი, ქვაბი, მარელისი, ვანი, ვარძია, ლოსიათ-ხევი, სვირი, როკეთი, ვარდის-ციხე, მოლითი, აღის-იმერეთი, აქარა და სხვა.

ვალე სახელმწიფოა. საბატონო მიწებსაც ხვნიენ, როგორც გორაშენს და ირქას, სადაც საყდარიც არის ჩამოქცეული. მეტათ ნაქები ყურძენი და ღვინო სკოდნია; ახლა მიტოვებულია უბრალოთ, ნაოხრებნი ისევ სჩანან. ოსმა-

ლოს დროს ციხის ჯამეზე შეწირული ყოფილა საფაშო ვალის სოფელი და გარედან მოსული ფალევენების საცადი; ჯერ თურმე ვალეს იჭიდავებდენ. ხელმწიფის ფარმანი ფალევენები თუ წააქცევდენ, დასცემდენ ვალის ფალევენებს, მაშინ შეეძლოთ ახალციხეს ჩასვლა და ფაშასთან გამოცხადება საჩუქრისთვის. ფაშა ან თავის ფალევენს დააცემინებდა და ან საჩუქარს მისცემდა და ისე დაჯილდოებულს გაისტუმრებდა. ფაშა გზავნიდა ვალელ ძალ-ლონიერ ვაჟკაცთ კონსტანტინებოლს, სადაც სწავლობდენ ხოლმე ბერძნულ ხელოვნურ ჭიდაობას და ისე მოდიოდენ მაჰმადიანები თუ ქრისტიანები. სახელოვანი ყოფილან: როსტიათ ფალევიან ქიტე, თელიათ ლაზარე და ყარაჯა მაჰმადიანი. ჩემს ყმაწვილობაში იყო გიგოლათ პეტრე, რომელიც 20 ფუთს ხვარზალს კოდის ჩინჩილასავით სხვის შეუწევნელათ წამოიკიდებდა ხოლმე. ის გარდიცვალა 55 წლის წინათ 70 წლისა; ფალევიან ქიტეს მოსწრებია. მე მინახავს ჩემი თვალით; 12 ფუთის სიმძიმეს, მწოლარე 90 წლის მოხუცი, მოჰკიდებდა ხელს, ამაღლებდა ცალი ხელით და თვითონაც აჰყვებოდა, ადგებოდა ფეხზედ სხვის შეუწევნელად!

ვალეში იციან ხორციელში და ყველიელში ჭიდაობა, ფერხული და (გულდა-სტვირი) და ოლიმპიური მრავალნაირი ვარჯიში. ქვის სროლა ორი ხელითა, ფიქლებისა, ცალის ხელით, ქალის გაქცევანა, ქოფი, ჯორებუნა, მხარდავედრი, თულოებით ცემა-ტყევა, გადახტომანა, ცხისალემუნა, თავ-მოვლანა, კინკილვანა, ძერებუნა, მძიმე რამეების აწევა, აკიდვა, კლავის დრეკანა, მალაყი, არასი, ბურთაობა, შურდულით ქვის სროლა, უშურდულით მალლა ან შორს სროლა ქვისა, საღებუნა, ჩიკორის ვაკვრა კომბლითა, ნიშანზე სროლა კოჭების ნაირ-

ნაირი თამაშობა, გაქცევანა, ცხენის ჭენება, ჯირითის სროლა და სხვაც ბევრ ნაირი ცდა. იციან აღდგომის დღეებშიც გარეგნობა: კაცი და ქალი გავლენ, საფლავებს აკურთხებინებენ მღვდელსა და მერმე ილხინებენ — ალაგ-ალაგ მიწურებში, კაცი და ქალი ცალკ-ცალკე, თავიანთ ნებისათ, ტკბილათ, მშვიდობიანათ. შესანიშნავია ახალ-ჯვარდაწერილი მეფე. მეორე დღეს, ეკკლესიითან რომ გამოვა, გაუძღვებიან წინ მაყრები სიმღერით ღ ჭიმუნით; მეფეს ყველა მოსახლე ქათმებს აუფრენს პატივის საცემლათ ისიც ხმლით ან სატევრით თავს წასწყვეტს ან დაჰკოდავს, მაყრებიც მაშინვე მოკრებენ, ჩაჰყრიან გოდორში და ისე მივლენ მოღხინეთ სახლამდის, მერე დაჯდებიან და შეექცევიან თავისუფლათ ლხინ-ქორწილს!

სოფელში ხშირია წყაროები. ყველაზე ჩინებული სასმელათ ხვეის-ხანის წყარო და იფნის-წყაროა. მდინარეებში იცის მრავალნაირი თევზები ჭანარი, ციმრა, ლურჯა, ნაფოტა, წითელი თევზი, შავი თევზი, კალმახი, ფიჩხული და სხვა. ნაქებია სიმსუქნით და სიტკბოთი საკუთრა ირქის მხრის თევზი; ვერც ერთი მხრის ნაქები თევზი ვერ უბადლებს მას გემოთი; ერთი ორ ფასათ გაიყიდება!

აქაური ხილი ნაქებია გემოვნებით და სურნელებით: ჭანჭური, თამახი, ქლიავი, ოტური თეთრი და შავი ან წითელი, ტყუბ-ქლიავი, წყალ-ქლიავი, ტყემალი თეთრი და წითელი, ღოდნაშო, ღორღოშო, თუთა თეთრი და შავი, მაყვალი, ჟოლო, კნაპი, ფშატი, პანტა, სხალ-პანტა, წითელ-გვერდა, კვირის-თავა, სანთელა, ნანახირი, გულაპი, კაცისთავა, მიხრიკი, თავრეხული, ზამთარის-სხალი, ხეჭეჭური და სხვა. ვაშლები: შაქრავაშლი, მიხაკ-ვაშლი, მქაშე-ვაშლი, ფაშა-ვაშლი, სობა-

ვაშლი, შაპალმა, ზამთრის-ვაშლი და მისთანა სხვა და სხვა გემო-სიტკბო.სუნნელებისა. ტყის ხილი: მაქალო, პანტა, კუნელი, უზანი, ჯახველა, ასკილი, კოწახური, მამლის-თვალი, ლაბა, და სხვა ყურძენიც კარგი მოდის, მაგრამ არ ხალისობენ. ბოსტნეულში ჩინებულთა კომბოსტო (ლახანა): თითო ერთ ფუტს ააწონს ხოლმე ბევრჯერ; აგრეთვე ქარხალა, ბოლოკი, თაღამა, სტაფილო, კარტოფილი, მიწის-ვაშლი, ხახვი—ზოგი თავი თითო გირვანქა გამოდის, პრასა, ნიორი, ტარხუნა, მალდანოსი. მწვანეულობაში: კამა, ქინძი, რეპანი, წიწმატი, ოხრახუში, სალათა სხვა-და-სხვა ნაირი. მხალი: ჯინქარი, დვალო, დვალულა, ნაცარ-ქათამა, ყვევისფხილა, ფამფარა, სუქანა, პირ-ბამბა, და სხვა. ძირხვენიანები, ძირ-ტკბილა, თყრო, ატალი, სკვინძი, ღიმი, ღრიანჯოლა, სვინტრი, დათვისბაბა, დიყა და სხვა.

ვალეს აღმოსავლეთით და სამხრეთით ირგვლივ ტყე აკრავს 4—5 ვერსზე: ხორაქკენისა, ჟღულის და წყალთბოლისა, ქარლისა, უსკვისა და ჯაყისმნის. ამ ტყეებში ხშირია შავი შეშეულობა; არყი, დგნალი, ვერხვი, რცხილა, ლეკი, ლეკენჩხარი, ქნავი, ხეჭრელა ხეშავა, წიფელი, მურყანი, იფნი, ჯახველა, კუნელი, პანტა, ქორაფი, მუხა, ოზანი, თხი-ვსელა და მისთანანი, კატარი, ფქვი, წიწვი, ნაძვი, სოკი და მასთანა ხე ტყე თუ საწვავი, თუ შენობისათვის გამოსადგვი.

ყვავილებში: ვარდისა და იასამანის ხეები, ასკილი-სა, მინდვრად ფორხვერა წითელი და ყვითელი, ყაყაჩო, ცხრის-სატეხა, სოსანი, პურის-ვარდი, ღიმღილო, შროშანი ყვითელი, მზის უმზირა, თეთრ-ყვავილიანი რწყილის ბალახი და სხვაც; სურნელოვანი, ზენტეხი, პიტნა, ქონ-

დარი, აბზინდა, საწუწკნელა რამდენიმე ნაირი, კვლიავი, ცერეცო და სხვანი; კულ-მუხო, ღვალოშმაგა, ლენცოფა, სარო, ყავის-კუდა, ხარის-კუდა, ყრალ-ბალახა, ვირის-ტერფა, ქრისტეს-სისხლა, წალიკა, რძიანა, ნარინჯი, ვნდრო, ვნდრონუკა, ხოვერა, შალგა, მარმიჭი, ხურო, ჟაუნა, მალაო, მათიტელა, ძურწა, ვარდ-კაჭაჭა, ხარის-კბილა, ასის-თავა, ქარქვეტი, ნარი, ნარ-ცეცხლა, კუროს-თავა, კაჭაჭი; ნარშურეტლა, იელი, მახაბელი, აპრა-ჭიჭა, ჭიჭოტა, მრავალ-ძარღვა, ვნძელა, ძაღლ-ნიორა, ძაღლის-ყურძენა, მარწყვი, ლეშურა, თუთუბო, სამყურა, მაჩიტელა, კათალიკოზა, ბარბალუკა. ოქროს-ცოცხა, მატ-სუქანა, დათვისუქანა, ურო, კორდის-ბალახი, ქალი-სა, იონჯა, ბალახ-ვარდა და სხვანი.

ასეთ მდიდარ მინდორ ყანა-ქალას მოჰყავს ჭინახულად, პური, ქერი, ასლი, დიკა, თათუხი, ოსპი, ფეტვი, ქვიშნი (უგრეხელა), ცერცვი, ბაკლა, ლობიო, სიმინდი, აყირო, კვახი, გოგრა, ქესტანა (ხაპი), კიტრი, ხოგხოგი ნახევარ არშინი, საზამთრო, ნესვი, პატრიჯანი, მწვანე, წითელი და შავი. სოკოები: მგლის-სოკო, ქამა-სოკო, გუდა-ფშაკა, არყის-სოკო, ხის-სოკო, ბებრის-სოკო, ხრა-შუნა, წეროს სოკო, შხამა-სოკო, ნაფეტვარა და სხვანი მრავალ-ნაირნი.

საგლეხო ყოველგვარი ხელსაწყობნი აქეთ საქართველოს ყველა გლეხობაზედ ბევრით უკეთესად: გუთანი, ჯი-ლოლა, არნა, ფოჩხი-კაბდო. ჰგუთვნენ, ხვნენ, ღარვენ, ოშვენ და თესვენ, მით ჭინახულიც უხვათ მოსდით. მე მინახია ორი ურმის მჯას (ძნას) 140 ფუთი პური გამოსვლია, 2 ურემ ქერს 14 ხომარი ქერი დაუყრია, ხომარი 16 ფუთია. გამრჯეც არიან და კარგი ცხოვრებაც აქეთ. გაწყობილნი არიან ოჯახობაში თავიანთ დაგვარ.

ვალი სულ არავისა აქვს, ცოტა ვალსაც არ შეინარჩუნებენ—სწრაფათ გარღიხდიან; ურთი-ერთის გატანა იციან, არ არჩევენ რა სარწმუნოებისაც უნდა იყოს, ყველას სიკეთეს უშვრებიან.

ღექსა.

კაცი ის არის გაირჯეს,
ჭირს-ლხინში სულ არ გაირჩეს,
მტერიც უყვარდეს, მოყვარეც
მისთანა არსად დაისჯეს!

გამოცანა.

„ცა იყო და ქვეყანა არა, კაცნი იყვნენ და გზა არა, მოციქული და პასუხი არ მისცეს, წიგნი მიიტანა და ნაწერი არ იყო!“

ეგ საქმე წყალ რღვნისა არის: ქვეყანა წყალს ეჭირა, ნოე და მისი შვილები კიდობანში იყვენ, მოციქული ტრედი იყო, წერილი ზეთის-ხილის შტო!

ხალხურა.

ღმერთი დიდია, ღარიბო,
გული ნუ შეგიწუხდება,
ზოგს დღეს მოგცემს და ზოგსა ხვალ,
ზეგამდის შეგისრულდება!

გაკონაღა აძბაგი.

ერთს თავადს პირველშივე გაცივებით ცოლი და-უსწეულდა და ერთხანს შვილი აღარ ეყოლანა, სწუხდა

დიდათ და ხმარობდა კიდევაც ყოველ ღონეს: და-
ჰყავდა აბანოებზედ, მოიყვანა ასპინძის აბანოზედაც,
რომელსაც ერთად ერთს ამბობდენ იმ გვარ დედათ
სწეულებისათვის და სწორეთ მართალიც გამოდგა. ორი
კვირის განმავლობაში იგრძნო სიმრთელე ამ დედაკაც-
მა და სიხარულით დაბრუნდა თავის სახლში. იქამდის
რომ მწუხარე დაღონებული იყო და სულ მწარე ნაღვ-
ლიანათ ატარებდა თავის სიცოცხლეს, ნახეს მისმა თა-
ნამგრძობთ-მოყვარე-მოკეთილებმა, რომ სრულია შე-
ცვლილ იყო, მის მოღბენა-მხიარულებას საზღვარი აღარ
ჰქონდა იმ ასპინძის აბანოდან დაბრუნების შემდგომ,
ისინიც იწასთან ძალაუნებრივ გამხიარულდენ; რო-
გორც აღრე ჩვეულებითად დიდ იმედს აძლევდენ და
ანუგეშებდენ ხოლმე, ისე ახლაც დილა-სალამოს არ
შორდებოდენ და რაც შეიძლებოდა ართობდენ მის
სასურველს ლხინ-სიხარულში; ბევრ ხანს აღარ გას-
წია ამათმა ასე სანატრულათ ღროების გატარებამ!
დახედეს მალე, რომ დაორსულებულიყო!... იმათაც
ეს უნდოდათ, ცით მოელოდენ, არ აკლებდენ იმედ-
ნუგეშს მას და ღმერთმაც აასრულა ყველას სურვი-
ლი, გულის-ნადეგი. გარდმოხედა ღმერთიან წყალობის
თვლით, ააცილა ყოველი მანეე შემავიწროებელი. ჩვე-
ულებრივი დედათ მოვლენა მის ისეთს მდგომარეობაში,
მოჟამიერდა, დალოგინდა და შეეძინა კარგი ტანმრთელი
და შეენიერი შვილი.

რა შეიტყო ეს მათმა ერთგულმან შინა ყმამ, შემთ-
ხვევით ყანიდან მოსულმან, რომ გატეხილი ნამგალი
უნდა გამოეცვალა სიმინდის საჭრელათ, საჩქაროთ გაი-
ქცა სიხარულით ვენახში, სადაც მისი ბატონი ყურძენს
აკრეფინებდა მუშებსა და მიახახარობლა: ბატონო ჩემო, ბა-

ტონო, ქალბატონმა ბრწყინალე, ტურთა, ლამაზი შვილი გიწობა, ვეხვეწები ღმერთს თავის მადლში გაგიზარდოსო! ბატონმა ჰკითხა: ბიჭო, ვაჟია თუ ქალიო? უთხრა: ბატონო, ვაჟიც არის და ქალიცაო. — ერთი არის თუ ორიო? — ერთიც არის და ორიცა, იქმნება სამიცაო! პირუტყვიც თუ ადამიანიო? პირუტყვიც არის და ადამიანიცაო. ბედნიერია თუ უბედური? თქვენგან იქნება, ბატონო ჩემო, ბედნიერიცა და უბედურიცაო! მაშინ მისმა ბატონმა სამახარობლოში გაათავისუფლა ყმურის მონებისაგან და მისცა დვირში ერთი გლეხის საკმარისი მამული!

გაუკვირდა დიდათ ეს მუშების თავ-მდგომს მოურავსა და ჰკითხა ბატონს, როცა წავიდა იქიდან ის მახარობელი: განა ღირსი იყო თქვენგან ეგრედ გაბედნიერებისა ეგ თაბარუტი ყმა, რაებს მიგდ-მოედებოდა, ერთი სწორე პასუხიც ვერ მისცა თქვენს კითხვებსაო? უთხრა—როგორ არა, ძლიერ კარგი და ბრძნული პასუხები მომცა. სჩანს, შენ ვერაფერს ვერ მიმხვდარხარ მის ნათქვამებისასო! ვერა, ბატონო, ვერა!... — განა, გინდა, რომ აგიხსნა თვითვეულად? — ძლიერ მადლობელი დაგრჩები, ბატონო ჩემო, მოახსენა, თუ ამიხსნიო!

უთხრა ბატონმა მოურავსა, ჩემს პირველს კითხვაზედ რომ მითხრა, ვაჟიც არის და ქალიცაო, ჩემისთანა უშვილოსთვის ერთი შვილი, ვაჟიც არის და ქალიცა, მზეც არის და მთვარეცა. თუ მამაცი, გამჭრიახი, ძლიერი გამოვიდა, ხომ ვაჟი იქმნება, თუ, უთაური ქალაჩუნა და სხვათა ხელის შემხედვარი—მაშინ, რაღა თქმა უნდა, ლეჩაქ დახურული ქალი იქმნება! მეორე კითხვაზედ რომ მითხრა, ერთიც არის და ორიცა, იქმნება სამიცაო! თქმა არის: თუ თითოთ საჩვენებელი ერთად ერთი გვარის ბატონი გამოვიდა, ორ კარგ ძმებსაც აჯობებს და იქნება

სამთაყაო, თქმულა, ერთი ათასათაო!—მესამე კითხვაზედ რომ მითხრა, პირუტყვიც არის და ადამიანიცაო, ეს იმას ნიშნავდა: ჯერ, როგორც ჩვილი ყრმა, პირუტყვივით უენა-პირაო, ტირილის მეტი არა იცის-რა, მაგრამ, როცა მოი-ზრდება, ენას ამოიდგამს, თავის მოთხოვნილებას გამო-სთქვამს თავის პირით, ავსა და კარგს გააჩვენებს, —რა ექვია მაშინ ადამიანი იქმნებაო.—მეოთხე კითხვაზე რომ მიპასუ-ხა, შენგნით იქმნება ბედნიერიც და უბედურიცაო, ეს იმას ნიშნავდა, რომ, თუ ღვთის-მოშიშს, ღვთის-მსახურს, ღვთის-მოყვარულს, სწავლულს, კაცთ-მოყვარულს და სამშობლო მამულის ერთგულს გაზრდი, დიდი ბედნიერი იქმნება და გვარის ბატონიცა; და თუ ღვთის-უშიში, ღვთის-მსახუ-რების მოძულე, ზნეობა წამხდარი, უსინიდისო, ცუდი მი-მართულებისა გამოვიდა, რაც უნდა სწავლა მიიღოს, ღვთის-უშიშობით ის იმ სწავლას არა მარტო თავის სა-ვნოდ, არამედ სხვათა დამაბრკოლებლად და ქვეყნის დამაქცევლად მოიხმარს, იმაზედ უბედურიც ხომ არავინ იქნება! როცა ამისთანა უბედურები გამრავლდებიან, მეფობაც მაშინ წახდება და ბატონობაც მაშინ აღდება და მთელი ქვეყნის საკიცხველნი იქნებიანო.

ქველბუთი მკითხვის წებალი

(შეუცვლელათ)

ქ. ანთებულ ცეცხლიჩი ჩამადგევი, რაცა შენი დარ-დი მიშვრება, რაც არა, ამათი დარდი ლამის უღვთოთ სული ამომართვან. ღმერთსა ერწმუნევი, რომ რაცა შენ წასულხარ, სულ ავათ ვარ, თვალჩი ჩინი არა მაქქს. შე-ნი ღმერთის ხათრისთვინ ძალე მოდი, თვორემ ესენი დღეს

დამიღვევენ. დავსწერ წიგნს გამოგიგზავნი თავით ბოლო-
მდი მურასავ, წამკითხველსა ვენაცვალე, გამგონელსა ნუ-
რასა. ყოვლად წმიდას ვეხვეწები, ჭირს ნუ შეგყრის ნუ-
რასა.

სახელი არა სჩანს, არც დრო. სჩანს პატარძალი
უნდა იყოს!

ხალხური.

იამან გშობა შობითა,
ვარდმან გაგზარდა ქებითა,
ნეგომან ძუძუ გაწვია
მას ჰგავხარ სურნელებითა.

ძველებური ანდაზები.

ქართველი ჯარის ბრძოლაში კიჟინი და სომხის დი-
აკნების წირვაზედ ყვირილი ორივე ერთიაო!

ბერო, არ გინდა ცხონება და ღმერთმაც ნუ მოგ-
ცესო!

ხუცესო და ხუთ-მუცელო, ხუთი დოქის გამომც-
ლელო!

ზღაპრის წილ-ძანთაღი.

თურმე ეშმაკმა თავისი შვილი — უსჯულოება — დააქორ-
წილა სიბოროტეზედ; ამათ გაუჩნდათ შვიდი ტრფიალი
ქალიშვილი: ა. ერქვა ამპარტავენობა, ბ. ანგარება,
გ. მრისხანება, დ. უწმინდურობა, ე. ნაყროვნება, ვ. შუ-
რიანობა, და ზ. ზანტ-ზარმაცობა. სხვა-და-სხვა პირუტ-

ყვების და მხეცების სახე-მიმართულება მიეღოთ და იქა-
დიდენ თავიანთ ენერგია-ნიჭიერებაზედ იქამდის დაჟი-
ნებულად, რომ თითქოს ქვეყანაზედ ამათი უკეთესი არა
იყოს-რა და მთელი ქვეყნის კაცობრიობაც იმათ ეჭი-
როთ ერთიან ხელშიო.

ამპარტავენობა ჰგავდა შვენიერს, მედიდურს თარშა-
ვანგსა, მალ-მალ ინდოურივით სიედებოდა და იხედებოდა
თავის შვილ-ფეროვან ფრთების ბოლოზედ; მერე, რომ დაი-
ხნდავდა თავის შავფეხებზედ, სწუხდებოდა ხოლმე! ანგაა-
რება ჰგავდა შხამიან გველ-ვეშაპსა, რაც შეხვდებოდა
ცდილობდა ყველას ჩანთქმასა. მრისხანება ჰგავდა ლე-
კვებ მოტაცებულ ბრაზიანს ძუ ვეფხეს! ვისაც არა მგონია
ზედ ვარდებოდა, ჰგლეჯდა და ჰფრეწდა! უწმინდურე-
ბას მიეღო სახე-თვისება მიწისლომისა, რა ნაირ ადგილ-
საც მივიდოდა, იმ ნაირ ფერი სახეს მიღებდა ხოლმე! ნა-
ყროვნება ჰგავდა გაუმაძღარ ღორსა, დილიდან საღა-
მომდღას არ აყენებდა პირსა! შურიანობა ჰგავდა მკბენარ
ძუნკალ ძაღლსა, სულ უღრენდა მიმსვლელ-მომსვლელთ
და ბევრთაც ჰკბენდა! ზანტ-ზარმაცობა ჰგავდა მოუჩვე-
ველ გარეულ ვირსა; ტლინკებს ისვროდა ზოგჯერ და
უფერო მეტათ სულ გორავდა მინდორ-ვაკეებში და
მტვრით ივსებოდა!

ამპარტავენება მიათხოვა ეშმაკმა მთავრებსა, ანგაა-
რება მდიდრებსა, მრისხენება მხედართ-მმართველთა, ნა-
ყროვნება გარყვნილთა, შურიანობა ვაჭარ-ხელოსანთ
და მეურნეთა, ზანტ-ზარმაცობა სასულიეროთა და კეთილ-
შობილთა, და უწმიდურება საყოველთაეო მეძავთ დასვა!

ხალხური ლექსები

(შეკრებილი გრ. აფშინაშვილისაგან კახეთ-ში, სოფ. რუისპირში).

—

თრიალეთიდამ წამოვა
თორმეტი ვაჟი მთისაო,
არ ურევია სხვა მხრისა—
ყველანი არაგვისაო.
ღართის კარს რომ მაალწევენ,
სიცხე დაბრუნდა მზისაო!.
—აქ ვისაუზმოთ, ბიჭებო,
შიში არ არის მტრისაო...
იქვე ზის სამოცი კაცი,
ურჯულო დაღისტნისაო.
წამოიშალნენ ლეკები,
ელვა შაიქნა ხმლისაო!
გოშპარიშვილი ნინია
კანჯარივითა ხტისაო,
ცხენსა ზის იაბოზედა,
ნიავე-ქარივით ქრისაო;
ფრანგულსა ხელი გაიკრა,
ცხვრებივით ყელსა სჭრისაო;
ურჯულო შეეფალაენა,
ნინიამ დასცა ძირსაო...
ურჯულოს თოფი გავარდა,

ადამი დასცეს ძირსაო!
ქრისტე ღმერთმა გადმოხედა,
თვალს ცრემლი მოადგესაო:
ვაჰ, შენი ბრალი, ადამო,
გაუმადლარო მზითაო!
ან დედას ვინ შაგინახავს,
ან იმ პატარა ქვრივსაო?!

2.

გიორგი გელანაშვილი,
სარდალი წყემსეპისაო.
ასე არიგებს წყემსეებსა,
როგორც დედ-მამა შეილსაო.
თავის მელორეს შეჭფიცა:
მადლმა იმ მეუფისაო!
გუშინ რომ ღორში ვიყავი,
ნაფალი ვნახე მტრისაო;
დავუჩოქე და ვესროლე
მარჯვენა ბეჭის ძირსაო;
არაგვის ღორი დაიძრა,
ჩაჰკივლა დიდის ხმითაო.
დიღმელების ბინაზედა
სამი ბელადი ზისაო;
სამთავ უტყუბეს თოფები,
გიორგი დასცეს ძირსაო!
ჩვენი პატარა გიორგი
ზევიდგან ჩამორბისაო,
მიშველე, ძმაო გიორგი,
ლეკმა დამიდო ძირსაო!

ასე გადმოდის გიორგი,
 როგორც ნადირა ტყისაო;
 კაფა და კაფა ლეკები,
 როგორც ტოტები ხისაო!
 დედას კაცო მიუვიდა:
 გიორგის არა სჭირს-რაო,
 ხელთ ჭიანჭური უჭირავს,
 სამოთხის კარსა ზისაო!...

3.

ლომიაშვილი ივანე
 კილოს რომ მოვიყარეო,
 თავზე რო ხელი მოვისვი —
 სიყმიდამ მოვიშალეო!
 ბიძაშვილები მკითხავენ:
 რასა იქ, გენაცვალეო?!
 რასა ვიქ, ბიძაშვილებო,
 მზე მიბნელდება, მთვარეო!
 და მყვანდა გათხუებული,
 ისიც აქ დავიბარეო.
 მოვიდა, გადმამეხვია:
 ძმაო, შენ გენაცვაო!
 შენ ადექ და მე დავწვები —
 სწორებში გაიხარეო;
 მშვიდობით, ჩემო სწორებო,
 მკლავი ვერ მოვიხმარეო,
 გადახატული თვალ-წარბი
 ლოდის ქვას მოვაფარეო!

იმისი სული კრულია,
რაც ქალი ენდოს ქმარსაო;
კობტასა, ამპარტავანსა,
აზნაურისა ყმასაო!
წუხელის ლაშქრით მოვიდა,
შულამისა ხანსაო,
ავდექ, ავანთე სანთელი,
მივარდი გვერდის კარსაო;
ოქროსა სკამი მოვართვი:
დაბძანდი შენსა მზესაო!
— შენი „მზე“ მე არათა მწამს,
ლეკივით მოგჭრი თავსაო!..
გადავდექ, გადაუძრახე
ივანეს, ჩემსა ძმასაო:
ძმაო, გიკლავენ დასაო,
მოაცურებენ ზღვასაო...
ის ჩემი თეთრი ჩიქილა
სხვას დაუხურავ თავსაო;
ის ჩემი გიშრის ნაწნავი
ყვავს მიაქვს საბუღარსაო;
ის ჩემი ფარჩის სარტყელი
ცას შემოურტყამ გარსაო!

ქართველი ქალი ტიროდა
ქართლისა შუა გზასაო:
დამრჩნენ პატარა ობლები,

ვერ გამოვრეკე ზღვასაო!
ღმერთმა უშველოს მეცხვარეს,
იმის სამწყსოს და გზასაო:
ხიდი გაედო მსხლის ხისა,
წინ მიუძლოდა ცხვარსაო,
მეც იმან გამამიყვანა,
ჩემი ობლებიც წყალსაო,
თორემ შიგ ჩავვარდებოდი,
თევზი შამქამდა ზღვისაო!

6.

ობიყმიანთ ბანზე ვიდექ,
დავხედე არე-მარესა:
უფროსი რძალი მზესა ჰგავს
და შუათანა მთვარესა;
უმცროსი რძალი დაედებს
კედელში საპნის ნალევსა:
დილაზე ადრე ავდგები,
უმზეოდ დავიბან პირსა;
მოვისმენ ცისკრის ლოცვასა,
დავემზგავსები მთვარესა,
სულ უკან ჩამოვაყენებ
ამ დარბაისელ ქალებსა...

7.

ქავქავადემ დამპატიჟა,
ღვინო მასეა ტკბილი.
ხოდაშნის ბოლოს მოვედი,

მამეკიდა ძილი;
გულა-ნაბადი მოვიხსენ,
ჯაგში წაყუავ ცხვირი!
(დამეკრა და მეთამაშა,
გამეწია ლხინი!)
ჩემი სტვირის მამპარავსა
შეეყაროს ჭირი,
სამი წლის ციებ-ცხელებამ
დაუსიოს ცხვირი!

8

შენ, მამაჩემო,
ხარ მაგისტანა:
ხელში გიჭირავს
ალმასის დანა...
სისხლით ავავესე
მე ტუსალანა!
დედას აღარ აქვს
გიშრის კავები,
ცრემლით ევსება
ორივ თვალები!
ჩემს საფლაოზედა
სდგას ორი ბალი,
იქ მიდის ერთი
ლამაზი ქალი,
ამბობს: სიკვდილო
დაგიდგა თვალი.

9

გადმამდგარიყო სერზედა
 თვალ-ჟუჟუნა, თეთრი ქალი,
 ხელს მიქნევდა: აქ წამოდი,
 შინ არ არის ჩემი ქმარი.
 ციხის საქცევად წავიდა,
 დასცემიან ღიღნი ქვანი!

10.

მე ბანის ბანად გეძებდი,
 შენ დერიფანში გეძინა;
 ოქროსა ღიღი გაგხსნოდა,
 ბროლისა მკერდი გეჩინა,
 მელნის თმა, გიშრის კავები
 ლამაზად გადმოგეთინა!

11.

ნესტან დარეჯან
 სად რას გეძინა?
 — მინდვრის ბოლოსა.
 ზედ რა გეხურა?
 — ზარი-ზარბაბი...
 მოველ, აგხადე,
 სამი გაკოცე;
 სამმა კოცნამა
 ფერი გიცვალა;
 ფერმა ნაცვალმა

წიგნი დასწერა,
შიგ რა ჩასწერა?
— ხამ-ხამ ატლასი.
ვის გაუგზავნა?
— დავით მეფესა.
რით გაუგზავნა?
— ჯორ-აქლემითა.
რა მოუვიდა?
— დიბა-ხავერდი.
რით ჩამოხადა?
— ასი კაცითა.
დიბა-ხავერდი
რითი გამოსჭრა?
— მაკრატლის წვერით
რითი შეკერა?
— ნემსის წვერითა,
ბროლის თითითა.
რითი ჩაიკო?
— ნაზი ხელეებით,
სიხარულითა.
რით გაიხადა?
— ცხარე ცრემლითა.
რითი გარეცხა?
— ცრემლ მღუღარითა.
რაზედ გაჰფინა?
— ალვის ტოტზედა.
რითი გააშრო?
— ნიავ-ქარითა..

სახნის-საკვეთი, ჯამბარა,
მამასახლისმა დაგვპარა;
იმას გაუწყდეს ცოლ-შვილი,
უხნავ-უთესი დაგვყარა!

12.

შენ კეკელო, პეწენიკო,
შენი საქმე როგორ იყო?
პავლია რომ არ შეგერთო
განა სხვა ბიჭი არ იყო?!
ვარდიანთ სახლს უკანა
თელა იდგა და რცხილაო;
იმ დასაქცევმა კეკელომ
უბანი შეგვირცხვინაო!

13.

წყეულმა წყილმა მიკბინა
შუალამისა ხანსაო;
ავდექ, ავანთე სანთელი,
გავუდექ იმის კვალსაო;
შუა გზაზე მივეწიე —
ვაჰ, იმის დაქერასაო!
ახლა ურემზე დავუდე,
სამას უღელა ხარსაო;
გავიტან მოედანზედა,
დიდის მელიქის კარსაო;

ლიტრას აბაზათ გავყიდი,
უყურეთ მოგებასაო!..

14.

ნათლი-დედამ დამპატიჟა,
გამიკეთა ხავიწიო,
კოქლი გოგო ათამაშა,
იმის ცოდვით დავიწვიო!

15.

დღევანდელსა დღესა,
ქორწილი აქვს ღვდელსა,
პატარძალი მოიყვანა...
ნანი-ნანა-ნესა!
კატამ მწვადი მოიპარა,
პატარძალსა სცესა!
პატარძალი აგრე ამბობს:
— არ დავდგები თქვენსა...
დედას წიგნი მოეწერა,
შიგ ეწერა გიშერიო:
— შეილო, მანდვე მოითმინე,
მე ველარას გიშველიო.

16.

ერეკლეს სტუმარი
მოდის, მოგალობს,
ლილინებს ნელა;
ფეხებსა ხლართავს —
უყურებს ყველა!

ჰკითხეს: სად იყავ?

—მეფესთანაო:

ისიც კაცია,

ჩვენისთანაო!

(სოფელ ყვარელში შეკრებილი).

შენი ქება შემომესმა,
შენი კარგი თავისა;
გაივლი და გამოივლი,
შუქი გადგა მთვარისა;
ზურგზე ნაწნავი გაყრია,
სისხო ჩემი მკლავისა;
თმას წინადან შუბლი არი
საწერელი კალმისა;
შუბლს ქვევიდან წარბები გაქვს,
მოწეული მაყვლისა;
აქეთ-იქით ლოყები გაქვს,
საკმეჩები ვაშლისა;
ლოყებს შუა ტუჩები გაქვს
სასუტები თაფლისა;
ტუჩებს შიგნით კბილები გაქვს
ჩემი გულის დარდისა!

აქამდე იყო ავდარი,
ეხლა დადგა დარია;
განა სხვა ქალი არ არის,
შენზე მქონდა თვალია;
თუ შენ ჩემს იქით გათხოვდე,
არ გეწეროს ჯვარია!

სუფსარქისი შავინახე,
მარხვა შენი წმინდათა:
შენ ქებასა ვლაპარაკობ,
ღამემ ბნელმა ინათა;
შენი დარდი და ბოროტი
გადამექცა ჭირათა;
მოდო, ქალო, მაკოცნიე,
ეგ გვეყოფა ღვინათა;
გაბრუნდი და შენავ წადი,
დაიფინე რხილათა;
თავით ბალიში დაიდე,
დაიძინე ტკბილათა...

მე, აღექსი კაკაშვილი,
რისთვის არ ვუფრთხილდი თავსა!
დავქუჩებულვართ ბიჭები,
მივდიოდით გაღმა-მხარსა.
რალას ვეფალავენებოდი
იმ საოხრო აღაზანსა.
მე ვსთქვი: რა მოერეოდა
ჩემს ღონიერ ბეჭებ-მკლავსა;
წყალმა ქვევ-ქვევით დამწია,
ბიჭები მიჭერენ თავსა;
შავხტი მალლა, დავუძახე
საწყალ ჩემსა დედ-მამასა;
დედ-მამას რას გაეფაგონებ,
კალოზე ლეწავენ ძნასა;
გაუგია დედ-მამასა,
ცრემლით მორეცხავენ გზასა!

ხალსური „კეფსკის ტყაოსანი“

(თქმული გლეხის ჯოჯოლა არაბელი-
საგან სოფ. ჩირდილში, თიანეთის მაზ-
რაში, და ჩაწერილი სოსიკო მერკვი-
ლაძისაგან).

იყო და არა იყო რა, იყო ერთი უწინდებური დი-
დი გმირი კაცი, სახელათ ტარიელი. ჰყავდა ცოლათ მე-
ტათ შვენერი მზეთ-უნახავი, სახელათ „მზე-ქალი.“
ისეთი ლამაზი იყო ტარიელის „მზე-ქალი“, რომ ღამე-
ბნელაში ანათებდა და აშუქებდა, როგორც ღამპარი,
როგორც ცის მნათობი. და მიტომაც ეძახოდენ „მზე-
ქალს.“

ტარიელი უდიერი ღონიერი იყო და ჰყვანაზე არა-
ფერი არ უმაგრდებოდა. ყველა ღონიერ დევს ეშინოდა
და ერიდებოდა მისი. მუდამ სანადიროთ დადიოდა; დი-
ლით წავიდოდა, საღამოთი მიჰქონდა ცალ მხარზე მოკ-
ლეული ირემი და ცალზე—დიდი, უზარ-მაზარი ხე—შე-
შათა. ტარიელი აიღებდა თავის დიდ ქვებს, შედგამდა
ნანადირევის მოსახარშავათ, დაავლებდა ხელს იმ უზარ-
მაზარ ხესა, დაანარცხებდა დედამიწაზე და სულ ლუკმა-
ლუკმათ აქცევდა შეშათ!..

ბევრს ედვა გულში მოტაცება ტარიელის „მზე-ქა-
ლისა“, მაგრამ ვერაფერ ბედავდა ტარიელის შიშით. ყვე-

ლაზე უფრო შურდათ ეს ქალი ტარიელისათვის ქაჯებსა და „მაცილებს“ (ეშმაკებს). ყოველ დღე და ყოველ წამს იმის საცადში იყვენ „მაცილები“, რომ ეშოვნათ დრო და „მზე-ქალი“ (ნესტან-დარეჯანი) მოეტაცნათ და თავიანთის წაეყვანათ. ერთხელ, როცა ტარიელი სანადიროთ იყო წასული, მოვიდენ „მზე-ქალთან“ მაცილები და თან მოიტანეს ერთი ახალ გაკეთებული კიდობანი. მაცილები იმ სახით მოვიდენ „მზე-ქალთან“, როგორც ხორციელი ადამიანები და როგორც ტარიელის ერთგული მონები. მოახსენეს ტარიელის „მზე-ქალს“: კიდობანი მოგართვით ტანისამოსის შესანახადო და მოგეწონებათ თუ არა— აბა ნახეთო. როცა „მზე-ქალმა“ ნახა კიდობანი და მოეწონა, მაცილებმა უთხრეს: „აბა შიგაც შებძანდით და დაათვალიერეთ, სინათლე ხომ არსად გადისო“? მზე ქალს არ ეგონა, თუ „მაცილები“ არიან და ოინს მიზამენ, მიღალატებენო. შევიდა კიდობანში თუ არა „მზე-ქალი“, მაცილებმა მაშინვე დახურეს კიდობანი, ოთხივ-კუთხივ დარაზეს და მოიტაცეს; მივიდენ ზღვასთან და მისცეს წყალს:

დასხდიან მეკიდობნენი
იმბარ-ამბრი და უმბარნი.
იმათ კიდობან ააგეს
ქებითა-არა ქებითა,
შიგ ქალი შესვეს, „მზე-ქალი“,
ძალითა განა ნებითა!..

მზე-ქალი შეაგდეს ქაჯებმა აღელვებულ და აზვირთებულ წყალში. ზღვამ შეიბრალო მზე-ქალი: დაწყნარდა და კიდობანი მალლა-მალლა „ქანქანით“ წაიღო. წინ ნესტან-დარეჯანს გადაეღობენ, „გაებადნენ“ გველები. შავმა გველმა თქვა, შევკამოთო, ძაგრამ წითელმა გველმა

შეუტია, „უშქინა“ და დაუშალა; თეთრმა გველმაც მხარი დაუჭირა წითელს და თქვა: ცის მნათობია, ქვეყნათ მოვლინებული, და ნუ შევქამთო, ნურას გაეუბედავთო.

ქაჯებ მზე წყალში შააგდეს,
წყალს მისცეს ღვან-ღვარებიო; *)
წყალმა იბრალო, იწყალა,
გაიგლო ქანქანებითა;
წყალში რო გველებ დაუხვდეს,
ბადე-ბადეს აქეს გაბმითა;
შავმა გველ უთხრა: შევქამთო,
წითელ უშქინა ავითა;
თეთრმა გველ უთხრა, ნუ შევქამთ
ხმელთ მნათობარი მოვიდა“.

ბევრი ცურვისა და ზღვაში ხეტიალის შემდეგ, ქაჯებმა გაიტანეს კილობანი ნაპირზე „ფასმანის“ (ფატმანის) მიწაზე. გამოიყვანეს ნესტან-დარეჯანი და კილობნის „ღირეზე“, საძირკველზე, ჩამოსვეს. ამ დროს დაინახეს „ფასმანის“ მონადირეებმა. მოჰკიდეს თვალი თუ არა შეენიერ „მზე-ქალს“, მაშინვე ჩაუხტენ და დაუწყეს ომი. ქაჯებმა შეაკურეს კილობანი ზღვაში. მონადირენი კიდევ არ მოეშვენ და სამს სამოცი ისარი ჰკრეს კილობნის ღირეს:

ქაჯთა მზე გამოიყვანეს,
დასვეს კილობნის ღირესა.
„ფასმანის“ მონადირეთა
ღირეზე თვალი ჰკიდესა,
ჩავიდენ, არ დაიშალეს,

*) „ღვანღვარებიო“ აზვირთებულს, აღელვებულს“.

მისწივნეს, არ დარიდესა,

სამას-სამოცი ისარი

ზე ჰკრეს კილოზის დირესა.

მონადირეებმა ბევრი ეცადეს, მაგრამ ვერ დაიხსნეს მზე-ქალი და წაიყვანეს ისევე ქაჯებმა. მიიყვანეს ქაჯებმა ქაჯეთის ციხეში და დამალეს იქ „მზეთ-უნახავათ“. გაიგო თუ არა გმირმა ტარიელმა თავისი „მზე-ქალის“ დაკარგვა, გაშმაგებული შეჯდა თავის რაშზე და წავიდა საძებრათ; დადიოდა ტყე-მინდორში და ზღვის პირებში. დღისით ტარიელი არ დაისვენებდა ხოლმე, ხოლო ღამდებოდა თუ არა, მაშინვე დაიბინავებდა და, როგორც-კი გათენდებოდა და ამოვიდოდა მზე, ტარიელიც მაშინვე შეუდგებოდა მგზავრობას და ძებნას. უფრო ზღვის პირებზე ეძებდა ტარიელი, რადგანაც ექვით იცოდა, რომ ზღვისაკენ უნდა ყოფილიყო მისი „მზე“ წაყვანილი.

ტარიელ, მზის მამებარი,

ზღვის ნაპირთ იარებოდა.

მზე ჩახდა, — დადგა ტარიელ,

ამოხდა, — იარებოდა;

მასკლავი ჰქონდა ლოგინათ,

მთვარე გულს ეფარებოდა.

ერთ დღეს ტარიელი მიადგა ერთ მდინარეს, სადაც ერთი კოჭლი მონა დაინახა. მონა მიდი-მოდიოდა წყლის კიდევებზე და ტიროდა.

— რა გატირებსო — ჰკითხა ტარიელმა „კოჭლ-მონას“.

— ისა, ბატონო, რომ ბატონთან ვარ დაბარებული და ამ მდინარეზე ხიდი არ არის, ისე ვერ გავედი და არ ვიცი, რაღა ვქნაო. ტარიელს შეებრალა კოჭლი მო-

ნა, გაიშვირა მკლავი და ვადვა ხიდათ მდინარეზე; მონა შედგა ზედ და გავიდა.

მივიდა თუ არა თავის პატრონთან კოჭლი მონა, მის ნაზირ-ვეზირებს უამბო ამ საკვირველი გმირის - ტარიელის—ნახვა და მისი აშბავი. ყველა ეს ნაზირ-ვეზირებმა მოახსენეს თავის ბატონს (მეფეს). მეფემ მაშინვე დაიბარა თავისი საყვარელი და გამოჩენილი ორი გმირი „ადენ“ და „ომარე“ და უბრძანა, გაჰყევით „კოჭლ-მონას“ და რომელ კაცსაც ეს დაგანახვებთ მინდორში, ის მომიყვანეთო, „ან სახელი და გვარი მომიგეთო“.

ადექ და მოემზადენით,
ჩემო ადენ და ომარე,
ის კაცი აქა მომგვარეთ,
ვინ იყოს მინდორთ მდგომარე!..

ადენმა და ომარემ მორჩილებით თავი დაუკრეს თავის მეფეს და მოახსენეს: სახელის და გვარის გაგება და მისი ვინაობის ოლონდ თქვენი ბრძანება იყოს, თორემ ორი კაცისაგან ერთი კაცის მოყვანა ძლიერ ადვილი სამსახურიიაო:

ბძანება იყოს, ბატონო,
შენთა ბაგეთა ბროლთაგან,
ადვილი სამსახურია
ერთის მიყვანა ორთაგან.

ადენმა და ომარემ შეისხეს საჭურველ-იარაღი, გამოიყოლეს „კოჭლი მონა“ და წავიდნენ. „კოჭლმა მონამ“ მიიყვანა მდინარის ახლო და დაანახვა გაღმით ტარიელი. ადენ და ომარე წადგენ წინ და დაუძახეს ტარიელს:

ბიჭო, ვინა ხარ, ვინ იყავ,
მარტო მინდორში მდგომარე?

ბატონ გიბარებს, აქ მოდი,
ან სახელ-გვარი მიბარე!

ტარიელმა მოისმინა თუ არა მათი ძახილი, შამოუ-
ძახა: თუ კარგი ბიჭები ხართ, მანდედან ნუ-კი ყვირით,
ახლოს მოხდნდით და აქ გამიცანით, ვინცა ვარ; აქ გაც-
ნობებთ ჩემ თავს და ჩემ მკლავის ღონეს, აბა შორით რას
დამაფასებთო.

მინდორში ოქროს კოშკი დგას,
გარშამო—ვერცხლის თასები,
ახლოს მოდექით, მოსრულნო,
შორით არ დაეფასები!..

ამ ხმაზე აღენ და ომარე გავარდენ გულადათ გაღ-
მა, მაგრამ მისთანა თქვენს მტერს, ტარიელმა იმათ საქმე
დამართა: აღენს ერთი მათრახის წვერი მოარტყა და სულ
ჯარასავით აატრიალა; მინდორში; ომარ ერთი მათრა-
ხის „გადანათებით“ ზეცას გაგზავნა, „კოჭლი მონა“-კი
შორს იყო და გამოიქცა ბატონისაკენ, მაგრამ ტარიელი
მოეწია, გამოჰკითხა ამბავი და, რომ გაიგო ბატონისაგან
იყვენ გამოგზავნილნიო, წაავლო ხელი „კოჭლ მონას“,
ააგლიჯა ცალი მხარი, მისცა მასვე ხელში და უთხრა:
წადი მიუტანე შენს ბატონს ამბავი და ეგ შენი მხარეც
სუფურის მისამატათ, „შესაახლებლათ“ — მიართვიო.

მოვიდოდა კოჭლი მონა,
თავში მოიციმდა ქვითა;
ბატონ შენი საყვარელნი
მოგიმშვიდნა მათრახითა...
აღენს შემოკრა მათრახი,
მინდორს ბრუნავს ჯარავითა;
ომარე ზეცას წალაღა,
ჯერაც არ მოსულა ცითა,

მე რო მხარი ამომწვავა,
ისე მომაქვს თავის მხრითა...
მითხრა: „ბატონს მიუტანე,
სუფრა შაიახლოს მითა“.

ეს ამბავი ძლიერ ეწყინა მეფეს და სამძიმოთ დაურჩა თავისი საყვარელი ორი გმირის სიკვდილი. მაშინვე შეჰყარა დიდი ჯარი და გამოეშურა ტარიელისაკენ. შემოახვია მწოლარე ტარიელს დიდი ლაშქარი და დაუწყო ისრის სროლა სეტყვა-წვიმასავით:

ეგე იწყინა ბატონმა,
მეტათ დიდსა ჯარებს ჰყრიდა,
შამოგხვია გარშამო,
ჩალათ ისარს მიაყრდიდა.

ტარიელმა, როგორც დიდმა გმირმა, „ჟამით-ჟამამდე“ ძლიერ მაგარი ძილი იცოდა და, სანამ გაღვიძების „ჟამი“ არ მოუვიდოდა, მანამ ვერავინ ვერ გამოაღვიძებდა და გონს ვერ ჩააგდებდა. იმ დროს, როცა მეფე შემოაღდა დიდი ჯარით და დაუშინა „ჩალასავით ისარი“, ტარიელს ეძინა ნაბად-წახურულს და ვერაფერმა ვერ გამოაღვიძა. რაში რომ ტარიელის განსაცდელს ხედავდა, ტიროდა და ტორსა სცემდა, მაგრამ, რომ ველარ გამოაღვიძა თავისი პატრონი, მაშინ რაში დასწვდა ტარიელს და ცალი თითი მოაკენიტა: ეგება ამით მაინც გამოვალვიძოვო.

თავით უბამს ცხენი-რაში,
თვალვით ცრემლებს ჩამოჰყრიდა;
ჩაეწოდა თით მოკენიტა,
ოქროს თითი მოებმოდა

თითის მოკენეტამ ტარიელი გამოაღვიძა; დაინახა, რაც ამბავი იყო, ნელ-ნელა აუჩქარებლად წამოდგა, გა-

დააბერტყა ნა²დიდან ისარნი და მოველო თავისს რაშს-
გაიღვიდა ტარიელმა,
ნელა-ნელა წამოდგესა;
ფეხი შედგა უზანგოში,
ამოდ შეჯდა არ შეშინდა...

მაშინ გაერია ამ ურდო და ურიცხვ ,,ხატაველთა
ლაშქართა“ ჯარში, როგორც ქორი მტრედის გუნდში,
და დაუწყო ჟღერა. ,,კაცი კაცს ჰკრა, ცხენი-ცხენსა“
და მკედრის გორები დააყენა წამზე. გლეხი კაცი ტა-
რიელს ებრაღებოდა და არ კადრულობდა მათთან ომს,
დიდკაცებს და თავადებს-კი ჟღერდა საშინლათ.

გაერია ხატაველთა,
როგორც მტრედის გროთა ქორი,
კაცი-კაცს ჰკრა, ცხენი-ცხენსა,
დადგა მაგაების გორი!..
არ იკადრა გლეხი კაცი,
თავადებზე გადავიდა,
ზეციტ წამოვიდა ორბი
ეგეთ ჯარით სიმრავლითა,
ბოძალი ჰკრა ტარიელმა,
მხართა შუა სისხლი სდინდა,
ჩაეწვადა, მხრები დასჭრა:
ბოძლის დასაკვრელათ მინდა.

ტარიელი ომში ერთ შევნიერს ვაშაკ-ჭაბუკს შეხვდა,
რომელსაც შეძახა:

— მე შენ არ მოგკლავ, იმიტომ-რომ თვალები ჩემ
(ბიძაშვილს) გიგავსო და გამობრუნდა. ჭაბუკი შეკრთა
და ტარიელს ვერაფერი ვერ უთხრა, ვერაფერი ვერ შეჭ-
ბედა. ამ შედღერებულ ჭაბუკს ერქვა ავთანდილი და იყო
მართლა ტარიელის ბიძაშვილი („შინში“), მაგრამ, რადგა-

ნაც ტარიელს პატარა დაეტოვებინა შინ და მას აქეთ აღარ
ენახათ ერთმანეთი, ავთანდილსაც დავიწყებოდა ტარი-
ელის სახე და ვერ იცნო ომში. როცა ავთანდილი შინ
მოვიდა, ყველა ომის ამბავი უამბო თავის შვენიერს და
კეკლუც ცოლს — თინათინას (თინას). „მთელი ჯარი ამო-
გვწყვიტა იმ ვილაც სკვირველმა გმირმა და, როცა ჩემ-
ზედ ანლო ლახტი და უნდა მოვეკალ, ჩამოიღო და მითხრა:
მე შენ არ მოგკლავ, რადგანაც ჩემ „შინშ“ ავთანდილს
ჰგეხებარო.

— ეგებ შენი დაკარგული ბიძაშვილი — ტარიელი
იყო!?... — შეჰკივლა თინათინმა; — რატომ არ გამოჰკითხე,
ვინ იყო და ვინ არა. განა ეგრე წამოსვლა გეკადრებო-
და? თუ ჩემი სიყვარული გაქვს და ან შენი ბიძაშვილის,
ტარიელის, პატივის-ცემა, ეხლად-ეხლავე ადექი და სძებნე,
საცა იყოს ის გმირი, ეგებ ტარიელი იყოს და როგო-
რმე ეწამლე და მოეხმარე გასაჭირში.

ამ მკაცრი ბრძანების წინადადებაზე რაღაცა ეჭვები
შემოეხვია ავთანდილს გულზე. დაიწყო თავის უმანკო
თინათინზე ეჭვიანობა: ეს მე მიტომ მითხოვს ასე უცე-
ბათ სახლიდან, რომ აღბათ კურო, საყვარელი, ჰყავსო
და ჩემი თავიდან მოშორება უნდაო.

— ადექ, ავთანდილ, ნულარ აყოვნებ, წადი, მოსძებ-
ნე, ნახე ის გმირი და, თუნდა ტარიელიც არ იყოს, კარ-
გია: მადლია უცხო დაკარგული და გადახვეწილი მოყმის
მონახვა და შევლო, — უთხრა თინათმა. ამ თქმაზე ვეღარ
მოითმინა ეჭვით სავსე აღელვებულმა ავთანდილმა, აემღვ-
რა გული და საშინელი სიტყვებით შეამკო თავისი
უმანკო და შვენიერი თინათინი:

ბოზო, რას ამბობ ღიაცო,
არჯალო, აუგიანო!

უწყლო, უღარო წისკვილი

მთაში ვის აუგიანო?!

მაყვარების (საყვარლების) გულისთვის

ქმარი ვის გაღუგდიანო?!.

თინათინი დიდათ შეაწუხა ამ უსამართლო ცილის წამებამ და მტკიცე ფიციტ შეჭფიცა ავთანდილს თავის უმანკობაზე: ღმერთმა და ყოველმა ხატმა მრისხოს, თუ თინათინს შენს მეტი ქმარი უნდოდეს და ან მოეწონოს, თუნდ ათასჯერ შენზე უკეთესიც ნახოს და ზეციდან ჩამოსულიო. მე გითხარი და გთხოვე, რომ ტარიელი მოგეძებნა, გეპოვნა უთუოდ ის გმირი, ვინც იყო. ტარიელიც რომ არ იყოს, მაინც კარგია უცხო მოყმის შევლა და შემწეობა-მეთქი.

ღმერთი რისხავდეს თინასა,

ხატი ყოველთა წმინდისა,

ქმარი უნდოდეს შენს მეტი,

ათას სხვა ჰყავდეს გულისა.

მოძებნა მაინც კარგია

მოყმისა დაკარგულისა.

დაიჯერა ავთანდილმა თავისი შვენიერი „თინას“ ფიცი და რჩევა და იმ ღამესვე გამოეწყო სამგზავროთ. საგზალიც მოიძადა. ისარიც ბლომათ ჩაიწყო ქარქაშში და გასწია (გაიპარა) კიდევ უნათლივ ტარიელის საძებნელათ. შემდეგ მოგროვდენ ავთანდილის ჯარი და კარის კაცნი; მოიყარეს თავი და იახლენ ავთანდილს შინ. მაგრამ ციხიდან თინათინი გადმოადგა და გამოუტხადა მათ საყვარელი პატრონის წასვლა, სადღაც გაპარვა.

ციხით იძახა თინამა:

ავთანდილ გაიპარაო,

სამოც და სამი ისარი

ქარქაშში ჩაითვალო,
შავი აქ დაკლა ვარია,
თეთრი თან წაიტანაო.

ავთანდილმა ბევრისაგან ბევრი სძებნა ტარიელი და ძრიელ სწუხდა, რომ ვერ იპოვნა და საწადელი ვერ აუსრულდა, ხოლო ამდენი სიარული ამაოთ შერჩა. ვინც-კი შემოხვდებოდა ავთანდილს წინ, ან ვისაც მიეწეოდა, ყველას ჰკითხავდა ტარიელის ამბავს, მაგრამ თვალის მომკვრელსაც-კი ვერავის შეხვდა. ავთანდილი, როგორც „გულთმისანი“, გონიერი და ჰკვიანი კაცი, იმედს არ ჰკარგავდა ტარიელის ნახვისას და რაც ხანი გადიოდა, თანდათან უფრო ემატებოდა მხნეობა და ხალისი ტარიელის ძებნისა.

ავთანდილს საგზალი მალე გამოეღია და საზრდოობდა ნანადირევით. საცა მოშივდებოდა, იქვე ინადირებდა, დაანთებდა ცეცხლს, დათლიდა შამფურებს, შეწვავდა მცვრიან მწვადებს, მოიკეცდა თოქალთოზე და შეექცეოდა.

ავთანდილ გადინადირა
ქელი მალალი ტყიანი,
ვერც ხარი მოკლა, ვერც ფური,
ვერცა ბოჩოლა რქიანი;
შველსა ჰკრა გამოფრენილსა
ისარი ორბის ფრთიანი,
დაჰკიდა ცხენის ტახტაზე
ტყავ-გაუხდელი, რქიანი;
ჩავიდა ბურილ ძირშია,
ცეცხლი დაანთო პრიალი,
სადგომი ბინა დაუხვდა
ქყანტიან-ქაობიანი;

ქვეთა საგებლათ მოჰხადა
თოქალთო უნაგრიანი,
დათაღნა ეკლის შამფურნი,
მწვადი ასხა მცვრიანი.

ავთანდილი, „თოქალთოზ“ მოკეცილი რომ მცვრიან მწვადებს შეექცეოდა, იმ დროს შორს მინდვრის სივრცეში შავი ნისლივით მომავალ ჯგუფს მოჰკრა თვალი, რომელიც თან-და-თან უახლოვდებოდა ავთანდილს. ავთანდილმა გაარჩია, რომ ხალხი მოდიოდა მისკენ. შეფიქრიანდა: ვაი, თუ „მეკობარნი“ — ლაშქარნი იყვენ და არამცრა მაზიანონო. მაშინვე შეკაზმა ცხენი, გადაიკიდა თოფი, აიღო შვილდ-ისარი და მოემზადა საომრათ: ვინცობაა მტერი იყოს, ჯაბნათ არ დაეხვდეთ.

მინდორს დაინახნა კაცი,
ჯანის-ჯანად (ნელა-ნელა) მომდინარნი.
— „ახლოს მოდე, ჩემო ცხენო,
აბჯარნო, გამეძალენით,
მტერს მოშლით ნურას შევხვდებით,
თვალშია ვეჯაბანებით!“

ავთანდილმა მიატოვა გაშლილი სუურა ცეცხლთან, მოკლული ირემი და ცეცხლზე შემოლაგებული მწვადები და შეეგება მომავალ ხალხს. ხალხში ლაინახა, რომ სამკაცს ერთი თავ-გატეხილი კაცი მოჰყავდა. ავთანდილმა „გამარჯვება“ უთხრა და ჰკითხა: რიგი გყავთ დასწეულებული ეგ კაციო.

— ეს ძმა არის ჩვენი, — მიუგეს სამთავემ — ჩვენ ტყის პირას ვიყავით, რომ ერთმა გმირმა მოყმემ გამოიარა ჩვენს ახლოს; ჩვენ ძლიერ გაგვიკვირდა იმ დიდი გმირის ნახვა. ეს ჩვენი ავადმყოფი ძმა გამოეკიდა: „ვინა ხარ, მითხარიო“, მისძახოდა და „ან საით მიეჩქარებო“.

გმირი მოუბრუნდა, ერთი სილა ვაჰკრა და, აი, თავი ოთხათ გაუჩეხაო.

ავთანდილმა ამ ამბისათვის მადლობა გადაუხადა, ისურვა მათი ავათმყოფის მშვიდობით მოარჩენა, ასწავლა თავის ბინა — ცეცხლი და მწვადები, წამალიც თავ-გატეხილისათვის: ირმის ტვინი წაუსვითო და დაუამებსო. თითონ-კი აღარ მიბრუნდა; ბინაზე დანაც დარჩა ავთანდილს და ნუ დამიკარგავთო შეეხვეწა. გააქანა ცხენი და გასწია ტარიელის საძებრათ.

აიმა და იმ ხეთ ძირში
მწვადი უბრუნვენ ნებასო,
წყლოულს ირმის ტვინი წაუსვით,
იტყვიან მოსვენებასო;
საპურ-ყველე დანა დამრჩა
იმ ჩემ ნადგომსა ბინასო,
ნუ დამიკარგავთ, გეთაყვა,
თქვენი სნეულის ლხენასო.

ავთანდილმა გააქენა ცხენი აქით, საითაც უჩვენეს მგზავრებმა გმირის წავლილი გზა. ესენი-კი მივიდნენ ავთანდილის ნადგომ ბინაზე, ავათმყოფს დაადევს წყლოულზე ირმის ტვინი, შეუხვიეს თავი დე მოასვენეს. თითონ ისამხრეს გუნებიერთა და შეისვენეს. შემდეგ სამივე ძმები დაეხვიენ ავთანდილის „საყველ-პურე“ დანას, მაგრამ ხეზედაც ვერ მიაყუდეს და საცა ეგდო, იქვე დატოვეს.

ავთანდილი-კი იმ დროს გამალებული მიაქროლებდა თავის „თეთრ ტაიქს“ და მისდევდა ტარიელის გზაკვალს. კარგა მგზავრობის შემდეგ ავთანდილს შემოხვდა ერთი უზარმაზარი დევი, რომელიც ძლივს კოჭლობით მოჩახუნობდა. ავთანდილმა დევი იცნო და გამარჯობა უთხრა. შემდეგ ჰკითხა იმისი აშბავი, ვის საძებრათ იყო

წამოსული. — „შენ მამიჩემის ძმობილი იყავი და სიმატლე მითხარი, აქეთ მგზავრი ხომ არავინ გინახავსო.

დევ, მამიჩემის ძმობილო,
ხომ არვინ ჩამოგეარა?

— ჩამომიარა ქროლით ერთმა პირქუშმა მოყმემ, უთხრა დაეყეილმა დევმა. მე ვხნავდი, გუთნეული მება, გამიკრა ხელი გუთნეულს და ზღვას იქით გადამიყარა!.. მეც ერთი ფეხი წამამკრა და შორს გადამისროლა... აღარ მეგონა, თუ ცოცხალი გადავრჩებოდი. შენ ტყვეილა მისდევ, ავთანდილ, ველარ მიეწევი იმ მოყმეს, იმან საქართველო გადიარა და სათათრეში გავდა. მე ისეთი დიდი გმირი არ მინახავს და არც ისეთი შევენიერი; ერთი გაიღიმა და ისეთი შუქი გამოკრთა, რომ მთა და მინდორი გაანათა.

ერთმა პირქუშმა მოყმემა
ცხენ ხეთქით ჩამომიარა,
ხელი გამიკრა გუთანსა,
ზღვას იქით გამისრიალა!..
წიხლი მკრა გუთნის დედასა,
კ...მა გამოიარა,
ღიმი კმნა, კბილი გამოჩნდა,
მთას შუქმა გადაიარა,
მაგას ნუ მისდევ, ავთანდილ,
იმან დიდი გზა იარა,
გასწირა საქართველოი,
სათათრე გადაიარა.

ავთანდილი უმფრო მეტი სიფიცხით გამოუდგა უკან ტარიელის გზასა და დღე და ღამე დაუსვენრათ მისდევდა, მაგრამ ვერ მიწვდა, ვერსად მოჰკიდა თვალი. მიმავალმა ავთანდილმა ერთს მდინარის პირას დაინახა მიმდ-

გარი ჯარი; ის დაურიდებლათ მივიდა მათთან და იკითხა ტარიელის ამბავი, მაგრამ ვერა გაიგო-რა; მერე გამოიკითხა მათი ასე შეგროვების მიზეზი.

— ჩვენ მგზავრნი ვაქარნი გახლავართ.— უთხრეს ავთანდილს— აქ ჩვენი დადგომის და მწუხარების მიზეზი ის არის, რომ ამ მდინარეზე ეს ერთი ხილია, სხვა გზა არ არის და ამ ხილზედაც თითო პეშვ თვალ-მარგალიტის გადაუხდელათ ამ ხიდის ბატონი არ გვიშვებსო.

— ნუ გეშინიათ, მე გაგიყვანთ და გაგათავისუფლებთ. წადგა ავთანდილი წინ და შეძახა ხიდის ბატონს:

— მგზავრი და ქარავანი ღეთისა არის, მათი ძარცვა და წინ დადგომა ცოდვია, საკადრისი არ არის; მოეცალე ხილიდან და გაატარე ქარავანი, თორემ, ტარიელის მზეს ვფიცავ, სამტკივნელოს დაგარტყამ და შენს ტვინს ზღვას ქაფათ მივცემ.

ეს ქარავანი ღეთისია,
უერთოდ არ მამიცია,
ტარიელის მზემ, გაუშვი,
თორემ მტკივანი მიცია!..
ეგ შენი ტვინი და სისხლი
ზღვას „პერად“ გადამიცია.

ხიდის ბატონი არ მოეცალა გზიდან და დამშობილება მოინდომა ავთანდილის: ორივემ გავიყოთ შუაზე ძმუ-რათ მაგადგან ანალები თვალ-მარგალიტო;— ესე ჯობია, თორემ რას გამოვრჩებთ, ჩვენ ორივემ რომ ერთმანეთს თავი შევაკლათ და ჩვენი სისხლით „ნახლმევე-ნაისრით და ნაშუბრით“ მინდორი მოვრწყათ და ავაესოთ... დამანებე ქარავანი, დღეს მე და შენ ძმები ვიყვენეთო.

მინდორს სისხლის ტბა გვიბრუნავს
ნახლმევე-ნაისრ-ნაშუბარი,

ეს ქარავან დამანებე,
დღეს მე და შენ გავხდეთ ძმანი.

ავთანდილს ეწყინა ესა და ერთი მათრახის გადაქნევით დედამიწაზე გაუშენიჭა მგზავრების მძარცველი ბატონი; გაუხსნა თავისუფლათ გზა მგზავრებს და გაატარა. მგზავრებმა შესწირეს ლოცვა და დიდი მადლობა ღმერთს, რომ დამხსნელი გამოუგზავნა და ლოცავდნენ ავთანდილის მოსვლის გზას.

ავთანდილი გაეშურა თავის გზაზე და მიჰკროდა გრიგალ-ქარივით; ის გავიდა თავის ბიძის — ფრიდონის — მანქალაში და მიაბრუნა ცხენი ფრიდონისაკენ. ამ სიარულში ავთანდილი მიაღდა ერთი დედაბრის ქონს. ავთანდილმა იმასაც ჰკითხა ამბავი თავის საძებრისა, მაგრამ ვერა გაიგო რა. ბებერმა ჰკითხა: „სად მიხვალ ახლა“.

— მე მივდივარ ბიძა-ჩემ ფრიდონთანაო, — მიუგო ავთანდილმა. ეს დედაბერი თურმე „გულთმისანი“ იყო და ყველა გაიგო, რაც ავთანდილს სურვილი ჰქონდა. დედაკაცმა ფრიდონის სასახლის მარჯვე გზა ასწავლა.

— შენ თუ შენი საწადლის ასრულება განდა, ბიძა-შენ ფრიდონთან რომ მიხვიდე, ცხენი თხოვე და როცა მოგცეს, წადი ჯოგში და რომელიც ჯოგს უკან ჩამორჩება გაჩინჩლოლი კვიცი, იმას სტაცე ხელი და მოაჯექი, ის გაპოვინებს შენს საწადელს; მართალია ის, ვიცი, თვალის შესახედავით ცუდია, მაგრამ გადამავალის ქარის ცხენია და მხედრის გულის-პასუხის შემტყობელი. ბიძა-შენ ფრიდონს არ იამება იმ კვიცის წამოყვანა, მაგრამ ველარას იზამსო — უთხრა ბებერმა და გზა დაულოცა. ავთანდილმაც მადლობა გადაუხადა და გამოეშურა ბიძისაკენ. ორი დღის მგზავრობის შემდეგ მივიდა თავის

ბიძა ფრიდონთან და მოკითხვის და საუბრის შემდეგ უთხრა: ცხენი დამეღალა და უნდა ერთი მძრინავი კვიცი-ცხენი მაჩუქოვო.

ფრიდონ, გენუკვი, ბიძაო,
კვიცის რემის ფრენასო.

ბიძა მოგიკვდეს მაშინ, რომ მჯობნის-მჯობნე და-გაიჭიროვო: შედი ჯოგში და რომელიც მჯობნის-მჯობ-ნეა—მიირთვი, მიწყალობებიაო.

ფრიდონ მოგიკვდეს ბიძაი,
მჯობი გიწყალოს ჯოგშია,
შედი და გამოარჩიე,
რომელიც სჯობდეს მჯობშია.

ავთანდილი მაშინვე გაეშურა ჯოგში. გამოირეკა წინ ჯოგი და დაიჭირა ის პატარა კვიცი, რომელიც უკან ჩამორჩა და რომელიც ბებერმა ურჩია. ფრიდონს დაე-ნანა, მაგრამ თქმით-კი ველარა უთხრა-რა ავთანდილს. ავთანდილმა დაადგა უნაგირი, მოახტა ზურგზე და გაფ-რინდა კვიცი, თვალი ველარავინ მოჰკრა!.. ბევრი სი-არულის შემდეგ ავთანდილის ცხენმა იპოვნა ტარიელის ცხენის „ნატერფალი“, კვალი; დაადგა ამ ნაკვალევს მფრენ-მბრბენი და აღარ მოშორდა. ნაკვალევმა მიიყვანა ერთ გამოქვამულ კლდეში, საცა ერთი დედაბერი ცხოვრობ-და. ავთანდილი გადახტა ცხენიდან, მიესალმა დედაბერს და გამოჰკითხა ტარიელის ამბავი.

— აქ მოდის ხოლმე ჩემთან ტარიელი, — უთხრა დე-დაბერმა — ახლა სანადიროთ არის წასული და ცოტა ხნის შემდეგ მოვაო.

— არა უთქვამს-რა, დედაშვილობას, შენთვის ტა-რიელს: ან დედა არ დამრჩა შინ, ან ბიძაშვილს და ან

ვის იგონებს კიდევ, თავის საყვარელ ნესტან დარეჯანის გარდა?

— ჩემთვის, შვილო, ტარიელს არა უთქვამს-რა და არც მე ჩავკითხებივარ, — მიუგო ბებერმა.

ავთანდილი შეეხვეწა დედაბერს, უთუოდ უნდა მომიხერხო და ტარიელი მაჩვენო პირის-პირო.

— არ შემიძლია, შვილო, უთხრა ბებერმა — ის ისეა გაშმაგებული და გასწელებული თავის საყვარლის „მზექალის“ დაკარგვით, რომ არავის არ ინდობს, არავის არ ეკარება, მისი ფიქრი და საწადელი მარტოკა თავის, მზექალის პოვნა და გამოხსნა არის და რომ ვაჩვენო შენი თავი, ვაი თუ მოგკლას და ცოდვა დამედვას თავზეო. მაგომ ავთანდილი არ მოეშვა და დიდი ხვეწნა-მუდარით: „თუ მომკლავს, ალალი იყოს ჩემი სისხლიო“, დაითანხმა ბეპერი და ბებერმა ავთანდილი დამალა ქვაბში. შეღამებინას ზოვიდა ტარიელი სანადიროდან; ცალ მხარზე ნანადირევი ეკიდა და ცალ-მხარზე — დიდი უზარ-მაზარი წიფლის ხე. მოვიდა ტარიელი ქვაბთან, დააგლო ძირს ხე და ნანადირევი გაატყავა, დაანთო ცეცხლი, შედგა ქვაბი და ჩაჰყარა ხორცი. როცა შინ შემოვიდა, დედაბერმა დაუწყუო ტარიელს გამოკითხვა: „ვინ დაგჩა შინ, ან დედა ხომ არ დაგჩენია, ან და, ან ბიძაშვილი, რომლის ნახვაც გენატრებოდესო?“ — არაო, უთხრა ტარიელმა — არავინ არ დამჩენია შინ; დამჩა მხოლოდ ერთი ბიძაშვილი, სახელათ ავთანდილი, ის მახსოვს და იმის ნახვას ვინატრი, ნეტავ ერთხელ კიდევ მაჩვენა ჩემი ავთანდილიო.

— ახლა რომ ნახო ავთანდილი, რას უხამ, დედაშვილობასა?

— ერთს მაგრათ ვაკოცებ და გადავებვევი, — უთხრა ტარიელმა.

— შენ რომ მაგრათ აკოცო, შეილო, ხომ მოკვდება, — უთხრა ბებერმა. გაიგონა ავთანდილმა ტარიელის ხმა და, ჩქარა ნახკის სურვილით აქრჟოლებულმა, ჰკრა წიხლი, გამომატვრია ქვაბის კარები: „აქა ვარ შენი ავთანდილი, ჩემო ტარიელ“ — შეძახა და მივარდენ ერთმანეთს, სააღერსოთ გადაჭხივის ხელი და დაუწყეს ერთმანეთს კოცნა.

ამ აღერსში, ტარიელისაგან მაგრათ მოხვეწის გამო, ავთანდილს სამი გვერდის ნეკნი, „ფერცხალი“, ჩამეტვრა. ტარიელი მაშინვე ჩაეწოდა, ამოიძრო პაიჭიდან ფასკუნჯის ფრთა, წაუსვა ნატკენ გვერდებზე და გაუმთელა, გაუკურნა.

შემდეგ დასხდენ ერთად და უამბეს ერთმანეთს თავიანთი ამბავი და თავ-გადასავალი. ტარიელი მოუყვა, რაც ჭირი და ვაება გადაჰყდოდა თავისი „მზე-ქალის“ — ნესტან-დარეჯანის — ძებნაში ამ თოთხმეტი წლის განმავლობაში. — „ეს თოთხმეტი წელიწადია, ავთანდილ, ვეძებ ჩემს მზეს, დავრბივარ გარ-გარე და ნიშანიც-კი ვერ ვიპოვნეო,“ — უთხრა ბოლოს გულ ამოსკვნით ტარიელმა.

ავთანდილმა იმედი უთხრა: ნუ გეშინია, ძმაო, ნე ვეცდები, რომ მოვნახო და ვიპოვო შენი მზე-ქალი და ან ჩემ თავს მის ძებნაში წავაგებო!.. შენ მხოლოთ ნუ ნაღლობ და დამშვიდდი. უბრალო ხალხთან ჩხუბით არა გაკეთდება რა, თავს ტყუილათ დაიბეჩავენ, სხვასაც ავენებ და შენს მზე-ქალს მაგითი ვერ იპოვნიო. გამოემშვიდობა ავთანდილი და წავიდა ნესტან-დარეჯანის საძებნელათ. ტარიელიც არ დამშვიდდა და არ დაეთხოვა ძებნას, დარბოდა ტყე-ველში და ეძებდა გამუდმებით.

ავთანდილმა დიდი გზა გაიარა. ვისაც შეხვდებოდა, ყველას ამბავს ჰკითხავდა და ასე კითხვა-კითხვით მიაგნო ნესტან-დარეჯანს. გაიგო დაბეჯითებით, რომ ზღვას იქით ქაჯებს ჰყავდათ დამწყვდეული ქაჯეთის ციხეში. ავთანდილი წამოვიდა ტარიელთან, გამოუარა ბიძა ფრიდონს, უამბო ნესტან-დარეჯანის ამბავი და შეველა თხოვა. დასდეს პირობა ბიძა-დისწულმა და ავთანდილი წამოვიდა ქვაბში ტარიელთან.

ტარიელი ავთანდილს შინ არ დაუხვდა.—«მას უკან ორჯელაც აღარ მოსულა შინა»ო—უთხრა დედაბერმა ავთანდილს. ავთანდილი გაეშურა მინდორ-ტყეში ტარიელი-საძებნელათ. ტარიელი ნახა და ახარა «მზე-ქალის» პოვნა. მოვიდენ ქვაბში ორივენი. ავთანდილმა უთხრა ტარიელს:—ახა, ძმაო, ჩემი ცხენი: მაღლა ასწევ აღვირს, ზეცას ავარდება, ძირს დასწევ ქვესკნელს ჩაძვრება და მათრახს გადაჰკრავ—ზღვაზე გაფრინდება. შეეჯექი ამ «იფრინდაზე», გადაჰკარ მათრახი და გახტი ზღვის გაღმა. მე და ბიძა ჩემი ფრიდონი ერთად წამოვალთ. ბიძა ჩემი თოკს გამოაგდებს ზღვაზე, მოსდებს ქაჯეთის ციხეს და შე იმ თოკზე გამოვფრინდები და ჩავბტები ციხეში კისკასათ.

ავთანდილ საჩქაროთ გამობრუნდა, მივიდა ბიძა ფრიდონთან, შეეხვეწა ჩქარა წავიდეთ, მივეშველოთ ტარიელს და თოკები ბლომათ წავილოთ, რომ მიწვდეს ქაჯეთის ციხემდეო.

საწყალი ჩემი დედ-მამა რომ ჯამბაზობას მასწავლიდა, თოკებზე რომ მარბენინებდენ, ასე მეგონა, ბიძია ფრიდონ, ტყუილათ მაწვალებენ-მეთქი!.. უბრალოთ ჩემი ტანჯვა და სიკვდილი უნდათ ჩემ დედ-მამას-მეთქი—ვფიქრობდი მაშინ მე უგუნურბ. ის კი არ ვიცოდი, თუ ჩე-

მი დედ-მამა ჩემ თავის გამოსადეგს მასწავლიდა და მწვრთნიდა.

ბეჩავი ჩემი დედ-მამა
რა ცოდვა-ჭირით მზდიდიან:
ერთი ციხიდან სხვა ციხეს
თოკები გამოჰკიდიან;
მე ისე ფრენით გავრბოდი,
რომ თვალნიც ვერ მამკიდიან!..
მე ის მეგონა, ქვე თუ მკვლენ,
იგინი თურმე მწვრთნიდიან.

ავთანდილი და ფრიდონი მოემზადენ სამგზავროთ;
ჩქარაც წავიდენ და მიაღგენ—ქაჯეთის ციხის პირდა-
პირ—ზღვას. მაშინ ავთანდილმა კიდევ უთხრა ფრიდონს:
აბა, ბიძია, თოკების გაგდება აქედან და წვეერის მოდე-
ბა ქაჯეთის ციხეზედ შენი საცადით იყოს, და ზედ გაფ-
რენა მე ვიციო.

ფრიდონ ბიძისა ცდით იყო
გაგდება თოკებისაო,
ზე გავლა ავთანდილისა,
როგორც მურინავი ცისაო.

ფრიდონმა მაშინვე აიღო თოკები, ესროლა და მო-
სლო ქაჯეთის ციხის ბურჯს. ავთანდილმა მოიხადა ქუდი,
ილოცა ღმერთი, შეხტა თოკზე და გრიგალ-ქარივით წამ-
ზე ჩახტა ქაჯეთის ციხეში. დაუწყო ხოცვა-მუსვრა ქა-
ჯებს, მაგრამ, რამდენსაც მოჰკლაედა, იმდენი ისევე ცო-
ცხლდებოდა და დაჭრილი ადგილი უმთელდებოდათ. ამ
დროს დაინახა ნესტან-დარეჯანმა ავთანდილი და იცნო
თავის ტარიელის ბიძაშვილი.

— აქ რამ მოგიყვანა ავთანდილ?!—დაუძახა ნესტან-
დარეჯანმა, მაგრამ ავთანდილმა ყურიც არ ათხოვა, ის

გაცხარებულ ომში იყო და გუნებაში წუხდა, რომ და-
ბოცოილი ქაჯნი ისევ ცოცხლდებოდენ.— „ნაბდის ხმალი
აიღე, ავთანდილ, ნაბდის ხმალიო“... ავთანდილმა მი-
იხედა გვერდზე და დაინახა კედელზე მიყუდებული ნაბ-
დის ხმლები. ავთანდილმა დაავლო ხელი ნაბდის ხმალს
და დაუწყო უწყალოთ ხოცვა ქაჯებს.

ბევრი ომისა და ბრძოლისაგან ავთანდილი მოიქან-
ცა, „დათვრა, სისხლით“. მაშველს ვერავის ჰხედავდა და
უკვირდა ტარიელის ამბავი. მაშინ შეძახა ტარიელს: ბი-
ძაშვილო, „შინშო“ მიშველე, მომეხმარე, თორემ ამ შო-
ხლვავებულმა ქაჯებმა ლამის გადაგვიარონ თავზეო.

„შინშო“,*) მიშველე ტარიელ,

დამჭირდა შენი გმირობა!..

ავთანდილ დავსუსტებულვარ,

ქაჯებს აქვს ზემო ვლილობა!..

ტარიელი ამ ღროს ციხის გალავან გარეთ იდგა,
სიყვარულისაგან გაშტერებულ-გახევებული და არაფერ
საცადში არ იყო. ავთანდილის დაძახილმა გამოაფხიზლა
ტარიელი ამ ღრმა გაშტერებისაგან. მაშინვე ხმა მისცა
ტარიელმა ავთანდილს: მე აქ სურვილისაგან გახევებული
კარებზე თავსა ვცემდიო და არც-კი ვიცოდო, შენ შიგნით
იყავი თუ არაო.

შენ შით გადახველ, ავთანდილ,

მე კარზე ვდგევარ—ხე ვითა,

სურვილით გახარებული

კარს დავასკდები ქვევითა...

გამოაფხიზლებული ტარიელი მივარდა კარებს, და-
ლენა მთლათ, დაამსხერიო გალავანი ციხისა, შევარდა

*) „შინშის“ ხვესურები ბიძაშვილს უძახიან.

შიგ და დაუწყო ჟღერა ქაჯებს. ამ დროს მოვიდა ქაჯების ხელმწიფეც დიდ-ძალი ქაჯის ლაშქრით და, როცა ნახა კარები და კლიტეები მთლათ დაღეწილი, შეწუხდა და მაშინვე მიხვდა: ამას ქვეყანაზე ვერა ვინ ვერ შეიძლება ტარიელის მეტით. ეს უთუოდ ტარიელი მოვიდა, იმან დაღეწა კარ-კლიტე, ქობალაქები და მიფანტ-მოფანტა მინდვრებშია.

ქაჯებ სთქვეს ტარიელისა:
„ეს საქმე მისეულია,
კარ-კლიტე, ქობალაქები
მინდორში დასრეულია“.

ტარიელმა და ავთანდილმა ამოწყვიტეს მთლად ერთიანად ქაჯების სინსილა, წამოიყვანეს ნესტან-დარეჯანი, ტარიელის „მზე-ქალი“, და წამოვიდნენ. კარგა სიარულის შემდეგ მოადგენ ერთ მდინარის ხიდს. მაშინ უცებ გაიკრა ავთანდილმა ხმაღს ხელი და შემოაუქნია ნესტან-დარეჯანს: „უნდა ეხლავე გაგათავოო!— შეძახა ავთანდილმა. ნესტან-დარეჯანს შეეშინდა, პირი წაიღო და სამი ქაჯი წამოაგდო პირიდან. ავთანდილმა მაშინვე დახოცა ქაჯები. ავთანდილი, გულთმისანი, ქკვიანი კაცი იყო და იცოდა, რომ ნესტან-დარეჯანს სამი ქაჯი ჩაუძვრა პირში. მორჩენილი და განკურნებული „მზე-ქალი“ წამოიყვანეს და წამოვიდნენ დიდი სიხარულით და მხიარულობით.

ხალხური ლექსი.

(სოფ. ჭყვიშში (ლეჩხუმის მაზრაში) გაგონილი იასონ კენჭაძისაგან
და ჩაწერილი ს. ქვარიანისაგან).

არ გითხარ, ძმაო გიორგი,
ნუ მიხვალ თათრის ჯარშია!
რათ შეიწუხე ან თავი,
ან რათ ჩამგდეთ ჯავრშია?
მე რომ იქ წასვლას გიშლიდი,
თურმე მტერობა გეგონა,
ფინთიხის ტყვია მოგარტყეს,
ურთხლის ჭოლოკი გეგონა,
სისხლი რომ ღვართ გდიოდა,
სალხინო ოფლი გეგონა,
ფიცარზე რომ გაგაწვინეს,
ბუმბლის ბალიში გეგონა,
ეკლესიაზე წაგიღეს,
ცოლოურს წასვლა გეგონა,
საფლავში რომ ჩაგაწვინეს,
წვანე ოთახი გეგონა,
თავზედ მიწა დაგაყარეს,

ფარჩის საბანი გეგონა,
ჯინქველა რომ დაგესია,
წერილი ცოლ-შვილი გეგონა,
გველი რომ შემოგეხვია,
ცოლის მკლავები გეგონა!..

გაცხადება

აკაკის

თ ვ ი უ რ ი

„კრებული“

გამოვა ყოველი თვის პირველ რიცხვებში.

წელიწადი ათგება ენკენისთვიდან ენკენისთვემდე.

წლიური ფასი თბილისში მცხოვრებთათვის 6 მანკთა, სოლო
გაკასიის და რუსეთის სხვა ქალაქებში გაგზავნით—7 მან.
ნახევარი წლით—4 მან.

საზღვარ გარეთ: ერთი წლით 9 მან. ნახევარი წლით
5 მან.

„კრებული“ ცალკე ნომრობით არ გაიყიდება.

ხ ე ლ ი ს მ ო წ ე რ ა მ ი ი დ ე ბ ა

თბილისში: „კრებულის“ რედაქციაში, მუხრან ბა-
ტონის სახლში, გოლოვინის პროსპექტზე. „წერა-კითხვის
გამავრც. საზოგადოების“ წიგნის მაღაზიაში—შიო ქუ-
ჩუკაშვილთან. ქ-ნ ელენე ანტონოვსკისთან — სახალხო
ბიბლიოთეკაში (სათავად-აზნაურო ქარვასლაშია). იოსებ
მერკვილაძის მაღაზიაში (ლორის-მელიქოვის ქუჩა, ზუბა-
ლოვის სახლი, № 4) და თბილისის ამხანაგობის „შუა-
მაღლის“ მაღაზიაში.

ქუთაისში: ბეჟანეიშვილის წიგნის მაღაზიაში და მიტ-
როფანე ლალიძესთან.

ბათუმში: ქ-ნ მარიამ ივანეს ასულ ელიავესთან, ექიმ
ვოლსკისთან და კოწია თავართქილაძის და მიქელაიშვი-
ლის წიგნის მაღაზიაში.

ფოთში: სოფრომ მგალობლიშვილთან, ქ-ნ ნინო ბე-
რეჟიანთან, იოსებ კობრეიძესთან, იაკობ ფანცხავესთან და
ვლადიმერ ახობაძესთან.

აზურგეთში: კოწია თავართქილაძის წიგნის მაღაზიაში.
ლანჩხუთში: მასთანვე „შუამავალში“.

ასაღ-სენაკში: თავართქილაძესთან წიგნის მაღაზიაში,
ბესარიონ დავითის ძე ქავთარაძესთან და სამსონ ყიფიანთან.

საჭილაში: „შუამავალში“ კოწ. თავართქილაძესთან.
ზუგდიდში. კნ. ანეტა დადიშქელიანთან.

ხანში: ივანე შარაშიძესთან.

ჭიათურაში: კონსტანტინე დავითის ძე წერეთელთან.

სახსკრეში: ყარამან ჩხეიძესთან.

ყვირაღაში: (ზესტაფონში): დეკანოზ დავით ლამბაში-
ძესთან და ალ. არაბიძის წიგნის მაღაზიაში.

წითაში: კირილე ხარაძესთან.

რნში: თავად ქაიხოსრო გელოვანთან.

გორში: ნიკო ლომაურთან, მიხეილ ილუკიძესთან
და რომანოზ ფანცხვასთან.

განჯაში: ალექსანდრე მიქაბერიძესთან და სოლომონ
დოლიძესთან.

ბაქაში: ილარიონ თაყაიშვილთან.

კაკეკეში: ალექსი ჭიჭინაძესთან და ივანე ჩითაშვილთან.

თელავში: ბარბარე პაატას ასულ სულხანიშვილთან,
კნიაჟნა მარიამ ესტატეს ასულ ვახვახიშვილთან და ივანე
კოლელიშვილთან.

სიღნაღში: დ. მაჩხანელთან — დეპოში და თ. დ. ჩო-
ლოყაშვილთან.

ასაღცხესში: გრიგოლ ბურჭულაძესთან.

ასაღ ქადაქში: ილია აღმაშენებელთან.

საშურში: იოსებ ნიკოლოზის ძე ფანცულაიასთან.

მღვდითში; ჰავლე კურცხალიასთან.

ს. ბრეთში: თ. ვანო ავალიშვილთან.

გუდაუთში: (სოხუმის ოლქშია) გიორგი ბაღდავაძესთან.

აქსტაფაში: მიხეილ გორდაძესთან.

შორაპანში: სამსონ ლუკას ძე ყაზიაშვილთან.

თიანეთში: იოსებ ცისკარიშვილთან.

ადრესი: Тифлисъ. „Кребули“. Головинскій прос-
пектъ, д. кн. Мухранскаго.